



ილორსი

E-mail: roland_jalagania@yahoo.com



ქართული
ლიტერატურა

აფხაზური შთაბეჭდილებები...

დილის ათ საათზე ენგურის ხიდს მივადექით ზუგდიდის მხრიდან მე, ცნობილი ქართველი ენათმეცნიერი კუკური ფიფია, სახალხო მოძრაობა „სამეგრელოს“ ზუგდიდის რეგიონალური ოფისის ხელმძღვანელი ზურაბ კვარაცხელია და საქინფორმის სპეციალური კორესპონდენტი ლადო ქირია. აფხაზეთში მივდიოდით გაზეთ „TAL“-ის რედაქციის მიწვევით, რათა გვემსჯელა მეგრული ენის განვითარების პერსპექტივებსა და ამოცანებზე და ამ საკითხზე მომავალი კონფერენციის ჩატარების ვადისა და ადგილის შერჩევის თაობაზე. არ დაგვიმალავთ, ოდნავ კართმის ყველანი ვერცხობდით და გასაკვირი ამასი არაფერი იყო, რადგან, იმ ავადსახსენებელი ომის შემდეგ, უკვე 18 წელიწადია გაწყვეტილია ყოველნაირი კომუნიკაცია აფხაზეთთან, რამე ერთობლივი ღონისძიებების ჩატარებაზე ხომ ლაპარაკიც ზედმეტი...

ხიდზე გადასვლამდე ქართველმა პოლიციელებმა ჩვენი მონაცემები ამოიწერეს და როცა ჩვენი აფხაზეთში გადასვლის მიზანი შეიტყვეს, დაუბრკოლებლად გაგვატარეს. თითქმის კილომეტრნახევრის გავლამ მოგვიწია ფეხით (მხოლოდ ენგურზე გადებული ხიდის სიგრძე ერთ კილომეტრამდე) და ენგურს გადმა აღმოვჩნდით. იქ ჩვენი ვინაობით უკვე აღარაინი დაინტერესებულა, მოგვესალმენ და ისე გაგვატარეს აფხაზეთის მიწაზე. მასპინძლები უკვე გველოდნენ – გაზეთ „TAL“-ის მთავარი რედაქტორი ნუგზარ სალაყაია, გაზეთის თანამშრომლები მავალა ჩხოლარია, ნარგიზა ბასარია, სლავიკ ცაავა, პოეტი თენგიზ ფეტველია, პოეტი ნუგზარ შამუგია და სხვები.

ხიდს ზემოთ მდებარე გადასურულ გადართვაში დადგმულ მავიდას მივუსხედით და მუშაობას შევუდექით. აღნიშნული შეხვედრა ეძღვნებოდა საქართველოსა და აფხაზეთის მეგრულენოვანი მოსახლეობის კულტურისა და მეგრული ენის განვითარებაზე მომუშავე კულტურული თანასახოგადობის შექმნას. როგორც ჩვენი გაზეთის წინა ნომერში გაუწყვეთ, აღნიშნული საზოგადოება იმუშავეს შემდეგი მიმართულებებით:

ფოლკლორისტიკა – ხალხური შემოქმედების ნიმუშების მოძიება (ანდაზები, გამოცანები, სიმღერები, ზღაპრები, თქმულებები და სხვა, სამეგრელოში ახალი მასალების მოსაძიებლად ექსპედიციის ჩამოყალიბება).

ლიტერატურული ენა – იმ პოეტებისა და მწერლების გაერთიანება, რომლებიც მეგრულ ენაზე ქმნიან ნაწარმოებებს.

ლინგვისტიკა – მეგრული ენის კვლევა მეცნიერულ ჭრილში.

ბანათიშება – დაწყებით კლასებში მეგრული ენის მოკლე კურსის სწავლება.

მასობრივი ინფორმაციის საშუალებები – ინტერნეტ-რესურსების შექმნა, მეგრულენოვანი გაზეთის გამოცემა და სატელევიზიო გადაცემების ორგანიზება მეგრულ ენაზე.

უფლებრივი მხარე – საქართველოს მეგრულენოვანი მოსახლეობის უფლებების დაცვა.

არავის ეჭვი არ ეპარება, რომ კოლხური (მეგრული) ენა, რომლის ფესვები შორეულ წარსულშია ჩაკარული, დღეს ავად მოყარა შე მეცნიერ-ფორნებისაგან უნდა დავიცვათ, რადგან ამ ენაზე წარსულის მრავალი საიდუმლოებით მოსილი ძეგლის გაშიფვრა შესაძლებელია. ამაში კიდევ ერთხელ გვარწმუნებს ის ფაქტი, რომ ცნობილი ქართველმა მკვლევარმა, პროფესორმა გია კვაშილაძემ სწორედ მეგრული ენის გამოყენებით შექმნა სპეციალური აღგორითმი და მოახერხა გაეშიფრა ფრანგი არქეოლოგის ლუიჯი პერნიეს მიერ 1906 წელს ხმელთაშუა ზღვის კუნძულ კრეტაზე ნაპოვნი „ფესტოსის დისკო“, რომლის წაკითხვას 100 წლის განმავლობაში უშედეგოდ ცდილობდნენ მსოფლიოს წამყვანი ენათმეცნიერები და უბედურეს ძეგლთა მკვლევარები. წარმოდგინეთ, ეს აღმოჩენა სომხებს რომ გაეკეთებინათ, ახლა

მსოფლიოს სხვადასხვა ქვეყნებში საკუთარი წარსულის განმადიდებელი არასამთავრობო ორგანიზაციები ექნებოდათ შექმნილი. საქართველოში კი, გია კვაშილაძეს წინააღმდეგ სწორედ ქართველებმა გაილაშქრეს და ლამის მეცნიერულ ჟონგლითობაში დასდეს ბრალი ამ უდავოდ ნიჭიერ და შრომისმოყვარე ადამიანს.

დაახლოებით ორი საათი შეუსვენებლად ვიმუშავეთ აღნიშნულ საკითხებზე, როცა შეხვედრა დამთავრებულად ჩავთვალეთ, ქალაქები წამოვეკრიფეთ და მასპინძლებთან გამოსამშვიდობებლად გავემზადეთ.

– ვერ გიწონებთ საქციელს! – გააპროტესტა ნუგზარ სალაყაია, – როგორც ჩანს, მართლაც დაგვიწყნიათ აფხაზური სტუმართმოყვარეობა. აქედან ნაბიჯს ვერ გადავით სადღეგრძელოების გარეშე! – შეუვალი ხმით დააბოლოვა და აფხაზურ ენაზე, ალბათ, სუფრის გაწყობის ბრძანება გასცა.

თითქოს ჯადოსნური ჯოხი აიქნეისო, ქალბატონები დაფაცურდნენ და მაგიდაზე წამსვე გაჩნდა შესანიშნავი პურმარხი: აფხაზურად შემწვარი დედალი, მოხარშული ხორცი, გულრიფში გამოცხვარი პური, ჭყინტი ყველი, სულგუნი, ხაჭაპურები, კიტრისა და პომიდურის სალათა, აჯიკა, აფხაზურად შემწვარი ღორი, ღიმონათი, მინერალური წყალი, ხილი, და რაც მთავარია, შესანიშნავი აფხაზური ღვინო – „ლიხინი“.

საკმაოდ მოშიებულებიც ვიყავით, მასპინძლებმა დანაყრება გვადროვეს და შემდეგ ფეხზე ამდგრებმა შევსეთ ჩვენი შეხვედრისა და მონატრების სადღეგრძელო.

სასმისმა თავისი გაიტანა, მაღე ისე დავობით და იმდენად გულახდილად წარმოთქვამდით თმახან სადღეგრძელოებს, თითქოს წინა დღით დაწყებულ სუფრას ვაგრძელებდით. ვისხენებდით წარსულის ბედნიერ დღეებს, აფხაზეთში გატარებულ დროს, თბილისის შეხვედრებს, შერეულ ქორწილებს, ადამიანებს, რომლებიც უკვე ჩვენს გვერდით აღარ არიან...

სწორედ სუფრასთან, ყოველგვარი მიკიბე-მოკიბების გარეშე, ყველამ გამოთქვა აზრი იმის თაობაზე, რომ სამეგრელო არის არა მხოლოდ საქართველოს ხერხემალი, არამედ ის ძალაც, რომელსაც ძალად შეინარჩუნოს ქართულ-აფხაზური ისტორიული მეგობრულ-ნათესაური ურთიერთობები.

ხშირად ერთმანეთს სახეებს ვარიდებდით, არ გვინდოდა გვესაუბრა იმ მძიმე უამზე, როცა ჩვენი მამები, ძმები და შვილები დაუნდობლად ხოცავდნენ ერთმანეთს, ვცდილობდით მხოლოდ მომავლის იმედზე გვესაუბრა, რომელიც კვლავ ჩვენი ერთად ყოფნის ოცნებად არის ქცეული!

აფხაზებს შევახსენე იმის თაობაზე, რომ სიტყვა „აფხაზი“ საქართველოში ყოველთვის ასოცირდებოდა ვაჟაკობასთან, პრინციპულობასთან, ზრდილობასთან, სტუმართმოყვარეობასა და უტყუარ თანადგომასთან. არ არსებობს ქართველ შემოქმედთა მიერ შექმნილი ნაწარმოები, სადაც აფხაზი ადამიანი უარყოფით გმირად იქნება წარმოდგენილი. მართ-



ლაც დიდი იყო შთაგონების ძალა! და ეს შთაგონება არ უნდა წაიშალოს, ჩვენი მომავალი თაობები კარგად უნდა იცნობდნენ ჩვენ ტივილიან წარსულს, რათა კვლავ ერთად იმეგობრონ სასიკეთოდ მოსულ ხალხთან და კვლავ ერთად შეეგებონ მომხედურ მტერს!

სიყმაწვილეში, როცა სისხლი გვიდუღდა, ბიჭები ხშირად ვხვდებოდით ხოლმე ერთმანეთში. დღესაც, ვინც კი იმ დროიდან დამეგობრებული ადამიანები შემომჩნნენ, ან ჩემთვის აქვს რომელიმე ცხვირი გატეხილი, ან ჩემს მიერ არის გაღალახული. ვიცოდით, რომ ერთმანეთის მიმართ არავითარი სიძულვილი და ბოღმა არ გაგვანდა – უბრალოდ, გაინტერესებდა, ვინ ვის მოერეოდა. ვიცოდით, რომ ეს ჩხუბი და დავიდარაბა სრული უაზრობა იყო, ამიტომ, მეორე დღეს, როგორც წესი, ერთმანეთს შესარიგებლად ვხვდებოდით ხოლმე. მაშინ რომ წინაღობა ჩხუბის მიხეზები გვერკვია, შეიძლებოდა ამას უფრო დიდი ჩხუბი მოჰყოლოდა, ამიტომ, ხელს გადავხვევდით ერთმანეთს, მშურად გადავკოცნიდით, რესტორანში სადღეგრძელოებით გაგამაგრებდით ჩვენი მეგობრობის სიყვარულსა და უღალატობას და მშობად ვიქცევოდით.

ახლაც ასეა – ჩვენ რომ სატანის აღზევების ჟამსა და მიზეზებზე, ქართველ-აფხაზთა შორის შეგარდნადისა და მისი დანაშაულებრივი გარემოცვის მიერ წამოწყებული ძმობისკენელი ომის მიმდინარეობასა და შედეგებზე ვისაუბროთ, ამას შეიძლება წინააღმდეგე უფრო დიდი და უაზრო ომი მოჰყვეს. ამიტომ, სუფთა ფურცლიდან უნდა დავიწყეთ თანაარსებობა, ერთმანეთს მივუტყვეთ მძიმე დანაშაულები, ერთად გადავუხადოთ სულის მოსახსენებელი პანაშვილი ქართველ და აფხაზ მეომრებს, დაუდგათ ძეგლი მათ, ვინც სიცოცხლე შესწირეს ამ უაზრო ომს! საჭიროა სისტემატურად მოვაწყეთ იმ აფხაზებისა და ქართველების შეხვედრა, რომლებმაც შეიარაღებული დაპირისპირებისას ოჯახის რამდენიმე წევრი დაჰკარგეს.

ახლა ქვების შეგროვების ჟამი აღარ არის, ახლა მიტყვებისა და საერთო-სახალხო შერიგების დროა!

სწორედ ეს განწყობა გასდევდა ლაიტმოტივად ჩვენი საკმაოდ მდიდრულ, მაგრამ უფრო გულთბილობით გამოჩენულ სუფრას, რომელიც შებინდებამდე ვაგრძელებდით. აფხაზეთში ორი საათით გადასვლები მთელი დღე შევრჩით იქაურობას და რომ არა ზუგდიდის მატარებელზე დაგვიანების რეალური საფრთხე, ალბათ იმ დამეს მასპინძლებთან დავრჩებოდით.

აფხაზმა მასპინძლებმა გულისტყვივით გამოგვაცილეს, ნუგზარ სალაყაიამ ფაეტონი დაგვიქირავა და ფულთ თვალთ გადაიხადა – ენგურგადმა (და არა გამოდმა) დატოვებულ მანქანამდე თითქმის ორი კილომეტრის გზა გვედო, რომლის გაგლა შეზარხოშებული ჭარმაგი ადამიანებისათვის არც მთლად იოლი საქმე გახლდათ. როცა ფაეტონი დაღმართზე დაეშვა, დაეინახეთ, რომ ნუგზარ სალაყაია სირბილით მოგვედგა – ალბათ რაღაც კიდევ დარჩა სათქმელი, მაგრამ, სამწუხაროდ, მეფაიტონემ მკვეთრ დაღმართზე ცხენის შეჩერება ვეღარ შესძლო...

მასპინძლები ხელის ქნევით გვემშვიდობებოდნენ, ვიდრე თვალს არ მიეფარნენ...

სუფრაზე და გამოშვიდობებისას ცრემლიც გაკრთა, რადგან ქართველებისა და აფხაზების კარგად ვერცხობდით, რომ ერთმანეთი დასაკარგავად არ გვემტეება!

მართლაც, რაც არ უნდა ეცადოს ჩვენი მტერი, ქართველები და აფხაზები დასავიწყებლად ერთმანეთს ვერასოდეს გაეიმეტებთ...

როლანდ ჯალაღანია,
“ფაზისის” აკადემიის
ნამდვილი წევრი

ვუძღვნი ბაზეთი „ილორსი“

სიტყვა ცხადი, სიტყვა სწორი, წმინდა სათნო, ვით ილორი. ვინ გეცხვის მას, რაც კი წინათ... მზით ილორმა გააბრწყინა!

დღეს მებრძოლი... – ცოცხლობს, იღვწის – მეგრულ სიტყვის დიდებისთვის!

არის ბრძოლა სასახელო, ენა ვისნათ სამეგრელოს! მეგრელების წმინდა ენა, სულის შფოთვა, გულის ცემა.

დამწერლობა ენახო ერის, ხმა მეგრულთა ბედისწერის!

ჩელის ხმა და არაღალის, სიცოცხლის მზე – ნატვრისთვალი!

წყალწადებულ მეგრულ კაცის კოლხელების მზე – წარმტაცი...

მეგრულ სიტყვის ტკბილი ნანა, თუ გვირძენით მაგისთან! აკუნის თოკზე ჩიტის სტვენა.

სიცოცხლეა, გადარჩენა. ეს ცხადია, სწორზე სწორი, ეს რწმენა თვით ილორის! ეს ფიქრია გულის მწველი –

ღმერთო, იყავ ჩვენი მხსნელი!

კველია კველია,
თვით როგვამ...
ათონზე, ენა
მეგრული!

მზით, მთით, ტყითა და დიდგორით, დღე და ღამ ბრძოლობს ილორი...

ხმა სიტყვის არ სწამს უხეში,

დადის თავისი ნუგუშით! ეჰ, სამეგრელო, რად ჰკარგავ?

მას, რაც გეკუთვნის! არადა, მეგრულ სიტყვას ვერ ეპოულობ, მტრების გულთ გასახარადა!

ღმერთო გვიშველე, გვისხენი,

სიტყვა მზემ გამატანინა, ჩველა და – ცით არაღალის, ჩვენი ბავშვობის ნანინა!

მეგრულ ენაზე ძლიერი სიტყვა არ გამოიგონია, ჩვენ ვართ უკვდავი ის ერი ყველასთვის გასაგონია!

უძველეს დროის მცხოვრებნი... რა არის ჩვენთვის თვით რომი,

მეგრულთა სიტყვა წმინდაა, მირონ-ცხებულო... მირონით!

ნუგზარ ლეონტის კი
შამუბია,
ბალი

რას აპყვიით თქვენ ერს და მომავალ თაობას

ძველი დროიდანვე შორეული ქვეყნიდან საქართველოში ჩამოსული უცხოელები სახტად რჩებოდნენ ჩვენი წარსულის დიდებული ნაშთების წინაშე, არ იცოდნენ, რომ ერთ დროს დიდი თვით-მყოფადი კულტურა გვქონდა.

დღესაც, ქართველები, მხოლოდ ჩვენი წარსული ისტორიით და უმდიდრესი კულტურით ვარსებობთ, ვამაყობთ, ვცხოვრობთ.

თუ დაფიქრებულვართ, რანი დავრჩით, რანი ვიყავით გუშინ და რანი ვართ დღეს? რას ვაკეთებთ ჩვენი მომავალი თაობისათვის?

– რას და, ერთმანეთს ვჭამთ, ვიძიებთ, ხვალინდელ დღეზე სრულიადაც არ ვფიქრობთ, ჩვენს შემდგომ ვტოვებთ მხოლოდ ნანგრევებს... დემეტრე დაგვიფაროს, ეს ყველა ჩვენგანს ეხებოდეს, თორემ ხომ უფრო მალე მოგვეღებოდა ბოლო! ერთ-მანეთისადმი მტრობა, შური, სიძულვილი, გამდიდრებისაკენ სწრაფვა – აი, რა არის დღევანდელი ჩვენი ცხოვრების წესი!

ძველ საბერძნეთში თვლიდნენ, რომ თუ ხელისუფლებაში არ არიან ფილოსოფოსები, ან ფილოსოფოსები არ ხელისუფლობენ, მაშინ ადამიანების სიკეთეზე ლაპარაკი ზედმეტია.

ცნობილია, რომ, რაც უფრო მეტია ადამიანში სიმამაცე და პატრიოტიზმი, მით უფრო შეეცდებიან საზოგადოების მტრები მის დაღუპვას.

1991-1992 წლების დეკემბერ-იანვრის სამხედრო-კრიმინალური გადატრიალება ერთ-ერთი ყველაზე ტრაგიკული, დამღუპველი მოვლენაა ქართველი ერის ისტორიაში, რითაც დაუნდობლად ფსხვეშ გაითელა ქართველი ხალხის ნება. სწორედ ამ ავადსახსენებელი პერიოდიდან იწყება ჩვენი ერის გადაგვარებისა და გაქრობის შეუქცევადი პროცესი.

წმინდა დიონისე, ათენის პირველი ეპისკოპოსი, ბრძანებდა: **“როცა ქვეყანა დაბერდა და გაიხრწა, გამოჩნდა ძე ღვთისა, მას აღუდგნენ მშვილდოსნები და განურისხდნენ. ვინ უნდა იყოს მისი ბოროტი მზრახველი, თუ არა ურჯულ და ურწმუნო ერის შვილები, რომელთაც ცილი დასწამეს იესო ქრისტეს და მრავალი სისაბაგლე თქვეს მის მიმართ? სიტყვა “მშვილდოსნები” ცხადყოფს, რომ ისინი კარგი მოისარნი იყვნენ ბოროტების ჩადენის უამს, ოდეს სასიკვდილოდ იმეტებდნენ ყოვლად მართალს. აღმა შემუსრა მათი შვილები”**.

საერთოდ გარდამავალი პერიოდი ქვეყნისა და ერის ცხოვრებაში ყველაზე რთული და მძიმე პერიოდია. ძველი ჩინელები ამბობდნენ, **“დემეტრე გაშორს გარდამავალ პერიოდში ცხოვრებას”**. ეს პერიოდი უფრო მძიმე და აუტანელია მაშინ, როცა ქვეყნის სათავეში ერის და ქვეყნის მოღალატეები მოდიან. სამწუხაროდ, სწორედ ასეთ მოვლენასთან გვქონდა საქმე შევარდნაძის **“მოღვაწეობის”** პერიოდში და ასეთ მოვლენასთან გვაქვს საქმე დღესაც. ელუარდ შევარდნაძის ხელისუფლების პერიოდში ქვეყანას ძირითადად ის პიროვნებები მართავდნენ, რომლებიც სოციალიზმის დროსაც ხალხისა და ქვეყნის კისერზე იხსდნენ და კიდევ უარესს ჩადიდნენ, რადგან მათ ხელს არ უშლიდა **“კომუნიზმის მშენებლის მორალური კოდექსი”**. დემეტრე კი ისინი არასოდეს ემორჩილებოდნენ. მას მაშინ განუდგნენ, როცა პირველად ჩაიდინეს უსინდისობა. ასეთებზე ბრძანებდა ბატონი კონსტანტინე გამსახურდია: **“ერთხელ ვინც შესძლებს უღალატოს რაიმეს წმიდათა წმიდად მიწნეულს, მას იოლად შეუძლია იგი დღემო სამჯერ გაიმეოროს”**.

ის, რაც ელუარდ შევარდნაძემ ვერ მოასწრო – საქართველოს და ქართველი ერის წინააღმდეგ აგრესიული, დამღუპველი პოლიტიკის გატარება, – მისმა მემკვიდრემ, მიხეილ სააკაშვილმა გააგრძელა.

ქვეყანაში ისეთი სულისკვეთება დავიდება ზემოდან, რომელიც სპობს ყოველივე ეროვნულს. მაშინ, როცა გადატრიალებულ ოჯახებს არა აქვს თავიანთი შვილებისათვის სახელმძღვანელოების ყიდვის საშუალება, მრავალათასიანი ტირაჟით გამოდის გამათხსინებელი და გარყვნილებით სავსე ჟურნალ-გაზეთები, ამითვე არის დაკავებული ინფორმაციის ყველა

საშუალება. ყველა ეს გამოცემები და ტრანსლაციები სრულად შეესაბამება დღევანდელი ხელისუფლებისა და მმართველი ძალის მორალს. ეს არის მათი ზნეობის დემონსტრაცია. ყველაფერ ამას გულუხვად აფინანსებენ ის ფონდები, მსოფლიო და ევროპის ფილიალები, რომლებიც ჩალის ფასად ვიღულობენ ჩვენს ქვეყანას, ხელისუფლება და მისი მომხრეებიც მათ ყაიდაზე არიან მოქცეულნი.

ბრძენი მმართველების ხელში ქვეყნები და ხალხები პყვოდნენ და, პირიქით, არა-შორსმჭვრეტელთა ხელში ისინი იღუპებოდნენ. რაც საშინელებები მომხდარა კაცობრიობის ისტორიაში, ამის მიზეზი ყოველთვის იყვნენ ვერცხვადი პოლიტიკოსები.

ცნობილია, რომ შევარდნაძის დროინდელი ხელისუფალნი და პარლამენტის წევრთა დიდი ნაწილი გამოუსწორებელი კომუნიტ-კომკავშირელები იყვნენ. ეს ის **“მოაზროვნე”** ხალხი იყო, რომლებიც მთელი 70 წლის განმავლობაში კომუნიზმს გვიშენებდნენ და ვერ ააშენეს, სპეკულანტობდნენ საქართველოს სიყვარულით და ყოველ გაკოტრებულ პოლიტიკოსს თავისი თავი წმინდა სებასტიანე ვგონა. ხოლო დღევანდელი ხელისუფლება, რომელიც მასონების მითითებით მოქმედებს (როგორც ეს იყო შევარდნაძის შემთხვევაში) ეს უსინდისო, სპეკულანტური, გაიძვარული ფსიქოლოგია, რომელიც წადმა-უკუღმა ატორიალებს საქართველოს სხეულს, განსაკუთრებით ძლიერია.

ფაქტობრივად ხელისუფლების წყალობით დღევანდელი საქართველო ეთნოგრაფიული მოვლენაა, გადაგვარებაში გადასული...

როდესაც ხელისუფლება პასპორტებში ეროვნულობის აღნიშვნაზე უარს ამბობს და როდესაც თავის კულტურას პატივს არ სცემს, იმ ქვეყნის გადაგვარება გარდაუვალია.

მინდა მოვიყვანო ცნობილი ჩეხი კომპოზიტორისა და საზოგადო მოღვაწის იოსებ რატილი სიტყვები, რომელიც მე-20 საუკუნის დასაწყისში საქართველოში მოღვაწეობდა, ამავე დროს კი ევროპის სხვადასხვა ქვეყნების საოპერო თეატრებში წამყვან პარტიებს ასრულებდა: **“ის ერი ერობს, ის ხალხი ხალხობს, რომელსაც შეუღალავად შერჩენია თავისი ენა, პანგი და კილო, კაცისთვის უპირობო საუფავე დედა ენაა, მშობლიური საგალობლები და პანგები. საქართველოს ყველა კუთხეში ისეთი სმებია, იმდენი საგალობლებია, რომ მე სხვა ქვეყანას ვერ დავასახელებ, ამ მხრივ საქართველოს შეედაროს”**.

გასული საუკუნის 80-იან წლებში შედგა მსოფლიო ჟიური, რომლის მიზანი იყო მოეღ პლანეტაზე აერჩიათ ერთადერთი სიმღერა და გაეშვათ კოსმოსში. ცნობილია, რომ მსოფლიოში 200-ზე მეტი სახელმწიფოა და 5.000-ზე მეტი ენა. შემოთავაზება იყო ყველა ქვეყნიდან. მსოფლიო ჟიურის გადაწყვეტილებით არჩეულ იქნა ქართული ხალხური სიმღერა **“ჩაქრული”** და ეს განუმეორებელი ქმნილება გაუშვეს კოსმოსში.

ქართული ხალხური მუსიკალური ფოლკლორი, – საგალობლები და სიმღერები, რომელთაც ანალოგი არ გააჩნიათ მთელ მსოფლიოში, არაერთი უცხოელი სპეციალისტის აზრით, მსოფლიო კულტურის ერთ-ერთი უმნიშვნელოვანესი საგანძურია. მარტო ის რად ღირს, რომ აიგტის მამას, პელიოსს (მზეს) ჰქონდა ქალაქი-სახელმწიფო ეგეოსის ზღვის კუნძულ ეგებაზე. დღესდღეობით ჩვენში გავრცელებული სიმღერები **“ოდოია”** და **“ნანაია-ნანა”** შეიქმნა ოთხი ათასი წლის წინ ეგეოსის ზღვის კუნძულ ეგებაზე. ქართველები ამ სიმღერებს დღესაც დიდი სიყვარულით მღერაინ.

სამწუხაროდ და საუბედუროდ, ჩვენი ახალგაზრდობის უმეტესი ნაწილი დღეს პატივს არ სცემს და, ამავე დროს, არც აქვს სურვილი მოუხმინოს და დატკბეს ამ გენიალური ხალხური ქმნილებებით, ეს ყველაფერი მეტყველებს ერის სულიერ სიმდაბლესზე.

ყველას უნდა გვახსოვდეს ის, რომ ერის სულიერ საგანძურს სათუთი მიდგომა, მოვლა-პატრონობა ესაჭიროება. ამიტომ

მინდა შევახსენო დღევანდელ ხელისუფლებას ერთი რამ: ქართველ ერის არ ესაჭიროება ამერიკის სული, პირიქით, ამერიკელები უნდა ჩასწვდნენ ქართულ სულს, ქართველი ერის უსაზღვრო სულიერ სამყაროს. ამერიკამ და სხვა მდიდარმა ქვეყნებმა, თუ ამის სურვილი აქვთ, გვასწავლონ როგორ განვაავითაროთ ეკონომიკა და როგორ გამოვიდეთ კრიზისული მდგომარეობიდან. თუცა, ის რაც ხდება, განსაკუთრებით უკანასკნელი 19 წლის განმავლობაში დღევანდელ საქართველოში, ჩემი აზრით, ყველაფერი, სწორედ ამერიკელების მიერ, ხელოვნურადაა შექმნილი...

ქალაქში გასულს საქართველოში არც კი მგონია თავი, ყველა ქუჩა დათითოებული აქვთ სხვადასხვა რჯულის გადათითებებს. ყველამ გადაინაწილა ქვეყნის მატერიკული სიმდიდრე და მიწა-წყალი, ყველაფერი გასხვისდა და განიავდა, გადაივსო ქალაქი უცხოენოვანი რეკლამებით, აქა-იქა თუ შეგხვდებათ, მორცხვად, წერილი შრიფტით მინაწერი ორი-სამი ქართული სიტყვა.

დღე და დამესავით განსხვავდება ერთ-მანეთისაგან რეალური ცხოვრება და ტელევიზიის ინფორმაციები. როცა ტელევიზიით ისმენ სიმღერებს (რა თქმა უნდა – უცხოურს) უნიჭო შოუ-წარმოდგენებს და უკბილო ხუმრობებს, ძალაუნებურად გებადება აზრი: ნეტა ვის ემღერება და ეცხვება ამ დაქცეულ ქვეყანაში? თავზე ცა ჩამოგვქცევია და ღამის უფსკრულში ჩაგვიტანოს, ასე ნელ-ნელა ვიძირებით უზნეობის მორევეში.

როდესაც ეროვნული ხელისუფლება მოვიდა სახელმწიფოს სათავეში, აფხაზეთის ქართულმა მოსახლეობამ სწორედ მაშინ ვიგრძინეთ ქართველობა. ამ რეჟიმის უმეტეს ნაწილს მანამდე თუ რუსულ სკოლებში შეჰყავდათ ბავშვები, ბ-ნ ზვიად გამსახურდიას მოღვაწეობის პერიოდიდან ქართველთა უმეტესობამ ქართულ სკოლებში დაიწვეს ბავშვების შეყვანა და ეს ხდებოდა არა მარტო აფხაზეთში. არადა, აფხაზეთის ზოგიერთ რაიონში ქართული სული თითქმის არ სუფევდა.

ბ-ნ ზვიად გამსახურდიას მოღვაწეობის მოკლე პერიოდში თუ ყველაფერში ქართულმა ეროვნულმა გამოიღვიძა, შევარდნაძისა და სააკაშვილის მმართველობისას ეროვნული თითქმის ყველაფერი იდეენება. სასაცილოა, სატირალი რომ არ იყოს – ისენიებოდნენ **“ეროვნული სტადიონი”**, **“ეროვნული ბანკი”**, **“ეროვნული ბიბლიოთეკა”** და ა.შ. მაშინ, როცა პასპორტებში ეროვნებას არ წერენ.

ეროვნული ბიბლიოთეკის ყოფილმა დირექტორმა, მაშინ, როცა ის ჯერ კიდევ მოქმედი დირექტორი იყო, ისიც კი განაცხადა, რომ თურმე ილია ჭავჭავაძეს ის არ სცნობს როგორც მწერალსა და საზოგადო მოღვაწეს. აი, ყოფილი და დღევანდელი ხელისუფლებას როგორი **“ეროვნული”** ხელმძღვანელები ჰყავს ეროვნულად სახელდებულ დაწესებულებებში.

ჯერ კიდევ 1937 წელს, როცა ქართული ლიტერატურისა და ხელოვნების დეკადი ტარდებოდა მოსკოვში, ერთ-ერთ სუფრაზე თურმე მტკიანობა იკითხა: **“ვინ უფრო დიდია, მე თუ ილია ჭავჭავაძე?”**

პასუხი ასეთი იყო – **“რა თქმა უნდა, თქვენ, ამხანაგო სტალინი!”**

– ან სულელი ხარ, ან მეპირფერებიო, – უპასუხნია სტალინს, – ილია ჭავჭავაძე მსოფლიოს პრეზიდენტად გამოდგებოდა!

დღეს ლევან ბერძენიშვილისნაირად მოაზროვნე ვაი-პოლიტიკოსები უმარადესობას წარმოადგენენ როგორც პარლამენტში, ასევე სახელმწიფო სტრუქტურებშიც. ხოლო თვით ამ სახელმწიფოს მეთაური, რომელიც მასონებს მზეს ეფიცება, ერის საკეთილდღეოდ ვერაფერს გააკეთებს.

მიხეილ სააკაშვილისა და მისი დანაშაულებრივი გარემოცვის მიზანი ერსა და ქვეყანაზე ზრუნვა რომ იყოს, ასეთ დღეში არ აღმოჩნდებადები!

ყველას გვახსოვს 9 აპრილის ტრაგედია. მოხდა უბედურება და ჯუშუბერ პატიაშვილი გადადგა, რადგან მას არ შეეძლო იმ კომუნიტურ ხელისუფლებაში

დარჩენა, რომელმაც საკუთარი უდანაშაულო ხალხის სისხლი ასე დაუნანებლად დაღვარა.

ახლა, ნაწილობრივ მაინც გავისხენოთ, 9 აპრილის შემდგომ პერიოდში თუ რამდენი უბედურება დატრიალდა საქართველოში. 1991-1992 წლების სამხედრო-კრიმინალური გადატრიალება, პრეზიდენტ გამსახურდიას მომხრეთა მშვიდობიანი მიტინგის მხეცურად დახვრეტა, აფხაზეთის, სამეგრელოს და სამახაბლოს მოსახლეობის გენოციდი. აფხაზეთისა და სამახაბლოს გასხვისება, ქვეყნის ეკონომიკური და სოციალური განანაგება. შევარდნაძის და სააკაშვილის რეჟიმის შექმნა ათიათასობით უდანაშაულო ადამიანის სიცოცხლე. იმის კონკრეტულ მაგალითებს კი ვინ ჩამოთვლის, თუ რამდენი ცოდვა მიუძღვის ყოფილ და დღევანდელ რეჟიმს ხალხის წინაშე.

სსრკ უშიშროებას ჰქონდა ჭორების გავრცელების სამსახური, ამ სამარცხვინო ფუნქციას კი, ახლა, წარმატებით ასრულებს საქართველოს ტელევიზია. აქ უნებლიედ გვახსენდება ჰებელსის ცნობილი ფრაზა: **“ტყუილი უნდა იყოს ისეთი მასშტაბების და ისე უნდა ითქვას, რომ მსმენელმა იგი მიიღოს შემდეგი რწმენით: ასეთი ტყუილის თქმა როგორ შეიძლება, მაშასადამე მართალიაო”**.

“ციტატა-შეხსენება
...პოლიტიკური და ეკონომიკური განვითარების დასავლური ნიმუშების, იდეოლოგიური, პროპაგანდისტული მუშაობის დასავლური ფორმებისა და მეთოდების, იქაური მორალურ-ზნეობრივი და კულტურული ნორმების, ურთიერთობისა და ქცევის წესების პრიმიტიული კოპირებას, ჩვენს რეალობაში მექანიკურად გამოტანას შეიძლება მხოლოდ და მხოლოდ დამანგრეველი შედეგები მოჰყვეს როგორც პოლიტიკური და სოციალურ-ეკონომიკური ცხოვრებისათვის, ასევე ეროვნული კულტურისა და ტრადიციული ზნეობისთვისაც. ეროვნული ღირსებისთვის განსაკუთრებული ნეგატიური მნიშვნელობა აქვს აგრეთვე ცხოვრების დასავლური წესისადმი, დასავლური კულტურისადმი, ისევე როგორც დასავლეთის პოლიტიკის, ეკონომიკისა თუ ხელოვნების წარმომადგენლებისადმი თვითდამამცირებელ, პირფერულ, ლაციცა დამოკიდებულებას. საქართველოს ისტორია, ქართული კულტურა, ჩვენი ხელოვნება, ქართველი ერის ტრადიციული სულიერება სულაც არ იმსახურებს იმას, რომ ქართველთა ახლანდელმა თაობამ მთელი ეს უდიდესი ისტორიული სიმდიდრე იმ იაფფასიან სუროგატზე გაცვალოს, რომელსაც **“ცხოვრების დასავლური წესი”** და **“დასავლური მასობრივი კულტურა”** ჰქვია. ქართული და დასავლური კულტურის, ცხოვრების ქართული და დასავლური წესის, ქართული და დასავლური სულიერი ფასეულობების შერწყმა, შეერთება არ მოხდება. შეიძლება მოხდეს მხოლოდ და მხოლოდ ერთის მიერ მეორის განდევნა. ამიტომ ყველაფერი ახალი, უცხო, ნასესხები შეიძლება იყოს დანერგილი, გამოყენებული მხოლოდ ეროვნული სპეციფიკის, სოციალურ-კულტურული თვითმყოფადობის, ჩვენი ქვეყნისა და ხალხის ტრადიციული თავისებურებების გათვალისწინებით...
ალექსანდრე ჰაპია,
1997 წლის დეკემბერი”

მომწიფდა და გადამიფდა კიდევ სახელმწიფოსაგან ტყუილების მოსმენის დრო, და თუ ელუარდ შევარდნაძის წიწილები სასწრაფოდ თავიდან არ მოვიშორეთ, შეიძლება საქართველო მსოფლიო რუქიდანაც კი გაქრეს. მთელმა საქართველომ პროტესტი უნდა განუცხადოს ხელისუფლებას მათ მიერ ჩადენილი ყველა უბედურების გამო. ვიდრე ეს ანტიეროვნული ხელისუფლება იქნება ქვეყნის სათავეში, დევნილთა თავიანთ სახლებში დაბრუნებაზე საუბარიც კი ზედმეტია...

ზურაბ ბობოხია-შელია,
(გაგრძელება მე-10 გვერდზე)



სათემო, საგვარეულო და საოჯახო სალოცავები საგვარეულო და აფხაზეთში

ყველა ერთ აქვს თავისი ტრადიციები, ადათები და წეს-ჩვეულებები. ისინი შექმნა თვით ხალხმა, რომლებიც ასახავენ ამა თუ იმ ტომის, გვარის თუ ოჯახის ქცევა-მოქმედებებს, ცხოვრების შინაარსს. ყველა ზნე-ჩვეულებას გააჩნდა მისთვის დამახასიათებელი რიტუალური მოქმედება. ამის საფუძველზე იქმნებოდა ხალხური თქმულებები და ლეგენდები. ხალხური წეს-ჩვეულებები წარმოადგენდა მშრომელი ადამიანების ერთობის საშუალებას.

დღესასწაულები და წეს-ჩვეულებანი არა მხოლოდ, უბრალოდ, აღამაზებენ ცხოვრებას, არამედ ისინი თაობიდან თაობას გადასცემენ ისტორიულ გამოცდილებას. როგორც ქრისტიანობა, ისე ყველა სხვა რელიგია, სათემო-საგვარეულო დღესასწაულებისა და წეს-ჩვეულებების საშუალებით ნერგავდნენ ხალხში თავიანთ ძირითად იდეებს. ყველა ხალხის ცხოვრებაში არის განსაკუთრებული დღეები, რომელიც უკავშირდება რაიმე მნიშვნელოვან მოვლენას, რამაც სადღესასწაულო ხასიათი მიიღო. ამ დღესასწაულების დიდი ნაწილი ადამიანთა ყოველდღიურ ცხოვრებასთან იყო დაკავშირებული. ადამიანი დღესასწაულობდა ხენა-თესვას, მოსავლის აღებას, იგონებდა სახალხო გმირებს. შემდეგომში ბევრმა დღესასწაულმა რელიგიური ხასიათი მიიღო, რომელიც დამკვიდრდა ყოველდღიურ ცხოვრებაში.

ვაგრძელბთ მასალების ბეჭდვას სამეგრელოში დღემდე შემორჩენილ სალოცავებსა და დღესასწაულებზე, რომლებიც უხსოვარი დროიდან იღებენ სათავეს.

ყველა (კანონი)

წალენჯიხის რაიონის სოფელ ჩქვალერში დიდ-მარხვის მე-15 დღეს, საღამოთი, იკრიბებოდა სოფლის ყველა გვარის წარმომადგენელი. შეროხები და ქუხილაკები ხატის ძირად, ფუძის გვარებად ითვლებოდნენ. თითოეული გვარის კაცს უნდა შეესრულებინა "გითოხვაშა" (გამოლოცვა). რიტუალს ასრულებდნენ ძირი გვარის უხუცესები. ისინი ხატს განაზღვრდნენ წმინდა, საწირავი ღვინით. განმზავებული იყო - შეროხია, ხოლო გამამშრალელები - ქუხილაკი.

თითოეულ გვარს მიჰქონდა სახთელი, ღვინო, ხაჭაპური და დაპირების მიხედვით იწყებოდა გამოლოცვა. რიტუალის შემდეგ აწყობდნენ პურ-მარხვს, ზეიმობდნენ. ანთებდნენ ცეცხლს და ცეცხლის ალის მიხედვით მეთხაობდნენ იმ წლის ამინდის პროგნოზზე.

ამ სალოცავის შესახებ დაახლოებით სამოცდაათი წლის წინათ მოვისმინე სოფელ ჩქვალერის მკვიდრ ბეგო ქუხილასაგან. ის უყვებოდა თავის ტოლ მოხუცებს "ყვენობის" სალოცავზე და მას აღარებდა ჩვენს საგვარეულო სალოცავს "ქეჯვარობას". ბეგო გახლდათ ჯალაღონების სიძე. ზამთარში ჩვენს სოფელში

აძოვებდა ცხვრის ფარას, ამიტომ წილად მხვდა ბედნიერება - მომესმინა, დამემახსოვრებინა და ასეთი საინტერესო ცნობა გადამეცა სხვებისთვისაც.

როგორც აღვნიშნეთ, სათემო, საგვარეულო, საოჯახო დღეობები მიძღვნილი იყო გარკვეული სალოცავისადმი.

ლოცვები ტარდებოდა არა მხოლოდ ეკლესიებსა და სალოცავებში, არამედ მინდვრებში, ხის ძირას. მაგალითად, ჩხოროწყუს რაიონის სოფელ სარაქონში, სოფელ თაიაში, სოფელ გარახაში, მარტვილის რაიონის სოფელ დიდიჭყონში, ზუგდიდის რაიონში სოფელ დიდიქვიში, ცაცხეში.

თვითუფლ გვარს ჰქონდა თავისი სალოცავი "ჯინჯიხატი". ამ სახეობა დღისათვის საგულდაგულად ემზადებოდა გვარის ყველა წარმომადგენელი. ისინი მოედგოდნენ "გიმოჭყუდურებს" (ოჯახიდან გათხოვილ ქალებს), რომლებიც მოდიოდნენ მოსაკითხებით, მოჰყავდათ ზვარაკი. ლოცვა ჯერ ოჯახებში ტარდებოდა, შემდეგ მოდიოდნენ ხატის კარზე. "გიმოჭყუდურების" გარდა იწვევდნენ ნათესავებს, ახლობლებს, "კეპრ მოჯგირეს" (მოკეთეს).

ოჯახის ყველა წევრი და მთელი საგვარეულო ცდილობდა სტუმრის პატივისცემას.

"გითოხვაშა" (გამოლოცვის) შემდეგ მონაწილეობდნენ ჯარობის მსვლელობაში. ეს გახლდათ საერთო მხიარულება, მოღვაწე-ნა, ცეკვა-თამაში, სიმღერა, სპორტული შეჯიბრი, ზაირობა. განსაკუთრებით უყვარდათ მარულა, თარხია, ჭიდაობა. ყველა გვარს ჰყავდა თავისი ფალავანი.

ასეთი თავშეყრა დაკავშირებული იყო დიდ დღესასწაულებთან: ელობა, მარიამობა, გიორგობა, ბარბარობა, ალერტობა.

როგორც ითქვა, ჯარობის დროს სალოცავის კარზე თავს იყრიდა მრავალი მლოცველი, რომელსაც თან ახლდა სოფლისათვის მოხერხებული სახალხო ბაზრობა. ამ დღისათვის ემზადებოდა თითქმის ყველა ახლო-მახლო მდებარე სოფელი. აქ შემოდებოდა ყოველგვარი საქონელი, როგორც სოფლის, ასევე ქალაქის ნაწარმი, რაც კი საჭირო იყო მოსახლეობისათვის. მაგალითად, ჯვარული ნაბდებთა და სვანური ქუდებით განთქმული იყო ჯვარი, უნაგვირებით, ახოურებით და ცხენებით - ზუგდიდი, თიხის ჭურჭლებით - ნამკოლუ, ფართლეულითა და საწვრილმანოთი - ბანძა (ურიაში კარი), ცხენის ადკაზმულობით - წალენჯიხა, მსხვილფეხა საქონლით - ძველი სენაკი.

ასეთი დღეობები მნიშვნელოვანი იყო არა მარტო ვაჭრობისათვის, არამედ ერთმანეთთან კავშირის დასამყარებლად. ამ თავშეყრაზე მიმდინარეობდა "გინობიარაფა" (გადანახულება). ეს მიმდინარეობდა ისე, რომ ქალ-ვაჟმა არაფერი იცოდა, მშობლები აკვირდებოდნენ სარძლო-სასიძოს. ჯარობაზე ყველას ჰქონდა საშუალება შეემოწმებინა ამა თუ იმ ადამიანის

ყოფაცქევა. იქ გამომდევნებოდა მათი წესიერება თუ უწესობა, ჭკუა-ვინება და პატიოსნება, სიღარბისლე და ბეჯითობა, ცეკვა-თამაში და სმა-ჭამა. ამის შემდეგ მარებლის (მაჭანკლის) საშუალებით ერთმანეთს ეცნობოდა ქალ-ვაჟი.

ასე რომ, "ჯინჯიხატობა" უკავშირდებოდა გვართა ჩამომავალს და მის გამარჯვებას. ამიტომ, ძირი ხატის კარზე მისვლა და გითოხვაშა (გამოლოცვა) საგულდაგულად იყო საგვარეულოს ყველა წევრისათვის. ისინი ყველა პირობას იცავდნენ, რათა ამ დღეობისათვის სახეობა ელფერი მიეცათ. მოწყენა და გაჯავრება არ შეიძლებოდა - "ვაშინვრდ".

ყველა საგვარეულო, ყველა თემს გააჩნდა თავისი "ჯინჯიხატი". თუ ვინმე საგვარეულოდან შორს გადასახლდებოდა, მათი შთამომავალი მოდიოდა თავისი ძირის ხატის კარზე გამოლოცვად. მაგალითად, აფხაზეთიდან ჩამოდიოდნენ გაფხა-ახულები მეგრელები, რომლებმაც იცოდნენ, რომ მათი მეგრული წარმომავლობის შესახებ არა ერთხელ ყოფილა შემთხვევა, როცა "ჯინჯიხატის" კარზე ჩამოსულან დარასელიები, ყელის ხატთან - მეზობლები და კონჯარები, ქიანის ხატთან - ჩაჩბიები, ალერტში - გულაუთელი კვარაცხელიები, წალენჯიხის ეკლესიაში - ჯალაღონები, გარახაში და სარაქონში - ლოგუები, კირცხში - კობახიები, ნაღარაიები კი - ხობი.

არა მარტო გაფხაზეთული მეგრელები, არამედ აფხაზეთში მცხოვრები დანარჩენი ქართველები, რომლებმაც დარწმუნებით იცოდნენ თავიანთი შორეული წარმომავლობა, ყველა მოდიოდა თავის "ჯინჯიხატის" კარზე გამოსალოცვად.

ჩემი საგვარეულოს "ჯინჯიხატი" სოფელ გარახაში ყოფილა, მაგრამ არაა ცნობილი, თუ რატომ. უნდა ვივარაუდოთ, რომ ისინი პირველად გარახაში შეჩერდნენ, მერე გაეყარნენ ერთმანეთს და დასახლდნენ სხვადასხვა კუთხეებში.

რაც შეეხება აფხაზეთს, დიდი ქართველი ისტორიკოსი ივანე ჯავახიშვილის აზრით, რომელიც ძირითადად ეყრდნობოდა ბიზანტიელი ისტორიკოსის პროკოპი კესარიელის ჩანაწერებს, ამტკიცებს, რომ ძველ დროში აფხაზეთი თავიანთი სცემდნენ ტყვეებსა და ხეებს, რადგანაც მათ ხეები გულუფრეოდ ღვთობად მიანდათ. ისინი გა-ზაფხულებზე პირველყვავილობას ყოველთვის დღესასწაულობდნენ. სახლებს მწვანე ბალახითა და ყვავილებით რთავდნენ. წინა დამეს ახალგაზრდა ქალები, მოხუცი დედაკაცების ხელმძღვანელობით, სიმღერისა და თოფის სროლით მიდიოდნენ ტყეში ხუთყურა ყვავილის საპოვნელად. მზე ამოანათებდა თუ არა, ყველანი სიმღერითა და საგანგებო წესების დაცვით, ყვავილებით მორთულნი, ბრუნდებოდნენ სოფელში. წინ, საზვარაკო ირემთან ერთად, მოხუცი მოუძოდნენ. სამსხვერპლო ირემთან ყვავილი ან ხის ტოტი ყველა ქალს

უნდა მიეტანა და მის ფეხებთან დაედო. მათ ეს ყვავილები სამსხვერპლოსთან მიჰქონდათ, რათა იმ წელიწადს ბედნიერება მოეტანა მათთვის.

საინტერესოა აღინიშნოს - აფხაზეთი თუ ხეებს სცემდნენ პატივს, მაშინ რომელი კულტი შეცვალეს, რომელი კერპის მიმდევრები გახდნენ? ფაქტი მხოლოდ ერთია, ჩრდილო კავკასიიდან გადმოსული აფხაზები წარმართები იყვნენ. აფხაზეთის ტერიტორიაზე რაც ეკლესიები იყო და არის, ყველა მეგრელების აშენებულია და ოდიო-განვე ქართულად სრულდებოდა წირვა-ლოცვა. აფხაზეთში, ქალაქ ნიკოფსიაშია განისვენებს სიმონ კანანელი. პირველი საუკუნის მეორე ნახევარში, კამანის მიდამოებში, მიწას მიაბარეს იოანე ოქროპირის წმინდა ნეშტი, რომელიც მოგვიანებით კონსტანტინეპოლში გადაასვენეს.

იტალიელი მისიონერი გამბა, რომელმაც ამიერკავკასიაში იმოგზაურა, 1821 წელს წერდა: "ბიჭვინთის მონასტერში მამადაინი აფხაზეთისა და იქ დასახლებული სომხებისათვის შიშის ობიექტს წარმოადგენდა. ვიდაც სომეხმა მონასტრის ერთ-ერთი წიგნიდან ორი ფურცელი მოიპარა, რომელიც მისთვის უცნობი ასოებით იყო დაწერილი. როდესაც ის სახლში დაბრუნდა, მყისვე დააავადდა, რაც ანაზღად ჩადენილ დანაშაულს, ქურდობას მიაწერა. ავადმყოფობა მხოლოდ მაშინ ჩაცხრა, როცა მან მოპარული ფურცლები მონასტერს დაუბრუნა. ამა, რასაკვირველია, ხელი შეუწყო რწმენის განმტკიცებას..."

გამბას მიხედვით ძველი სარწმუნოებიდან აფხაზეთმა მრავალი ზნე-ჩვეულება შემოინახა. მაგალითად, ისინი სამ დღეს უთმობენ ალფომას; ზეიმობენ აგრეთვე სამებისა და შობის დღესასწაულებს. ასე, რომ ბევრმა აფხაზმა შემოინახა ქრისტიანობა. მათ წინაპრებად მეგრელები ითვლებიან.

1890 წლიდან ცარიზმის მთავრობამ გააძლიერა კავკასიაზე დაწოლა. ჩვენს მიწა-წყალზე ასახლებდნენ გერმანელებს, ესტონელებს, რუსებს, ბერძნებს. საინტერესოა ის გარემოება, რომ კავკასიაში ასახლებდნენ სხვადასხვა გუბერნიებიდან - უფრო მეტად დამნაშავე ელემენტებსა და სექტანტებს. ამით ცარიზმი თავიდან იშორებდა მუქთახორებსა და პარაზიტულ ელემენტებს.

აქ თემას ოდნავ გადაუხვიე, მაგრამ იმის თქმა მინდა, რომ მეგრელებსა და აფხაზებს ერთნაირი სალოცავები ჰქონდათ: ღვინო, ბიჭვინთა, ილორი, კამანი, დრანდა, ბეღია, მოქვი. აფხაზეთის მიწები მოსახლეობა დადიოდა ამ ეკლესიაში, გარდა იმ 10-15 პროცენტის აფხაზებისა, რომლებიც წარმართები და მუსულმანები იყვნენ.

მირიან ჯალაღონია
თმისა და შრომის ვეტერანი, დღევანი
აფხაზეთიდან
(გაგრძელება იქნება)

ინფორმაცია ინფორმაცია ინფორმაცია ინფორმაცია ინფორმაცია

„სარკოზოზობისთვის“ რეზიონებიდან 300 000 ლარი გამოიყო

როგორც ცნობილია, 2011 წლის 7 ოქტომბერს, თბილისის საფრანგეთის პრეზიდენტი ნიკოლა სარკოზი ეწვია, რომელიც ქართველ კოლეგასთან ერთად თავისუფლების მოედანზე სიტყვით გამოვიდა. საქინფორმი ადრე უკვე წერდა იმის შესახებ, რომ 7 ოქტომბერი უქმე დღედ გამოცხადდა და, გარდა ამისა, სახელმწიფო და საჯარო უწყებების ყველა თანამშრომელზე გაიცა ბრძანება, რომ ისინი აუცილებლად უნდა მისულიყვნენ თავისუფლების მოედანზე დაგეგმილ ღონისძიებაზე.

7 ოქტომბერს კი ცნობილი გახდა, რომ „ნაცმოძრაობას“ ადგილობრივი ხელისუფლების წარმომადგენლები, პედაგოგები და „შერჩეული“ მოსახლეობა რეგონებიდანაც ჩამოჰყავდა. ეს კი, საქინფორმის ინფორმაციით, თითოეულ რაიონულ ცენტრზე ადგილობრივი ბიუჯეტს 4-6 ათასამდე ლარი უჯდება, რაც, საერთო ჯამში, უხეშად რომ ვინა-გარიშთ, 300 ათას ლარს აღემატება (მოგესხვებათ, საქართველოში სულ 64 რაიონული ცენტრია).

მუნიციპალიტეტებში ადგილობრივი ხელისუფლების წარმომადგენლები უწრნაღებობენ კომენტარს ან საერთოდ არ აკეთებდნენ, ან მოკლე განმარტებით იფარგლებოდნენ და ამბობდნენ, რომ მათ „მოსახლეობა თბილისის დღესასწაულზე მიჰყავთ“. თავად „ნაცმოსახლეობის“ ნაწილი კი, რომელთა „დარბევა“ ვერ მოასწრეს, ამბობდნენ, რომ „თან ექსპრესიაზე მიდიან და „თბილისისობასაც“ დაესწრებიან, თან სარკოზის გამოსვლასაც მოუსმენენ, რადგან იგი საქართველოს დიდი გულშემატკივარია და საჭირო დროს ქვეყნის გვერდითაა“.

სამინფორმი

ცოცხალი ჯაჭვი „პარღების რეკოლუციის“ წინააღმდეგ

სოციალური ქსელების მომხმარებლები ხშირად აწყდებიან ინფორმაციებს სხვადასხვა საპროტესტო აქციის დაგეგმვის თაობაზე. სოციალურ ქსელ „facebook“-ზე მორიგი საპროტესტო აქცია დაიგეგმა. ამჯერად უცნობი ორგანიზატორები საზოგადოებას 2011 წლის 23 ნოემბერს, 13:00, შეკრებისკენ მოუწოდებენ, რათა, მათივე განმარტებით, „გარდების რეკოლუციის“ წინააღმდეგ ცოცხალი ჯაჭვი შეკრას. „ვისაც არ მოგწონს ხალხის სოციალური ტერორი, გამოდით 23 ნოემბერს. ვისაც არ მოგწონს ელიტური ჩინოვიელების მიერ ქვეყნის ძარცვა მრავალმილიონიანი ტენდერებით, ვისაც არ მოგწონს ფულის გასათეთრებლად მილიარდების ხარჯვა სამხედრო მიზნებით ჩვენი ქვეყნის ბიუჯეტიდან, ხელოვნური ფასების მატებით სასიცოცხლო პროფიტებზე, ნათობზე, ენერგომატარებლებზე, ხალხის მასობრივი დატერორება და მათთვის ერთადერთი საარსებო წყაროს წართმევა - როგორც ეს მათ „მარშრუტის“ მძღოლებს, გარემოვაჭრებს და სხვებს გაუკეთეს; ვისაც არ მოგწონს ელექტროენერჯის დახარჯვაზე დასუფთავების გადასახადის მიზმა; წყალზე უგულავა „გველეშაპის“ დაჯდომა, რომელიც ბიზნესებს კუბურ მეტრში 4.80-ს ახდენინებს და მაღელ მოსახლეობასაც მიღებინან; ვისაც არ მოგწონს ახალგაზრდა გამომცხველების სისტემები გამოიხნული ხალხისათვის საარსებო საშუალებების წასართმევა; ვისაც არ მოგწონს ერის რეკეტი; ვისაც არ მოგწონს გარყვნილების და სოლომიზმის პროპაგანდა ქვეყანაში, განათლების სისტემის სრული დეგრადაცია; ვისაც არ მოგწონს რობერტ სტურუას გათავისუფლება და თავისუფალი აზრის დეგრა; ვისაც რამე არ მოგწონს - გამოდით და დააფიქსირეთ თქვენი პროტესტი!“, - ნათქვამია აქციის ორგანიზატორების მიერ გავრცელებული მოწოდების ტექსტში.

სამინფორმი

პედაგოგების ბათიანისუფლების პროცესი ბრძოლაში


ზუგდიდის სოფელ ჭკალუაშის სკოლაში ახლადნიშნულმა დირექტორმა მანუჩარ ხარბაძემ ხუთი მასწავლებელი ასხნა-განმარტების გარეშე გაათავისუფლა. მან მასწავლებლებს გათავისუფლების მიზეზად ჯერ მინისტრის ბრძანება დაუხსნა, ხოლო მას შემდეგ, რაც პედაგოგებმა ახალ დირექტორს ამ ბრძანების გაცნობა მოსთხოვეს, უკან დაიხია და აღნიშნა, რომ ეს მისი პირადი გადაწყვეტილება იყო.

მასწავლებლები ამბობენ, რომ ისინი საკანსო ასაკის გამო გაათავისუფლეს, თუმცა იქვე პრეზიდენტის განცხადებას იშველიებენ, რომელშიც მიხეილ სააკაშვილი ამტკიცებს, რომ პენსიაზე მყოფი მასწავლებლები მანამ დარჩებიან სამუშაო ადგილებზე, სანამ თვითონ არ წავლენ სახლებში.

სამსახურიდან გათავისუფლებული პედაგოგების - დუნია ყალიშვას, ბუღიაშა მებონიას, როინა კვარაცხელიას, ნონა ესებუას და ვარდო დადვანის - ადგილზე დირექტორმა სკოლის სასწავლო ნაწილის ნათესავეები დანიშნა. დირექტორს და მის მთადგილეს ნეპოტიზმში გათავისუფლებული ოთხივე მასწავლებელი ადანაშაულებს.

პედაგოგები დირექტორმა სასწავლო წლის დაწყებთან ორი კვირის შემდეგ გაათავისუფლეს. ხუთივე მასწავლებელი დამსახურებულ პედაგოგია, სკოლიდან მათ წავლას სინაზულით შეხვდნენ მოსწავლეები და მშობლები. გათავისუფლებული პედაგოგებიდან ერთ-ერთი 75 წლის ბუღიაშა მებონია ჭკალუაშის სკოლას 48 წელი ემსახურებოდა.

ამასთან, აღსანიშნავია, რომ სოფელ ჭკალუაშის საჯარო სკოლაში ამ დრომდე არ იქნა დაწესებული ფიზიკა. მიხეიბი კი ისაა, რომ გათავისუფლებული პედაგოგის შემცველი დღემდე ვერ მოიძებნა.



ბერი XX საუბურის საუბარო მენეჯერი

თარგმანი როლანდ ჯალალნიასი

უახლოესი რამდენიმე კვირის შემდეგ გაიმართება მოლაპარაკებები ინგლის-ამერიკა-კანადის სამხედრო სტაბებს შორის, რომელიც უფრო მეტად საინტერესოა ჩვენთვის, ვიდრე ახლახან ჩატარებული მოლაპარაკებები.

სამხედრო-საშტაბო მოლაპარაკებებს მიზნად ეწევათ დასახული შემდეგ კონკრეტულ ღონისძიებათა გაერთიანებული გეგმების შემუშავება:

სამოქმედო გეგმა გაურკვეველ სიტუაციებში, ან ომის შემთხვევაში, რამდენიმე კვირის, ან თვის განმავლობაში;

სამოქმედო გეგმა ომის შემთხვევაში, 1955-1956 წლებში.

ინგლისელები და ამერიკელები მიიჩნევენ, რომ ამ პერიოდისათვის საბჭოთა კავშირს ეწევა საკმაო რაოდენობის ატონებულად წავიდეს ომის რისკზე...

ამასთან, როგორც 1940 წელს, ასევე 1948 წელს, კაპიტალისტთა ატომური შეტევების შესრულებას ობიექტურად წინააღმდეგობა არა უმსკვირი, არამედ ბაქო და მისი ნავთობ-მომპოვებელი გარეუბნები. საბჭოთა ნავთობი სულ უფრო და უფრო ხდებოდა დასავლეთის ნერვიულობის საგანი. 1948 წლის აპრილში კი ჩვენ არ გვექონდა არცერთი ატომური ბომბი, მაშინ, როცა აშშ განუხრელად ზრდიდა საკუთარ ატომურ პოტენციალს, რომელიც ორნიშინანი ციფრიდან მალე გადავიდა სამინიშინანი ციფრზე.

ამიტომ, ნათელია, თუ რატომ არ დადიოდა მედგარი ნაბიჯებით სტალინი 1946 წელს. მაგრამ საბჭოთა ბირთვული იარაღის PDC-I-ის წარმატებით გამოცდის შემდეგ დაძაბულობამ მეტნაკლებად იკლო. 1949 წლის 29 ოქტომბერს სტალინმა ხელი მოაწერა სსრკ მინისტრთა საბჭოს №5060-1943 დადგენილებას "სსრკ-ში ატომური დარგის განვითარების შესახებ 1950-1954 წლებში". პირველი პუნქტით მტკიცდებოდა "პლუტონისაგან დამზადებული პროდუქციის წარმოება 1553 ერთეულის ოდენობით, მათ შორის: 1949 წელს - 2 ერთეული; 1950 წელს - 7 ერთეული; 1951 წელს - 18 ერთეული; 1952 წელს - 30 ერთეული; 1953 წელს - 42 ერთეული; 1954 წელს - 54 ერთეული."

მაშ, ყველაფერი თავის ადგილზე დგებოდა?

კი, მაგრამ - არა, ყველაფერი... 1947 წლის 3 იანვარს აბაკუმოვმა გაუგზავნა სტალინს შემდეგი შეტყობინება:

"გიგ ზავითი ოპერატიული ტექნიკის მიერ 1946 წლის 31 დეკემბერს დაფიქსირებულ გორდოვის საუბრის ტექსტს თავის მუდღელსთან (ტატიანა ვლადიმერის ასული - ს.კ.) და 28 დეკემბრით დათარიღებულ ცნობას გორდოვისა და რიბაღინკოს შორის გამართული საუბრის თაობაზე".

გენერალ-პოლკოვნიკი ვასილ გორდოვი, დაბადებული 1896 წელს, თათრეთის ასსრ, მენუელინის რაიონის სოფელ მატევეკაში, საკუთარი ბიოგრაფიით ვახლდატი ტიპური საბჭოთა არმიის გენერალი. გაიწვიეს 1915 წელს, იბრძოდა ძველ რუსულ არმიაში უფროსი უნტერ-ოფიცრის ჩინით, სამოქალაქო ომში მეთაურობდა ოცეულს, ასევე, ბატალიონს, პოლკს... შემდეგ გაიარა "Выстрел"-ის კურსები, ფრუნზეს სახელობის სამხედრო აკადემია, 1940 წელს ბალტიისპირეთის სამხედრო ოლქის შტაბის უფროსად დაინიშნა...

დიდ სამამულო ომში გორდოვმა სტალინგრაძის ფრონტის სარდლის თანამდებობაზე დატოვა, 1942 წლის ზაფხულში კი სამარცხვინოდ ჩააგდო სტალინგრადის შიდა დაცვითი ზღუდის გამაგრების საქმე, რომელიც, შემდეგ, ჩინეთიდან გადმოყვანილმა ჩუიკოვმა გამოასწორა. მოგვიანებით, მარშალი ჩიუკოვი, ხაზს უსვამდა გორდოვის წრესგადასულ ამბიციას და უსაფუძვლო აღლომბს.

არმიის სარდლის თანამდებობაზე ჩამოქვეითებული გორდოვი შემდეგ შედარებით უკეთესად იბრძოდა და 1945 წელს საბჭოთა კავშირის გმირიც კი გახდა. ომის დამთავრებისთანავე იგი ინიშნება ბალტიისპირეთის სამხედრო ოლქის სარდლად, გენერალი რიბაღინკო კი მისი შტაბის უფროსი ხდება (ისინი ანალოგიურ თანამდებობებზე მუშაობდნენ ჯერ კიდევ

დიდი სამამულო ომის დაწყებამდე).

მაშ ასე, გორდოვის ცოდნისა და გამოცდილებისათვის აშკარად შესაფერისი თანამდებობა ვახლდატი არმიის სარდლის პოსტი. მაგრამ, ყოფილი გლეხის შვილი, რომელიც საბჭოთა არმიამ "ოქროს ვარსკვლავურ" დონეზე აიყვანა, "ნაწყენი" აღმოჩნდა, რაც დააფიქსირა კიდევ აბაკუმოვის ტექნიკამ.

მე ნაწილობრივ მომიყავს სატელეფონო საუბარი გორდოვისა და მის მეუღლეს შორის, მაგრამ მკითხველისათვის გასაცნობად უფრო ხელსაყრელი რომ აღმოჩნდეს, სამი წერილით აღარ გამოვიყოფ დაუსრულებელ ფრაზებს.

"გორდოვი - შენ სულ ერთი და იგივეს მიმეორებ - მიდი სტალინთან. ესე იგი, მივიდე მასთან და ეუთხრა: "დამნაშავე ვარ, შევეცდი, მომავალში პატიოსნად და პირნათლად გემსახურებით". ვის? ნაბი-რადობას, ველურობას ვემსახურო? გამოკეთილი ინევიზიციაა, ადამიანები უბრალოდ იღუპებიან! (ზუსტად ერთი წელი იყო გასული იმ დღიდან, როცა მუზინგო, პოტაპოვი და ლუკინი სპეცშემოწმების შემდეგ გამოდიოდნენ ლუბიანკიდან - ს.კ.).

ცოლი - აი, ხომ დალუწეს ისეთი სულსკეუტების ადამიანის შემართება, როგორც შუკოვია...

გორდოვი - მას მაინც არ გაანთავისუფლებენ თანამდებობიდან. ახლა მხოლოდ იმით მუშაობენ, ვინც შუკოვთან, ასე თუ ისე, კარგ დამოკიდებულებაში იმყოფებოდა... შუკოვის ერთ-ორი წელი აყურყურებენ თანამდებობაზე და დამთავრდა... მე უამრავი რამ ვერ გავითვალისწინე. ნახე, როგორ რამდენიმე წაიტეხეს კისერი უბრუნევიან, ტუხანგევიან... (იმის გათვალისწინებით, რომ 1933 წელს გორდოვი იყო მოსკოვის სამხედრო ფეხოსანთა სკოლის შტაბის უფროსი, მისი ეს სიტყვები მართლაც საინტერესოა - ს.კ.).

ცოლი - როცა შუკოვი მოხსნეს, შენ მაშინვე მითხარი: ყველაფერი დალუწულია.

გორდოვი - ესე იგი მე უნდა მეკანკალა, მონასაგითი შემშინებოდა... არ შემიძლია! იცი რამ დამღუპა? დეპუტატად რომ ამირჩიეს. აი, რა არის ჩემი დაღუპვის მიზეზი. მე რაიონებში დავდიოდი, და როცა ყველაფერი საკუთარი თვალით ვნახე, დავრწმუნდი მკვთარების საშინელებაში - ამან გადამაგვარა სავსებით... და სწორედ ეს მექცა პლატფორმად. მე ახლაც ვამბობ, რომ თუ დღეს გააუქმებენ კოლმეურნეობებს, ხვალ ყველაფერი წესრიგში იქნება, ამოქრედილება ბაზრები, განრნდება ყველაფერი... მიეცით ხალხს ცხოვრების უფლება, მათ აქვთ სიცოცხლის უფლება, მათ სისხლისმღვრელი ბრძოლით მოიპოვეს არსებობის უფლება!

ცოლი - ახლა არავინ იღვწის საიმისოდ, რომ საზოგადოებისათვის იცხოვროს.

გორდოვი - საზოგადოებაც ხომ არ არსებობს...

ცოლი - თუ არსებობს კიდევ, ეს ერთი მუჭა ხალხია, რომელთათვის ცხოვრება არ არის საინტერესო

გორდოვი - სიკვდილისთვისაც ვერ გაიმეორებ თავს.

ცოლი - მინდა დავტყუე სიცოცხლით და ვნახო, მაინც სადამდე მივლენ? გორდოვი - ეს არარაობები?"

მადამ გორდოვა, თავისი კეთილმოწყობილი, მდიდრული, მოსკოვისა და კუბიშიშევიში მდებარე გენერლის აპარტამენტებით, იმ ცხოვრებისაგან გაწილებული, კლასიკურ პროვინციულ მოსულელო ქალბატონს მოგვაგონებს, რომელსაც "არსურს" გაუგოს ვიღაც სტალინსა და ბერიას...

ნაკლებად სიმპათიურია სალდაფონი გენერალი გორდოვიც, რომელიც "მადლად" მატერიებსა და პრობლემებს საუბრობს ესოდენ დიდი "პატრიოტული" შემართებით. ყოველივე ამის მიღმა მინქმალულია ეკონომიკური სურვილი: "მოგვეცით მდიდრულად ცხოვრების საშუალება"! მეშინის მიზანსწრაფვამ, მაგრამ ამ მეშინის გენერლის სამხრებები ეკვრა, ისევე, როგორც "ხალხის ბედი დაინტერესებულ" კიდევ ერთ გენერალს - რიბაღინკოს, რომელიც გორდოვთან სტუმრად მისული ესაუბრა

მასპინძელს, როცა სოხიდან კუბიშიშევიში მიემგზავრებოდა.

და, აი, რას ეხებოდა ეს საუბარი:

"რიბაღინკო - არ გაგაგანია ყველაზე აუცილებელი. შეიძლება ითქვას, რომ გავლატაკდით. ფუფუნებაშია მხოლოდ მთავრობა, ფართო მასები კი შიმშილობენ. მათთვის ეს ყოველივე, ნუთუ სტალინმა არ იცის, თუ როგორ იტანჯება ხალხი?

გორდოვი - მან ყველაფერი იცის, ყველაფერს ხედავს.

რიბაღინკო - ან ისე აიბლანდა თავის საქმეებს, რომ არ იცის, როგორ განთავისუფლდეს! შესრულდა პირველი ხუთწლედის გეგმა, მაგრამ ეს ხომ ხალხის თვალში შეყრილი ნაცარია?..

გორდოვი - ხალხი ტყავს კატებს, ძაღლებს, ვირთხებს!

რიბაღინკო - ადრე, საზღვარგარეთიდან, ასე თუ ისე, გვეხმარებოდნენ.

გორდოვი - ახლა არავინ არაფერს გვაძლევს, არც არაფერი გვაქვს.

რიბაღინკო - და არავითარი პერსპექტივა, სრული იზოლაციაა."

სწორედ ეს საუბრები იყო დაფიქსირებული. ჯერ დააპატიმრეს რიბაღინკო, შემდეგ კი - გორდოვი (1950 წელს ისინი დახვრიტეს, მაგრამ 1956 წელს - რაც ნიშნავს მთლიანად - მოხდა მათი რეაბილიტაცია). მაგრამ, უამრავი რამ ხომ არ ფიქსირდებოდა! ფაქტია, რომ ელიტა, რომელიც საბჭოთა ხელისუფლებამ გამოხარდა და დააკავალიანა, სწორედ უჩვენებდა ბრანქს ჯიბიდან ამ ხელისუფლებას - მაშინაც კი, როცა ქვეყანა კეთილდღეობისკენ მიიწვედა. მიზეზი კი იყო არა "პლატფორმები" რთაც საკუთარი ბუხლუნის მიჩქმალვას ცდილობდნენ გორდოვები. რა შუაში იყო აქ "პლატფორმა"! თავი და თავი საქმისა იყო ის, რომ მათ მაშინვე სურდათ "ეჭამათ და ენებოდათ", ქვეყანას კი ამის საშუალება არ გააჩნდა.

ყოფილი გლეხის ბიჭი მედიდურად უგულვებელყოფდა საზოგადოებას, მისი "მადამი" კი, ამართლებდა რა საკუთარ არარაობას, წუწუნით აცხადებდა, რომ მათთვის ცხოვრება არავის სურდა. მეორედ-ბოდა რეკლამისთვისა და სამოქალაქო ომის შემდგომი სიტუაცია, როცა ზოგიერთი მე-ბრძოლი ხელეებს იკაპივებდა შემდგომი შრომისათვის, მეორენი კი გაჭირვებაზე ქაქანდებდნენ და "უზრუნველ" წარსულს მისტიროდნენ...

ალბათ ყველაფერი გასაგებია მკითხველისათვის... მით უმეტეს, რომ, ამ თემაზე, ადრე უკვე გვექონდა დაწერილებითი საუბარი.

ყვერთელა ქვეყანა კი თანდათან მიიწვედა წინ წარმატებულად. მიმდინარეობდა დანგრეული ქარხნების აღდგენის პროცესი, შენდებოდა ქალაქები, მეცნიერები მუშაობდნენ ახალ აღმოჩენებზე, ვითარდებოდა სოფლის მეურნეობა, წარმოები უშეგებდნენ სამამულო მიკროსკოპებს, მოსიარულე ექსკავატორებს, მიზნისაკენ მიისწრაფვოდნენ თავდაცვის სისტემათა რაკეტები...

სერჟანტი ლავრენტიევი გამოგონებებს მუშაობდა სახალხის (სახალხისზე), სერჟანტის ხელფასით იწერდა პურნალ-გახეთებს... მას ელოდა შეხვედრა მარშალ ბერიასთან.

და მე ვფიქრობ - რა მოხდებოდა, სერჟანტ ლავრენტიევის ბერიას ნაცვლად გენერალ გორდოვისათვის რომ მიემართა? "საბაზრო ეკონომიკის" მომხრე ეს ყოჩადი სალდაფონი ხომ მტკვერში აზილავდა მას? არა საპატიმრო ბანაკის, არამედ პლაცის მტკვერში! დედის გინებით მუხლებამდე ჩამარხავდა მიწაში სერჟანტს!

სწორედ ეს მარშალ-გენერალიტეტი, რომელიც დარწმუნებული ვახლდათ "საკუთარ ძაღლებში", იყო განვითარებადი სოციალისტის დიდი საშიშროება. მეორე, არანაკლებ დიდი საშიშროება ვახლდათ გადაგვარებული პარტოკრატია. თუ გენერლები დარწმუნებული იყვნენ იმაში, რომ გენერალი არ შეიძლება იყოს ბრიყვი, პარტოკრატები დარწმუნებული იყვნენ იმაში, რომ ცეკას მდივანი არ შეიძლება იყოს ბრიყვი. მესამე საშიშროებას კი წარმოადგენდა "ელიტური" ინტელიგენცია, უპირველესად - შემოქმედებითი, მაგრამ, რაღაც დოზით - სამეცნიეროც - პროფესორ-აკადემიკოსთა დონეზე.

(გაგრძელება შემდეგ ნომერში)



სიყვარულის ნოსტალგია

- აბა შენ იცი, კარგი ამბავი მოგვიტა-
ნო.

- დადამდა. სპირიდონე არ ჩანდა. დუშა
ბებიმ და ტანია დაძვე თუთრად გაათენეს.
ტანია ნერვიულობდა.

- ალბათ დატოვეს, არ გამოუშვეს, -
ამშვიდებდა დუშა ბები, - ჩვენთან ასეთი
წესია, ორი დღეც რომ დააგვიანდეს, არ
გავიკვირდეს.

- ოღონდ გავიგო სად არის, არა მგონია
გარეთ იყოს, მას რაღაც უბედურება
დააბრალეს... სადაც არ უნდა იყოს, წავალ
და მოვებნი.

- სპირიდონე შუადღისას მთვრალი
დაბრუნდა.

- ექვთია! დუშა ბები! დაბრუნდა თქვენი
ელჩი სამტრედიდან! დაბრუნდა და მერე
როგორ დაბრუნდაა!

- მარტო დაბრუნდი, ბიძია სპირიდონე?
- გასძახა მზიამ.

- ყველაფერი კარგადაა! ხუთიანზე
შევესრულე საქმე!

- სოლომონის ბავშვებმა სპირიდონეს
დაბრუნება თვითნაკეთი სათამაშო ხე-
ლუქმბარის გასროლით აღნიშნეს.

- სპირიდონე ჩამოვიდა!
- ახალი ამბავი ჩამოიტანა!

- კარგი ამბავი!
დუშა ბები და ტანია ბაზრიდან მორ-
ბოდნენ.

- ყველა ეზოში შეიკრიბა.

- სკამი დამიდგით! - გასცა ბრძანება
სპირიდონემ.

- დაუდგეს.

- სპირიდონე დაჯდა, ფეხი ფეხზე გადაი-
დო, პაპიროსი გააბოლა და დაიწყო:

- ასეა, ბაბა, სპირიდონე პირველიო,
სვანეთშია პირველიო, აფხაზეთშიც პირვე-
ლიო, მარგალებთან ხომ სულ პირველი
ვარ!.. მერე, მერე თუ იცით?

- თქვი მალე, რა ჰქენი?
- რა ვქენი და, ჩემო ბატონო, სოფელ
წილდუბნის ჩიტებისთვის სახლი გავაკეთე
და ალვის ხის კენწვროზე დავეცი, აბა?!
მე ვარ, ვინცა ვარ! არ უნდა გამეკეთებინა
ჩიტებისთვის სახლი? იმ სოფელში ყველა
სახლის დობე-ყორე შევათვალე, ყვე-
ლაფერი წესრიგში აქვთ, აბა ინდიკოს
დობეს სული რომ შეუბერო, წაიქცევა!

- მთვრალია ეკ ოხერი, - თქვა ინდიკომ,
- გზაში მინც არ გამოფხიზლდი?

- ეტყობა ელექტრიკით წამოვიდა და
თავისწინაობს ნახავდა.

- ჰო, მატარებელშიც დაველიე, აბა? ენ-
გურის ხილამდე გამომყენენ, სპირიდონე
პირველიო, სამტრედიასშიც პირველიო!
დილით ხაშიც მივირთვი და ხინკალიც,
არაყიც დაველიე და ლუდიც დავაყოლე.

- თქვი, ნუ აგვიწვი წნევა, - გაბრაზდა
დუშა ბები, - ბიჭის ამბავი რა გაიგე?

- ჰო, ბიჭის ამბავს ახლავე მოგახსენებთ,
- ჯობიდან კონვერტი ამოიღო და ტანიას
მიწოდდა, - მამუკას წერილია, მისი მისამარ-
თიც იქვე წერია. ჩემი დანახვა ძალიან
გაუხარდათ, დედა და ბებია ტიროდნენ.
ასე მითხრეს, ან შენ ჩამოგვიყვანე ტანია,
ან ჩვენ ჩავალთ. ბაბუა ძალიან მომეწონა,
ძველებური კაცი, მამა, მეზობლები, ნათე-
სავეები, დიდი სუფრა გაშალეს, ტარიელიც
გავიცანი, რომელიც ტანიას იცნობს, ვაჟკაცი
ბიჭია.

- ბავშვზე რა უთხარი?
სპირიდონემ მხრები აიჩქა და ტანიას
შეხედა.

- რა უნდა მეტქვა... აბა რა ვიცი.

- როგორ არ იცი, აბა რისთვის წახვედი?
- ჰკითხა ინდიკომ.

- ტანიამ მთხოვა, არ უთხრაო, მარტო
მისამართი გამოართვიო, ეუხერხულა.

- დუშა ბებიმ ტანიას უთხრა:
- არ ჯობდა, რომ სცოდნოდათ? ხომ
ჩამოვიდოდნენ...

- არა, დუშა ბები, მამუკას გარეშე მე
მანდ ვერ გაეჩერებოდო.

- სპირიდონე ადგა და ხმამაღლა განაცხ-
ადა:

- დამთავრდა ახლა კონცერტი, ტანიამ
წაიკითხოს წერილი, ყველამ თქვენს საქმეს
მიხედეთ. გაინტერესებთ სად არის მამუკა?
ეგერ წერია, ირკუტსკის მხარე, სოფელი
ბუროვკა.

- დაიშალნენ.

- ტანია ბუხრის წინ დაჯდა და კონვერტი
გახსნა:

„ჩემო საყვარელო, ჩემო ერთადერთო
ტანია, მამატიე, რომ საქმე ისე ვერ აეწყო,
როგორც გვინდოდა, ჩვენ ვოცნებობდით.
მე მჯერა, რომ ჩვენი სიყვარული მარადი-

ულია, ჩვენ ერთად ვიქნებით. იმ დაწვევლილ
დღეს ჩვენ არ უნდა გვემხილებინა ის
მილიციელი. მე ჩემს სიმართლეს დავამტ-
კიცებ. ერთ რამეზე ვნერვიულობ, ალბათ
შენც ნერვიულობ, ჩვენ ხომ მხოლოდ
ერთი თვე ვიყავით ერთად, ნერვიულობის-
აგან ალბათ მუცელი მოგეშალა. ნუ
გეშინია, ყველაფერი კარგად იქნება, ჩვენ
ბევრი შვილი გვეყოლება. ჩვენებთან კონ-
ტაქტი იქონიე, უკეთესი იქნება თუ მიხვალ,
ჩემს სახლში დამელოდები. ჩვენები დვიდლი
შვილივით მივიღებენ და მოგივლიან. გოც-
ნი. შენი მამუკა“.

- ტანია აქვითინდა. დუშა ბებიმ გულში
ჩაიკრა.

- დამშვიდდი.

- უნდა წავიდე, დუშა ბები.

- სად უნდა წახვიდე, შენს სახლში?
- არა.

- მამუკას სახლში?
- იქ ვერ მივალ.

- აბა სად გინდა წახვლა?
- იქ, სადაც ჩემი ქმარია.

- სადამო ჟამს დუშა ბების სახლის
ეზოში ისევ მოიყარეს თავი მეზობლებმა.

- ირკუტსკში წახვლა არც ისე ადვილ-
ია.

- სამი თვის ბავშვს როგორ წაიყვანს?
- ვერ წაიყვანს.

- ალბათ აქ დატოვებს.

- დუშა ბები და მზია მოუვლიან.

- იქნებ გადაიფიქროს წახვლა და აქ
დაელოდოს.

- ძნელია მანდ, რუსეთის, მითუმეტეს
ციმბირის ზონაში პატიმრის მონახულება.

- წესიერად არც იცის სად უნდა მი-
ვიდეს.

- აბა რა ქნას?
- აქ ვერ გაჩერდება, მაინც უნდა წა-
ვიდეს.

- ფულია საჭირო.

- ჰოდა, შევეუროვოთ, ვის რამდენი შეუ-
ძლია.

- მე შემძლია ჩემი ტელევიზორი... -
ინდიკომ საუბარში მხიარულობა შემოი-
ტანა.

- შენი მინჯდრეული ტელევიზორი ვის
რათ უნდა, - უთხრა სპირიდონემ, - ხალხი
იპონურ და ამერიკულ ტელევიზორს
უყურებს.

- ყველას გაეცინა.

- რაღა წაღღის თავს მივიგავს ის
ცხვირი, შენი დასაცინი ვარ მე? - გაბრაზდა
ინდიკო, - ტელევიზორის გარდა ორი
ქათამი და ერთი ინდაური.

- ქსენიას სამი დღის ნავაჭრი.

- სოლომონის ჟანგიანი რკინები.

- დუშა ბების ძველი სამოვარი და კარა-
და.

- სპირიდონეს ნაბადი.

- ვის რა შეეძლო და ვის რა.

- მიმდებარე ქუჩებიდანაც შემოვიდა შე-
საწირი.

- რამდენიმე დღეში საქამო თანხა შეა-
გროვეს.

- მატარებელი ბაქანზე ჩამოდგა. ტანია
დიდხანს ემშვიდობებოდა კეთილ ადამი-
ანებს, ცრემლებს ძლივს იკავებდა, ბავშვს
და დუშა ბების გახელებული კოცნიდა.

- მატარებელი დაიძრა.

- ექვ, რატომღაც მგონია, რომ არ დაბრუნ-
დება, - ჩაილაპარაკა სპირიდონემ, - ახ-
ალგაზრდა გოგოა. დრო გაივლის, დრო,
რომელიც ყველაფრის მეურნაელია, გადაავი-
წყდება, თავისი ცხოვრების გზას იპოვის.

ნაწილი III
ციმბირის ღამე

თავი I
ბუროვკა

გამხმარი ბალახების თვალუწვედენელი
ველი. ციმბირს ჯერ არ დატყობია გაზაფხ-
ულის მოსვლა. აქა-იქ თოვლიც დევს, გაყ-
ინული თოვლი.

თვალცრემლიან ტანიას ერთი სული
ჰქონდა, დანიშნულ ადგილზე როდის ჩავი-
დოდა. ფიქრებში იძირებოდა: ვაითუ ვერ
შეგხვდებოდა, ან როგორ შეგხვდებოდა? ვის მივმარ-
თო? გადმოცემით ვიცი, რომ იქ ძირითადად
ნაციხარები ცხოვრობენ... საშიშიაო,
მითხრეს... არ ვიცი რაზე ვიფიქრო, ჩემს
უიღბლო სიყვარულზე, ბავშვზე, მშობლებზე,
დუშა ბებისზე, სპირიდონეზე, მზიაზე, ყვე-
ლაზე, ვინც სიკეთე გამოიკეთა. ალბათ
ღმერთი მიფარავს, თორემ ამდენ უბედურე-
ბას ვერ გადავიტანდი. ახლაც მისი იმედი
მაქვს.

ტანიას მყუდროება გამცილებელმა ქალ-
მა დაარღვია.

- ჩაი გინდა?
- არა, გამადლობო... ბუროვკაში როდის
ვიქნებით?

- ბუროვკაში ჩადიხარ?
- დიახ.

- ბილეთი კი ირკუტსკამდე გაქვთ აღე-
ბული, თუმცა რა მნიშვნელობა აქვს, ერთი
ფასია... ალბათ პატიმრის მოსახალხურებლად
მიდიხარ.

- დიახ.

- ვიზა გაქვს?

- რისი ვიზა?
- პატიმარი რომ ინახულო.

- არა, არა მაქვს.

- მაშინ ირკუტსკამდე ჩახვლას გირჩევ,
თქვენსითანებს ბევრს მივასწავლე გზა.
თუ პატიმარი მიმაგრებაშია, მაშინ მასთან
შეხვედრა პრობლემა არ იქნება, მაგრამ
თუ ზონაშია...

- დიახ, ასე ვიცი, რომ ზონაშია.

- ზონა ზონას გააჩნია, არსებობს თავი-
სუფალი ზონა და არსებობს ასევე მკაცრი
რეჟიმის... შენ ვინ გყავს მანდ?

- მეუღლე.

- რომელ ზონაშია?
- არ ვიცი.

გამცილებელი ქალი წამით ჩაფიქრდა
და უთხრა:

- აქ ერთი მოხუცი კაცია, ისიც
ბუროვკაში ჩადის, საწვალს ოცდაათი
წელი ახეხინებს, კარგად ვიცნობ.

- მერე?

- დაგეხმარება, იგი აქ ყველას იცნობს,
წარმოშობით უკრაინიდანაა. ციხიდან რომ
გათავისუფლდა, რა აზრი ჰქონდა სამ-
შობლოში დაბრუნებას, რადგან არავინ
ელოდებოდა, ამიტომაც სამუდამოდ აქ
დასახლდა... ბუროვკაში არავის იცნობ?

- არა.

- გასაგებია.

მატარებელმა სვლას უკლო.

- ბუროვკა! განერება ორი წუთი!
ჩამსვლელელო, მოეზადეთ! - გასძახა
ვაგონს გამცილებელმა.

ჩამსვლელი კი ორნი არიან, ისედაც
თითქმის დაცარიელებული ვაგონიდან:
ტანია და პირსახედადარული ნოჭებიანი
მოკუნტული ბერიკაცი.

- ამ გოგონას უნდა დაეხმარო, - უთხრა
გამცილებელმა მოხუცს, - სტუდენტია,
მისი მეუღლე ზეკია.

მოხუცმა ტანიას მორიდებით თავი დაუქ-
ნია.

- დავეხმარები, აბა რას ვიზამ, თუ ტომ-
რის ჩამოტანაში ხელს შემაშველებს.

ტანიამ სვედიანად შეხედა.

მოხუცმა სვედიანად გაუღიმა, სახეზე
ეტყობოდა, რომ მრავალი ჭირი და
უბედურება ჰქონდა გადატანილი.

- რამდენი დარჩა თქვენს მეუღლეს?
- სამი თუ ოთხი წელი.

- ეგ არაფერია, მაღლენი ხანი მარტო
ბურში გამიტარებია, მალე გაივლის, ზამ-
თარი-ზაფხული, კიდევ ზამთარი-ზაფხული,
კიდევ ზამთარი-ზაფხული და სვებოდა ზეკა.

- გამადლობო, ბაბუა, მაგრამ ჩემთვის...
- მესმის, ძალიან ძნელია, სამი-ოთხი
წელი კი არა, სამი-ოთხი საათი ლოდინიც
ძალიან ძნელია, ლოდინზე საშინელი
არაფერია, მითუმეტეს, როცა გიყვარს...
ელოდები და გჯერა, მაგრამ სამწუხაროდ
ისეც ხდება, რომ არავითარ სიკეთეს არ
ელოდები და უფრო უარესი ის არის,
როცა შენ არ ევლოდებიან... ეგე, რას იზამ,
ტანუღლე ახვედრია ასეთი, არ შეიძლება
ყველა ბედნიერი იყოს.

მატარებელი გაჩერდა.

ტანია მოხუცს ტომრის ჩამოტანაში
წაეხმარა.

იქვე, ბაქანის კუთხეში, სკამზე ჩამოჯდ-
ნენ.

- ცოტა შევივებით, მოვიფიქროთ, სად
წავიდეთ, - უთხრა მოხუცმა.

ვაგონიდან ხელში გატენილი ჩანთებით
ორი შავგერმანი ქალი ჩამოვიდა.

- ესენიც პატიმრის სანახავად იქნებიან
ჩამოსული, ეტყობა კავკასიელი არიან,
ზონის უფროსს ფულს მისცემენ, ერთი
საათით პატიმარი რომ ინახულონ, არადა
რამდენი კილომეტრი აქვთ გამოვლილი,
ესაა კანონი?.. ბევრს ითხოვენ ის მა-
მაძღლები, თქვენ საიდან გეგნებთ მაგდენი
ფული.

- არა, მე მხოლოდ უკან დასაბრუნებელი
თანხა მაქვს, მეტი ვერ შეგავროვებ.

- პერუდანაც მოგაქვს?

- არა.

- ხოლო... - მოხუცმა პაპიროსი გააბოლა
და ჩაახვედა.

- სხვათა შორის ჩემი მეუღლეც
კავკასიელია, ქართველია.

ამ დროს მათ ჩანთებიანი ქალები მი-
უახლოვდნენ და ჰკითხეს:

- ბოდიში, ვერ გვეტყვიოთ სად არის
მეოთხე ობიექტი?

- აქედან ორას მეტრში დგას ავტობუსი,
სამშენებლო-სამონტაჟო განყოფილების
შენობის წინ, მუშები გადაჰყავს ტემლო-
ცენტრალში, მძღოლს შეეკითხებით, ერთ-
ორ კილომეტრში დიდ ზონას დაინახავთ,
უზარმაზარ ქარხანას აშენებენ.

- ზონის უფროსთან შეხვედრა როგორ
ხდება?

- იქვე დასახლებაა, ზონის გარეთ, ყვე-
ლანი, ვინც ზონას ემსახურებიან, იქ ცხ-
ოვრობენ, ზონის უფროსიდან დაწვეული
რიგით ბაღრამდენ დამთავრებული.

- ჩვენ გვითხრეს, შინაგანი ჯარების
განყოფილებაში მიდიოთ, წერილიც გვაქვს.

- თქვენ საიდან ხართ?
- ერევნიდან.

- წერილი ვის სახელზეა?
- ალბათ უფროსის... ჩვენი ნათესავი
შინაგან ჯარში მსახურობს, მან დაგვიწ-
ერა.

- შეიძლება დაგეხმარონ, მაგრამ რატომ-
ღაც მეუჭევა, რადგან შინაგან ჯარებს
თავიანთი ფუნქცია აქვთ, ისინი პატიმრებს
ყარაულობენ, მათთან ურთიერთობა კი
არა მგონია... არ ვიცი, შეიძლება დაგ-
თანხმდნენ, მაინც სცადეთ.

ქალებმა მადლობა გადაუხადეს და
წავიდნენ.

- იმათ ხომ არ გავყოლოდით? - ჰკითხა
ტანიამ მოხუცს.

- არ ღირს, რადგან ვიცი რა ძაღლებიც
არიან, ჩვენ სხვა რამე უნდა მოვიფიქროთ,
პირველ რიგში უნდა გავიგოთ, თუ რომელ
ზონაშია შენი მეუღლე.

- ალბათ არსებობს რაღაც სამსახური,
საინფორმაციო ბიურო, სადაც ყველას
გვარი...

- არავითარი მაგნიარი სამსახური და
ბიურო არ არსებობს, ზეკებს ადამიანებად
არ თვლიან, აქ ისინი დანომრილები არიან,
ის ნომერია მისი გვარიც, სახელიც, მამის
სახელიც და ეროვნებაც.

- რა საშინელებაა?
- უარესია, საშინელებაზე უარესი რა
უნდა იყოს? სამოცდაათს გადაცილებული
კაცი ვარ, დიდი გამოცდილება მაქვს მიღე-
ბული.

- მაშინ რა ვქნათ?
მოხუცი ადგა, გაიარ-გამოიარა და ისევე
დაჯდა.

- რა გქვია სახელი?
- ტანია.

- მე ვანია მქვია, შენ უბრალოდ შეგი-
ძლია ძია ვანია, ან ბაბუა ვანია დამიძახო,
ისე კი, ტიტულონად, მოკრძალებით მე
გახლავარ ივან პეტროვიჩ კოვალენკო, წარ-
მოშობით სუშის ოლქიდან, ჩრდილოეთ
უკრაინა.

ტანიას სახე გაუწათდა:

- მე ტანია მისხილოვნა სელეხნიოვა
გახლავარ, ნოვოსიბირსკის სახელმწიფო
უნივერსიტეტის ფილოლოგიის ფაკულ-
ტეტის მესამე კურსის სტუდენტი.

- ბრწყინვალეა! უნივერსიტეტი!
ფილოლოგია! მაგას რა სჯობია?! - მოხ-
უცმა ჯიბეს გაიკრა ხელი და გროშები
ამოიღო, - აქვე ერთი ქალი ბილეთებს
ყიდის, შენც მოშიებულები იქნები, თითო
ოცი კაპიკი ღირს, გემრიელი ბილეთებია,
ორ ცალს ვიყიდი.

- რას ამბობთ, ივან პეტროვიჩ, გამა-
ლობო... მე თვითონ ვიყიდი.

- არავითარ შემთხვევაში, შენ ჩემი
სტუდენტი ხარ.

- მაშინ მე თქვენ სიგარეტებით გავი-
მასპინძლებდით, - ტანიამ ჩანთიდან ორი
კოლოფი „კოლხეთი“ ამოიღო, - ინებეთ,
ივან პეტროვიჩ.

ნარო კოლხელი
(ნარინან იაზაღაზიძე)
(გაგრძელება იქნება)

სამეგრელო დაჰიით დაღიანის დროს

ჩვენს მეტიხელებს ვთავაზობთ ნაწვევებს ცნობილი ქართველი მწერლისა და მეცნიერის იონა მეუნარგიას 1939 წელს გამოცემული წიგნიდან "სამეგრელოს სამთავროს უპანასკნელი ამბოღი და დავით დაღიანი" (ავტორისეული სტილისტიკა შენარჩუნებულია).

რეპორტი ბენერალ
პანპრატიშვილისა ბრავო
ჩარნიშვილისა, 1831 წლის
ოქტომბრის 2-ს

სენატორებმა, რომელთაც ამიერ-კავკასიის მხარეში რევიზია მოახდინეს, თავიანთს მოსენებაში გრაფ ივანე თევდორეს ძის მიმართ, ამა წლის აპრილის 1-ს, განმარტეს, რომ იმით უფრადებათა მიაქციეს ყველა იმ უფლებათა, რაც ამ მხარეს ჰქონდა მინიჭებული იმ დღიდან, რაც რუსეთს შეუერთდა და დაინახეს, რომ ზოგიერთ პროვინციას განსაკუთრებული უპირატესობა ჰქონდა, ამიტომ

საჭიროდ და სასარგებლოდ დაინახეს განეხილათ ადგილობრივი რუსის მთავრობის მოქმედებანი ამ უფლებათა შენარჩუნების შესახებ.

მაგალითად, სამეგრელოს, რომელმაც რუსეთის ქვეშემდგომობა 1803 წელს მიიღო, მანამდე მისი მთავარი მართავდა იმ მოთხოვნისგანთა პუნქტის თანახმად, რომელიც უმადლესად დამტკიცებულ იქნა იმავე წელიწადს. ამ პირობათა შესამე პუნქტის ძალით სამეგრელოს მთავარს უფლება აქვს სამართალი თვითონ აწარმოოს თავისს სამთავროში. მაგრამ რადგან სიკვდილით დასჯის ან სხეულის ასობის მოჭრის უფლება რუსეთის ქვეშემდგომობის შორის არავის უნდა ჰქონდეს, ამიტომ საჭიროა მთავარს მიეცეს სახელმძღვანელოდ ისეთი კანონები, რომლებიც უჩვენებენ, თუ როგორ უნდა დაინახონ კაცის კვლისათვის, ტყვეს გაყიდვისათვის, ქურდობისა და ყანალო-

ბისათვის; სანამ ასეთ კანონებს მიეცემდეთ, მთავარს ნება ჰქონდეს ძველებურის წესით გაასამართლოს დამნაშავენი, რათა ბოროტმოქმედებას გასავალი არ მიეცეს, რადგან ხალხი შეწყვეული არ არის ღმობიერ სამართალს.

დღემდე სამეგრელოს მთავრებს არა ჰქონიათ რუსეთის კანონები სხენებულ ბოროტებათა დასასჯელად; მაგრამ მიუხედავად ამისა, სიკვდილით ან სხეულის ასოს მოჭრით, სამეგრელოს მთავრების დამობიერების წყალობით, აქ არავინ დასჯილა. ეს უფლება შეიცვალა თანახმად საქართველოს მმართველთა ბრძანებისა, რომელიც გამოეცხადათ ადგილობრივს ხელისუფლებს წარმომადგენელთ გენერალ რტიშჩევის მიერ 1816 წელს და გენერალ-მაიორ ველიამინოვის მიერ 1825 წელს და ამ ბრძანებათა თანახმად ბოროტმოქმედნი უნდა გაესამართლებინათ რუსეთის კანონებით.

საქართველოს მმართველთა მიერ გაცემულ განკარგულებაში სამეგრელოში სიკვდილით დასჯის გაუქმების შესახებ, ალბათ, აზრად ჰქონდა მათს მართვა-გამგეობაში მყოფ მხარის მცხოვრებელთა კეთილდღეობა; მაგრამ ეს განკარგულებანი ეწინააღმდეგებიან სამეგრელოს მთავრის მოთხოვნათა პუნქტების მე-3 მუხლს და სამეგრელოს მთავართან შეუთანხმებლად მისთვის უმადლესად ბობიერლნი უფლებანი შელახულნი არ უნდა იყვნენ. მთავარს ამ პუნქტების ძალით შეეძლო თავისი ნებით დაესაჯა დამნაშავე სიკვდილით და სხეულის ასოს მოჭრით; მაგრამ კეთილგონიერების და ღმობიერების გაველით ასეთი სასჯელისა აგან თავს იკავებდა და თვითონ მას 15 წლის განმავლობაში ერთხელაც არ განუცხადებია უკმაყოფილება თავის უფლებათა დარღვევის შესახებ.

ამიტომ სენატორებს შესაძლე-

ბლად მიანიათ სამეგრელოში ჩადენილი სისხლის სამართლის დანაშაულობათის დამნაშავენი გაასამართლონ სამხედრო სასამართლოს ქუთაისის კომისიაში. მაგრამ რათა შემდეგშიაც არ ჰქონდეს სამეგრელოს მთავრებს მიზუხი მე-3 მუხლში გამოთქმულ უფლებათა დარღვევის გამო უკმაყოფილების გამოცხადებისა, საჭიროა ეს კითხვა გამოიკვს მასთან ოფიციალური მიწერ-მოწერით.

მისმა ბრწყინვალეობამ საქართველოს მთავარსარდალმა ყოველივე ეს საქართველოს აწინდელ მთავარს გენერალ-ლეიტენანტს თავად დადიანს გამოუცხადა და სთხოვა: თქვენ რა აზრისა იქნებით იმის შესახებ, რომ სისხლის სამართლის საქმეები ქუთაისის სამხედრო სასამართლოს კომისიაში გაიჩნეს.

(გაგრძელება იქნება)

როგორ აღმოჩნდა 20 პეპარი ქართული შინა სომხეთის ბერიშორიანზე?

სოფელ ხულდარის (სადახლოს თემი ხუთი სოფლისაგან შედგება, - ავტ.) სასახლეო პუნქტიდან სადახლოს გამგებობისკენ ავიდეთ გეზი იმის გასაგებად, თუ რა დოკუმენტები და ახალი აზომებები გაკეთდა. რაც უნდა იყოს, სადახლოში პირველი პირი აღმინისტრაციული ერთეულის ხელმძღვანელია, რომელსაც სახელმწიფო საზღვრის ცვლილებასთან დაკავშირებული ინფორმაცია უნდა ჰქონდეს.

სადახლოს გამგებელმა ნიხამი ბედიევმა ორი რუკა წარმოგვიდგინა: ერთი 1966 წელს შედგენილი, მეორე კი - 2008 წელს.

ნიხამი ბედიევი: - ხელთ მაქვს 1966 წელს საბჭოთა საქართველოს სოფლის მეურნეობის სამინისტროს მიერ შედგენილი რუკა. ძლივს ვიშოვე მეზობელ სოფელთან მიწებზე დავა გეპონდა და მაშინ დაგვჭირდა. მიწა, რომელსაც ახლა სომეხი მესაზღვრეები აკონტროლებენ და რუკის მიხედვით საქართველოს კუთვნილებათა, საკმაოდ დიდია. 1966 წელს შედგენილი რუკის გარდა, მაქვს 2008 წელს მსოფლიო ბანკის დაფინანსებით შედგენილი სამგან-რომილებიანი რუკა. ის 99%-ით ემთხვევა 1966 წელს შედგენილს. ორივე რუკის მიხედვით ეს მიწა საქართველოს ტერიტორიაა. საიდან მოიტანეს, რომ ეს სომხეთის მიწაა, ვერ გეტყვი.

- ქართველმა მესაზღვრემ განმიმარტა, რომ თანამგზავრიდან ახალი აზომები გაკეთდა და ეს ტერიტორია სომხეთის ყოფილა...

- ახალი რუკა რომ შეედგინათ და საზღვარი ოფიციალურად შეცვლილიყო, გამგებელი ვარ და ხომ უნდა მცოდნოდან? სომხეთისკენ საკმაოდ დიდი ტერიტორია, დაახლოებით, 20 ჰექტარზე მეტი აღმოჩნდა. როგორც ჩანს, უნდათ, ეს ტერიტორია მთლიანად მიითვისონ. ამ საკითხზე დიდი აზრები იყო, ჩვენი საზღვრის დაცვის დეპარტამენტის წარმომადგენლები რამდენჯერმე ჩამოვიდნენ.

- ქართველი მოსახლეობა ამბობს, რომ ამ ტერიტორიაზე შესვლას მათ არა სომეხები, არამედ ქართველი მესაზღვრეები უკრძალავენ...

- როგორც ვიცი, ჩვენს ხალხს იქ სომეხი მესაზღვრეები არ უშვებენ. ერთხანს 500-მეტრიან სასაზღვრო ზოლში ჩვენი მესაზღვრეებიც არ უშვებდნენ გაუგებრობის თავიდან აცილების მიზნით. ამის გამო შინაგან საქმეთა სამინისტროს სტრუქტურებს მიემართო. ახლა ყველას აქვს სპეციალური საშვი, რომლითაც მოსახლეობას 500-მეტრიან ზოლში შესვლის უფლება აქვს.

- კონკრეტულ შემთხვევაში 500-მეტრიან ზოლზე არ არის დაპირა...

- ვიცი. ამ მიწებზე უკვე მეორე წელია, ხალხს აღარ უშვებენ, რატომ, ვერ გეტყვით, მაგრამ ის კი ვიცი, რომ ამის უფლება არ აქვთ. ავტორ რუკები, აშკარაა, რომ ეს საქართველოს ტერიტორიაა! თუ რატომ ან როგორ შემოიტანეს სომეხი მესაზღვრეები ჩვენს სივრცეში, ამაზე პასუხს მე ვერ გავცემთ.

- როგორ მოხდა, რომ სომეხმა მესაზღვრეებმა ჩვენს ტერიტორიაზე ააშენეს ბაზა?

- როგორ ააშენეს ჩვენს ტერიტორიაზე

სომეხმა ბაზა, ვერც ამაზე ვაგვცემთ პასუხს. მე ის ვიცი, რომ სახელმწიფო მოხელე ვარ და ჩემი სახელმწიფოს ინტერესები უნდა დავიცვა. ყველანი გამგებლები თუ მესაზღვრეები, ქვეყნის ინტერესებს უნდა ემსახურებოდნენ.

ვითარებაში უკეთ გასარკვევად ჩვენ დავეუკავმიბრძინეთ საზღვრის საკითხებში ექსპერტს, კარტოგრაფსა და პროფესორს ჯანსუღ კეკელიას:

- საზღვრის გადაწვევა-გადმოწვევა ასე მარტივად არ ხდება. ჯერ ერთი, საზღვრის შეცვლა საგარეო საქმეთა სამინისტროში არსებული დემარკაცია-დელიმიტაციის კომისიის საქმეა. სწორედ მან უნდა შეადგინოს სპეციალური აქტი ტერიტორიის გადაცემის შესახებ, რაც აუცილებლად უნდა გამოქვეყნდეს პრესაში და, რაც მთავარია, საჭიროა აქტის რატიფიცირება პარლამენტში. სახელმწიფო საზღვარი ვინმეს ბალი ხომ არ არის, საჯარო განხილვისა და პარლამენტის რატიფიკაციის გარეშე გადასწოვა-გადმოსწოვა? მხოლოდ კომისიის აქტი მიწის გადასაცემად არ არის საკმარისი, მიწის სხვა ქვეყნისათვის გადაცემა პარლამენტში განუხილველად დაუშვებელია.

- შესაძლებელია თუ არა საქართველოს შესაბამის სტრუქტურას სომხური მიწა გაეცა იჯარით?

- გამორიცხებულია! ყველა რაიონს აქვს დადგენილი საზღვრები. ბუნებრივია, საქართველოს მოქალაქეს სახელმწიფო მიწას ისე ვერ მიხსცემდა იჯარით, თუ ის კონკრეტული ნაკვეთი მიწის ბაღანსში არ იქნებოდა აღრიცხული.

- ჩვენმა მესაზღვრემ განმიმარტა, რომ თანამგზავრიდან ახალი ფოტოები გადაიღეს და ეს ტერიტორია სომხეთის აღმოჩნდა...

- სულში აბსურდია. თანამგზავრიდან გადაღებული ორთოფოტოებით ვინ ადგენს სახელმწიფო საზღვარს? სად გაიგეს ეს, რომელი ქვეყნის გამოცდილებიდან? სახელმძღვანელო დოკუმენტი მორიგე რუკაა და სწორედ ამ რუკის მიხედვით შევიტანეთ ჩვენს კონსტიტუციაში ქვეყნის ფართობი და სახელმწიფო საზღვრები. თანამგზავრული ორთოფოტო ნედლი მასალაა, რომელსაც დამუშავება სჭირდება. ორთოფოტო, რომელზეც არ არის დატანილი საზღვარი, თუ მორიგე რუკას არ შეადარებ, როგორ უნდა გაარჩიო, სად გადის რეალური საზღვარი?

საზღვრის შეცვლას კომისიის ორი სხდომა სჭირდება. ეს უნდა გაფორმდეს აქტით, დადასტურდეს ხელის მოწერებითა და დამოწმდეს ბეჭდით. თუ არ არსებობს ასეთი დოკუმენტი და რაღაც სხვა ფორმა მოქმედებს მიწის სხვა ქვეყნისთვის გადასაცემად, ეს სკანდალია! ეს ნიშნავს, რომ ჩვენს მიწას ჩუქნიან. საზღვრის დაცვის საქმეში დიდი პრობლემები გვაქვს. თავის დროზე, როცა დემარკაცია-დელიმიტაციის კომისიაში ვიყავი, შემორანდუმებს ვწერდი და გეგმებს ვადგენდი, თუ რა უნდა გაგვეკეთებინა, რომ ქვეყნის ინტერესები დავაცვა, მაგრამ არაფერი გამოვივიდა, ამიტომაც წამოვედი კომისიიდან. თუ ასე გავაგრძელებთ, მომავალი თაობის წევრმა საფლავში არ მოგვასვენებს მამულისადმი ასეთი დამოკიდებულების გამო!

არც იმას გამოვიცხავ, რომ ეს ამბავი არაპროფესიონალიზმის გამო მოხდა. ახლა ისეთი აჯაფანაღალია ყველა სფეროში, შესაძლებელია, ვერ გაართვის თავი სომეხების პრეტენზიებს.

- ადგილობრივი მოსახლეობა ამბობს, რომ საზღვრის დაცვის პუნქტის უფროსმა გვითხრა, თქვენმა მამა-პაპამ ტყე გაჩეხა და ასე მიითვისა სომხური მიწა. ეს სიმართლეა?

- რა უნდა ასეთ კაცს სახელმწიფო სამსახურში, თანაც, საზღვრის დაცვის პუნქტის უფროსად?! 20 ათასი დესეტინა (20 ჰექტარზე ცოტა მეტი) 1935 წელს საქართველომ იქით მისცა სომეხებს სწორედ სადახლოს მიმდებარე ტერიტორიაზე სომხეთის მთავრობამ მაშინ წერილი მოსწერა ჩვენს საბჭოთა მთავრობას, ტყე არა გვაქვსო და „გვიფრაცვა“ ქართველებმაც მისცეს 20 ჰექტარი ტყის მასივი სომეხებს. არავის არაფერი გაუჩეხავს. სომეხები დაინტერესდნენ ვინმეს თვითნებ ტერიტორიის მითვისებას? პირიქით, იქვე, საზღვართან, სომეხმა სატყეო მეურნეობა მოაწვეეს, გამალებით რგავდნენ ნერგებს და ნელ-ნელა ჩვენი საზღვრისკენ მოიწვეოდნენ. ვე ტერიტორია დალავრის ქედთან არის. სწორედ ქედის ჩრდილო-აღმოსავლეთი ტყით დაფარული ფერდობი გადასცეს სომეხებს და რა ტყის განეხეხა ლაპარაკი?

- ტყის მასივი სხვა ტერიტორიაში გაგვიცვალეს სომეხებმა?

- არა, ბატონო, სანაცვლოდ არაფერი მიგვიღია! როცა დემარკაცია-დელიმიტაციის კომისიაში ვიყავი, სომხეთის საზღვარი 4 კირტიკულ უბნად დავყავი. პირველი სწორედ ევ იყო, სადახლოსა და ასკერპის ტერიტორია. ოთხივე უბანში განსხვავებული პრობლემები იყო. ამიტომ ეს საზღვარი უბნებად უნდა დაყოფილიყო და კომისიას განეხილათ, სად რა სირთულეები იყო. მე რე გადადეს შეხედვრები, მალე მეც წამოვედი და რას შერებთან ახლა, ვინ იცის?!

- დანამდილებით ვიცი, რომ ამ საკითხზე პარლამენტს არ უმსჯელია...

- თუ ტერიტორიის გადაცემაზე პარლამენტს არ უმსჯელია, მაშინ რაღაც სხვა ამბავია, ხოლო თუ საზღვრის ცვლილებაზე არც გამგებელმა იცის რამე, ეს იგი, მან დასვით წერტილი! გამოდის, რაღაც ბნელ ამბავთან გვაქვს საქმე, რაც ყურადღებასა და გამოძიებას მოითხოვს. მიწა უკვე სომხეთის ტერიტორიაზეა, არა? პოლ, დაკარგულია ეგ მიწა! საზღვრის საკითხის გარკვევას ოფიციალურად რომ დაიწყებენ ქართველები და დემარკაცია-დელიმიტაცია გაასხენდებთ, კარგად დაიმასხვორეთ, სომეხები მანდ ჯარს ჩააყენებენ და იმ მიწას ვეღარ დავიბრუნებთ...

სიტუაციის შესწავლის შემდეგ აშკარა გახდა, რომ სომხეთ-საქართველოს საზღვარზე საგანგაშო ვითარებაა და 20 ჰექტარი მიწა უკვე ფაქტობრივად, სომხეთის ტერიტორიაზეა.

ჩვენ დავეუკავმიბრძინეთ შინაგან საქმეთა სამინისტროს, გვანტერესებდა, რომელი ოფიციალური დოკუმენტის საფუძველზე შეიცვალა საზღვარი. შინაგან საქმეთა სამინისტროს საზოგადოებასთან ურთიერ-

ობის ხელმძღვანელ ზურაბ გვენეტაძეს ვრცლად აუუხსენით საზღვარზე შექმნილი მდგომარეობის დეტალური და ვიზუალური, დაგვიხმარებოდა. მეგონა, ჩვენი ინტერესები ამ საკითხში მაინც დამთხვევოდა ერთმანეთს. ზურაბ გვენეტაძე ყველაფრის გარკვევას შეგპირდა, თუმცა პასუხი არ მიგვიღია, მათ შორის, არც საკითხის განმეორებით შესხენების შემდეგ. ჩვენ ოფიციალური წერილით მიემართეთ საგარეო საქმეთა სამინისტროსაც. გვანტერესებდა, ამ საზღვრის კონკრეტული მონაკვეთის გადაცემაზე გაიმართა თუ არა თავის დროზე სხდომა, არსებობს თუ არა კომისიის ოქმი და აქვთ თუ არა სამართლებრივი დოკუმენტი, რომელიც ამ საკითხს ოდნავ მაინც მოხსენის ნათელს. ჯერჯერობით პასუხი არც საგარეო საქმეთა სამინისტროსგან მიგვიღია. ერთადერთი, რაც გავარკვეეთ, ის არის, რომ რაიმე დოკუმენტი განსახილველად პარლამენტში არ შესულა და, შესაბამისად, არც მის რატიფიცირებაზე ყოფილა დაპირება. ყოველივე ამის შემდეგ ჩნდება კითხვა, რა მექანიზმებით აღმოჩნდა 20 ჰექტარი ქართული მიწა სომხეთის ტერიტორიაზე? ჩვენ ამ კითხვაზე შესაბამისი ორგანოებისგან, უპირველესად, საზღვრის დაცვის დეპარტამენტისა და საგარეო საქმეთა სამინისტროსგან ველით პასუხს.

P.S. წესით, ეს სტატია აქ უნდა დამესრულებინა, მაგრამ რადგან ამ ბოლო დროს სომხურ თემებზე საუბარი ცუდ ტონად და ქსენოფობიად ითვლება, საჭიროდ ჩავთვალე, ჩემი სტატიის მიზანზე ორიოდ სიტყვა ვთქვა. მე დიდ პატივს ვცემ სომეხ ხალხს, რომელმაც, ჩვენგან განსხვავებით, იცის, რას ნიშნავს სამშობლო, კარგად ესერსება მისი ინტერესების დაცვა და ქვეყნის სიყვარული სატყეო სფეროში პაპარში არ ეშლება. უფრო ის მაინტერესებს, რატომ ეკიდება ჩვენი ხელისუფლება ასე უგულისხმოდ ისეთ საკითხს, როგორც ქვეყნის ტერიტორიული ინტერესების დაცვა? ხანდახან მგონია (იმედია, ვცდები), რომ ასეთი უპასუხისმგებლობა მიზანმიმართული გეგმის ნაწილია, რათა ქართველ და სომეხ ერებს შორის დაპირისპირებამ იჩინოს თავი და ამაში დამნაშავენი ქართველები აღმოჩნდნენ, ხოლო დაპირისპირებით ვიღაც მესამე იხეიროს.

საზოგადოება ბნელ პოლიტიკურ ლაბირინთებში ვერ ერკვევა და ხედავს მხოლოდ იმას, რაც ზედაპირზე ტივტივებს. ზედაპირზე კი სომხეთია, რომელიც თავნებობს და ჩვენს ტერიტორიას ითვისებს. არადა, ძნელი დასაჯერებელია, საზღვრის სათანადოდ დაცვის შემთხვევაში, სომეხ მესაზღვრეებს ქართველ კოლეგებთან ხელჩართული ომი გაეჩაღებინათ. საინტერესოა, რატომ არ ვიცავთ ჩვენს საზღვარს ისევე, როგორც ჩვენი მომე სომეხები ან აზერბაიჯანელები? რატომ ცხორებენ ჩვენი მესაზღვრეები უბადრუკ ჯიხურში, მაშინ, როცა მეზობელ სომეხებს სასაზღვრო პუნქტების გასამაგრებლად კორპუსის აშენებაც კი არ ენანებათ?

ხათუნა პაიჭაძე
ყოველკვირეული გაზეთი „კვირის პალიტრა“



დიდი ინჩხურის ტოპონიმიკა

(ვაგრძელებთ მასალების ბეჭდვას სამეგრელოს ტოპონიმიკაზე, რომელიც მოგაწვდით გაზეთ "მარტვილის" მთავარმა რედაქტორმა ბატონმა შაშხა ნაღარაძემ)

ოთიშვი – ფერდობი, დავალება ხოჯიშ გინაჯირაისა და ნაქერუს ზემოთ, ჭითაწყარის გვერდით, ტაბაკონის კალთაზე; **ოტიშვი** – "სათივე" – სასაფლაო და მისი მიდამოები ევაბეშვიეს საზღვართან, ემოსიეში.

ონტყმე – მთისძირა დავალება წყალსადენის მარჯვენა მხარეს. ხეები ხარობს. **ორტვიშვი** / **ორტვიშვი** **წაბრი** – გუბე იაგეშის შემოგარენში, 500 მეტრის დაშორებით, ტაბაკონაზე. "ზოსტანი ყოფილა და ფხალი ეთესა ვიდაცას" (გადმ).

ოფუტუშვი – ფერდობის "წიფურიშ ძვას", სამხრეთ-აღმოსავლეთ კალთაზე, კეჭხეთან, მინჯის გვერდით.

ოქროპირიშ ნაშვი – მინდორი ინჩხის მარცხენა მხარეს. "ოქროპირ წოწორიას ადესა ჰქონია ხეებზე მიშეგებული".

ოყინაშვი/ოყინაში "საცივი" – დუბე პატარა ინჩხურის საზღვართან, ეწოწორეში, კეჭხესა და ოფუტურეს შორის. აქედან საურმე გზით აღოდნენ ზეინდში.

ოყურიაშ ბა – სერი დიდი ინჩხის მარჯვენა ნაპირას, ბობხურსა და დეგობაშ ნაეზუს შუა.

ოხვარხვამი – ფერდობი ხუტიალევს მარჯვენა ნაპირას.

ოხვარხვამიშვი – მინდორი სახნავით ოხვარხვამის ფერდობის ძირში.

პაპაწეშ – "მღვდლის წართ" – წყაროს წყალი ნაშენის ზემოთ, ოხვამეკარში.

პლატოშ ყონა/პლატოშ რიგა – საბალახო პასიანაში ნაყონის აღმოსავლეთით, 200 მეტრში. "პლატონ უნჯას ყანა".

პირვალი – შურო, რაც ორ ტოტად ჩამოყვება ტაბაკონას ფერდობს ხურუშდე.

რეპიაშვი/რეპიალი – დეღე; მოედინება ევლარკეში და მარჯვნიდან შეერთვის ინჩხისა. წყალი იცის ნაწვიმარზე, სხვა დროს დაშორალია. სათავეს იღებს ჭყონიგაზე.

როსტოშ ნაშვი – სახნავ-საბალახო მენჯის მახლობლად, პაწაწეშ კვეთით, ოხვამეკარში.

რუჭაპიშ დე – დეღე რუჭაპიშ, ოროდინეშთან.

საღმბიო შუა – კლდე-ლოდნარი შქერონის სამხრეთით და კინჩხის ჩრდილოეთით. ამ ადგილებს დეგობა ფლობდა, შემდეგ გაბეჩიებს შეუქმნიათ. გადმოცემით, ლოდინდან ქვის დაგორება დეგობას გვარისკაცის სიკვდილის მომასწავებელი იყო.

სამპლსიო – ტყე და საბალახო ტაბაკონაზე. მეჯოგეთა კარები დგას.

სამაღრიტიშ ბინაღეში – თვითმფრინავის ჩამოვარდნის ადგილი – წაბლნარი ტაბაკონაზე, ოთიშის კვეთით.

სანპირი – ქვის კარიერი ისკოდას გვერდით.

სარაშ ტობა – მორევი ინჩხისაზე. სარაკაცის სახელია. გვარად წოწოქია ყოფილა და მდინარის მახლობლად სახლობდა, თურმე.

სარაშ ნაპაროშ – მინდორი, თხმელნარი ჭყვეპეიაშ გარამის მახლობლად. "სარდი მოსიავას თხის ფერმა ჰქონდა კოლმეურნეობის დროს".

სახეითუროშ – საბალახო ტაბაკოლას მთისძირში, ხოჯგონჯირაის აღმოსავლეთით.

სიკოშ ვიდი – მინდორი, საბალახო ტაბაკონას მთისძირში, ეწოწორეში, ემოსიეში. სიკო ჭიჭაღუს უცხოვრია ამ ადგილას.

სიძღე – მშრალი დეღე, პირველი ბაღის საზღვართან და მისთან სახიარო, ტაბაკონას ფერდობზე.

ტურაშ ომანი – ტყე-ბუნქარიანი ფერდობი ვასიფონას კვეთით, დაახლოებით 100 მეტრში.

ტუტუშა – მინდორი ჭიჭე ინჩხის მარჯვენა ნაპირას.

ურარიაშ ბა – "ურარიას სერი" – დაბალი სერი ხუტიაშ დეგს მარცხენა ნაპირას.

ვარნაშ ნახორი – სახნავი ჭყონიგას ძირში, გუღუშ ნოხორთან. "ვარნა ვარნაშ ნახორი".

ვარშალიაში – მინდორი სახნავით ჭოდინას ჩრდილოეთ ნაწილში, ინჩხის მარცხენა ნაპირზე.

ვაძა – ტყე-ბუნქარიანი ფერდობი ხურუში. წყალსადენის ზემოთ.

ვაძაშვი – ნაკადული ეწოწორეში, ხურუსთან.

ვარსუშ მიწლო – მინდორი ეჭიჭაღუსა და ტუტუშას შორის.

ვიშ(ი)ნა – დასახლება ტაბაკონისძირში, აბაშის მარცხენა მხარეს.

ქუანაშური – ერქვა წიფლნარს ბორცვზე, ინჩხისა და ლალიშ შუა.

ქაწაში – ამოკიდული ქვა ნაქარუს ქვემოთ და ჭველონას ზემოთ. ქვაში სასმელად ვარგისი წყალი გროვდება.

ქაწაში – "ქვის ჯვარი" – მინდორი თვითმფრინავის ჩამოვარდნის ადგილის გვერდით, აბენაშ ნაკარუს ზემოთ, სადაც, ძველთაგანვე აღმართული ყოფილა ქვის ჯვარი.

ღაჯაშ ნახორი – "ღაჯავას ნახორი" – სახნავი პატარა ინჩხურის საზღვართან, ჭოდინაში. აქვე მოედინება "ღაჯაშ კარიშ დე".

მალო – ვიწრო გზა-გასასვლელი და ჭენჭეობიანი დავალება ბობხიურსა და დობერას შუა, ინჩხის მარჯვენა ნაპირას. გზა მიემართება ქუანაშურისაკენ.

მუნაღე/სარაღი დე – დეღე და შურო უნა დეგსა და დეგანტიას დეგს შუა. ჯა რე გლახა გითამაი დო თიშენ ჯოხო ქუგა დე.

შეროზაშ ნაფირე – საბალახო ვალიკოშ ნაცაღას ზემოთ.

შირეშის ნაპარო – ტყე-ბუნქარიანი დავალება მოთენას ფერდობზე, წყარამდე კვეთით, ევლარკეში. "გაჭედილ" შირიფი ჯანჯღავას აქ კარავი ჰქონია გამართული.

ნი ოღიანი – საყანე ვაკე ფერდობზე, კეჭხესა და მენჯს შორის.

ნიღე/ნიღელო/ნიღეალი დე – დეღე და შურო ტაბაკონას კალთაზე. ვედიდან ჩამოდის ხურუში.

ნიშონა/ნიშონა – მინდორი ნაჭვის გასწვრივ, ხარაზოუს მახლობლად.

ნუშალო/ნუშალო – დავალება სახნავებით აბაშის მარცხენა ნაპირას, ნოჩერიასთან, ლენხუმის სოფელ ჩხუტერიდან ჩამოსახლებული ჭიღლაძეებისთვის ტავად დეგებულებს აქ უბოძებია მაშელო.

ცეცხო – საბალახო ტაბაკონას სამხრეთ კალთაზე.

წიფურა – "წიფელის სერი" – მცირე სერი კაჭარაშ ნახანქას მახლობლად.

წოწორე – ფერდობი, სახნავი ზეინდს

ქვემოთ, ეწოწორეში, ხეივანის შემოგარენში.

ჰვიანა – ბუნქარი ხარტოში, ნაყონის გვერდით, ეწოწორე ზემოთ.

ჰითა დინა – ფერდობი აბენაშ ნაკარუს დასავლეთით, ნაფაცხას კვეთით

ჰითა(ნ)ტი – ტყე-ბუნქარიანი კლდე-ფერდობი ეწოწორეში, ფაქვას ზემოთ.

ჰიჭაღეში შარა – გზა, რომელიც ტაბაკონასკენ მიემართება.

ჰიჭაღა – "პატარა სერი" – სერი მანჯღაიასა და ხუტიალევს ხეობებში; დიდობას ნაწილი.

ჰიჭა ნიწლო – სახნავი დიდ ზეინდსა და წოწორეში შორის.

ჰოღინა – დასახლება ინჩხის მარცხენა ნაპირას.

ჰყინა – სერი ემოსიესა და ევლარკეს შუა, ლახაშ ტყაშ შემოგარენში, ბოინონას კვეთით.

ხარაზო – საბალახო ჩემონას მახლობლად, ნაჭვის შემოგარენში.

ხეიში – საყანე წოწორეში და ზეინდს შორის, ხურუში.

ხმირინტი – კლდე ეწოწორეში, კონჩხის აღმოსავლეთით, აქ ფაქვადან ადის გზა.

ხირე – ტყიანი ფერდობი ემოსიეში, ნაფაცხუს ზემოთ, ბოგორომის მახლობლად.

ხოჯიშ ბინაღე – "ხარის დასაწოლი" – ფერდობი ტაბაკონას ძირში, ოთიშის კვეთით.

ხურე – დავალება ისკოდას ზემოთ, ტაბაკოლას მთის ძირში, ინჩხის მარცხენა მხარეს.

ხურეშ ნამარა – იგივე ნამარა.

ჰაბარი – ერქვა ჯანჯღავას ხუტიალევს ნაპირას.

ჰვარი – ტყე-ბუნქარი გზისპირას, ნაფიცაში.

ჯოჯო ნახორი – "ჯოჯოს ნახორი" – მინდორი აფხაქშია, მენჯისა და ოფუტურეს შემოგარენში. "ჯოჯო ღაჯავას ნახორია".

იბორ კეპელია, ქუთაისის აკაკი წერეთლის სახელობის უნივერსიტეტის საქართველოს ისტორიის დეპარტამენტის დოქტორანტი

რას კარგები ვართ, ქართველები ვართ?

სათაურში გამოტანილი ეს სიტყვები ღამის ყველა ქართველისთვის ცხოვრებისეულ „კრედიტს“ წარმოადგენს. მაგრამ ოღესმე თუ დაფიქრებულვართ იმაზე, რომ ამ თითქოსდა ნაციონალისტურ სიტყვების იქით ჩვენი პატრიოტული ვერ „ქანავს“ და „ვერსებუნი“ იდეით აღტკინებული მხოლოდ რიტორიკას აყოლილ, უსახო ვერა ჩამოყვადებით, რომლებმაც ეროვნული ფასეულობების პატივისცემა და ტრადიციების ერთგულება დავივიწყეთ და სრულიად ახალ ჩვენს ეროვნულ ფასეულობებთან, ტრადიციებთან შეუთავსებელ პოტ-დოგების და კოკა-კოლას ცივილიზაციას დაუქვემდებარეთ ჩვენი სული და გონება. ამის გამოა, რომ არ გვადიხანებს ქალაქის ქუჩებში გამოფენილი „მომავალი თაობის“ მოურიდებელი ტანტრული სექსის აკრობატიკული იდეები; ამის გამოა, რომ არ ვიწვით სირცხვილისგან, როცა სახელმწიფო ბიუჯეტიდან გამოყოფილი თანხით ხელისუფლების მიერ ჩამოყვანილი უცხოელი „მეგავარსკვლავები“ სცენაზე „უხასაგებობან“ და ღამის საჯაროდ აუბატოებენ ქართველ „მანდილოსნებს“. ნუთუ ისე ვაქვს მისი მორალური უფლება სიამაყით გავიძახო დე: „რაც კარგები ვართ ქართველები ვართ“. თუმცა რომელ მორალზე და სიამაყეზე საუბარი, როცა ესოდენ საამაყო (შეიძლება ცოტა გაფეტიშებული) ქართველი კაცის ვაჟკაცური შეპართება და რაინდული სული, ქართველი ქალის ზნეობა და კდემამოსილება პომესქესულიზმმა, ლეგისლაციამ და პროსტიტუციამ დაჩრდილა.

მოსაფხვრელად არაფერი კეთდება. დემოკრატიული ბალანსი ქართველების საწინააღმდეგოდ იცვლება. მაგრამ გაცილებით უარეს დღეში აღმოჩნდებით, როცა სააკაშვილის რეჟიმის ახალი პროექტი, „სინგაპურიზაციის“ ახალი ნაირსახეობა კოდური სახელწოდებით „ბურები“ განხორციელდება.

როგორც ცნობილია ხელისუფლებამ გადაწყვიტა ბურების 40 ათასი ოჯახი საქართველოში ჩამოსახლოს და ქართველთა სისხლით მორწყული მიწა უსასყიდლოდ გადასცეს. პო, მართლა, ისინი (ბურები) მთიულეთის (დუშეთის რაიონის) ულამაზესი სოფლის ბურსაჭირის მაცხოვრებელთა წინაპრები არ გეგონოთ, ისინი პოლანდიელი ბურები არიან (ძველ-პოლანდიურად „ბურ“ ნიშნავს „გლესს“), რომლებიც საუკუნეების წინ კოლინიატორული პოლიტიკის შედეგად აღმოჩნდნენ სამხრეთ აფრიკაში. ხელისუფლება აცხადებს ბურებს სამხრეთ აფრიკაში ზუღსუბი ავიწროებენ და ჩვენ უნდა დავეხმარო – საქართველოში უსასყიდლოდ დავასახლოთ (თითქოს უსახლკაროდ დარჩენილი ჩვენი დეგნილების პრობლემები იყოს მოგვარებული. თუმცა რომელ პრობლემების მოგვარებაზეა საუბარი, როცა „ვარდოსნები“ ღამის „სამხედრო ინტერვენციას“ ახორციელებენ და იარაღის მუქარით ყრიან თავიანთი საცხოვრებელი ადგილებიდან დევნილებს). მაშინ როცა ხელისუფლებას ბურების გასაჭირი გულთან ახლოს მიუტანია და დახმარების ხელი გაუწვდია, არაფრად ავადებს ბურსაჭირის გასაჭირს, რომელიც მკვიდრი მოსახლეობისგან დაცულია. მთის შვილები საკუთარ მიწა-წყალს ტოვებენ, რომ შიმშილისგან არ დაიხიციონ და ლუკმა-პურის ფული სხვაგან იშოვონ. თუმცა ეს ჭირი, მარტო ბურსაჭირს არ სჭირს, მთელი საქართველო ამ დღეშია. ქართველებისგან იცლება საქართველო (უცხო ტომებთან დასახლებლად ქართველებისგან დაცული საქართველო საუკეთესო საშუალებაა): ზოგი მუშად, ზოგი მონა-მოსამსახურედ, ზოგი სასიკვდილოდ და

ზოგი მეძავად მიდის საზღვარგარეთ. ამაზე მეტი ბედის დაცინვა რაღა გინდა: თუკი ძველად თურქებს საოცნებოდ ჰქონდათ გადაქცეული ქართველი ქალის ხარჭად ყოლა, დღეს უშემოსავლოდ დარჩენილი ოჯახის გამოსაკვებად ქართველი ქალები თავიანთი ფეხით მიდიან მდიდარი თურქების აბრეშუმის ხეობებში წამოსაკოტრიალდებლად. ეს მიუღი ერის სირცხვილია თითოეულ ქართველს უნდა სტიკოდეს ეს ტკივილი.

ჩვენ ყველანი ვაღივებულნი ვართ გავაცნობიეროთ, რომ ჩვენი გადარჩენა ჩვენი ეროვნული ფასეულობების დაცვასა და შენარჩუნებაშია. ჩვენ ვიარსებებთ მანამ სანამ არ დავკარგავთ ეროვნულ სხეულს. დღეს ბევრი პრობლემაა და ამ პრობლემების მოუგვარებლობით გამოწვეულ შედეგებზე პასუხისმგებელი ჩვენ ვიქნებით ჩვენი დღევანდელი უმოქმედობის გამო. უნდა გვეცნოდეს, რომ ეროვნული პრობლემების მოუგვარებლობამ შეიძლება სახელმწიფოს და მლა-დაქვემდებარება გამოიწვიოს. დაქვემდებარებულ საქართველოს კი კარგი არაფერი მოუტანია ქართველი ერისთვის. მტკიცე ეროვნული ერთობის ჩამოყალიბება ძლიერი სახელმწიფოს წინაპირობაა. არჩ. ჯორჯაძე ამბობდა: „ერის წარმოქმნა სახელმწიფოს წარმოქმნას უკავშირდება, ხოლო სახელმწიფოს მოსაზრება ერის მოსაზრებას“-ო. ამიტომ გადაგვარების და გაქრობის საფრთხე მოდუნების უფლებას არ გვაძლევს. ჩვენდა სამწუხაროდ არასასურველი რეალობის წინაშე ვდგავართ: გლობალიზაციის პანდემიურ ქარიშხალს დასწვრივებული ეროვნული (სახელმწიფოებრივი) სხეული იმუნოტეტისგან დაცულია, საზოგადოება დაქვემდებარებული, ხოლო პირიქეობა დემორალიზებული. მაგრამ, ჩვენ, ქართველები ერთი სენი გვაჭირს – ზღვარსგადასული რომანტიზმი: კვიდელებზე წარსულს (საკითხავია ვიცით კი საერთოდ წარსული?), გავურბივართ დეგენდულობას,

ზურაბ ჯაბაშვილი

კიდეზ ერისაელ დედა-ზე 70-წლიანი გადმოსახედიანი

ეს წერილი შარშან გამოგეგეფე, წელს კი 70 წლისა გაეხდო და კვლავინდებურად მწვავე მონატრება მაწუხებს იმ ადამიანისა, რომელმაც შეიძინა ათეული წლის წინ მომავლინა ამ ცოდვილ წუთისოფელში.

დრო უღმობელია – უკვე მათე წელი მიილია, რაც ჩემს გვერდით აღარ არის დედანეში, მაგრამ, თითქოს გუშინ გამშორდა სამუდამოდ...

საოცარი სიცილიე დაჩემდა, რასაც ვერც გულშემატკივარი შეიძლება მივსებენ, ვერც გალაგანით მოჯარული შეილისშვილები, ვერც შეილისშვილისშვილი და ვერც!...

ვიდაც იტყვის – შე დალოცვილო, თუ შეიძლება გევაკ, შეილისშვილებიც და დიდ ბაბუობას თუ ელოდები და თანაც სამოცდაათ წელს ხარ გადაბიჯებული, რაღა დროს დღის ამგვარი სეველიანი მონატრებააო!

არაა ასე საქმე – თუ დედა და მამა არ გახსოვს, ვერც შენს იმ დანიშნულებასაც გაიხსენებ, რისთვისაც მოგაგლინეს ამ ცოდვილ დედაშიწაზე შენმა მშობლებმა. ჩემი და ჩემნაირი ადამიანების განცდა მიუწვდომელი იქნება იმ დეისაძეების, თუთურითების, პაიჭაძეების, რამიშვილების, თევზაძეებისა და სხვა უჯიშოებისათვის, რომლებიც სხვა გადაგვარებულთა საამებლად, ორმოცი ვერცხლის ფასად, მზად არიან ლაფში ამოთხვარონ საკუთარი დედები, საჯაროდ გაიციხონ ისინი და კახები და მქავეები უძახონ!

კიდევ კარგი, საწყალი დედანეში ვეღარ მოვსწრო ამ უჯიშოთა აღზევებას საქართველოში, თორემ სიბერის სიძაბუნე და მძიმე ავადმყოფობა კი არა, მათი თუნდაც ერთხელ მოსმენა მოუძებდა ბოლოს. XXI საუკუნე იმით შეიქნა გამორჩეული, რომ კაცობრიობის გამანადგურებელ ეიდემიად მოეცა დედაშიწას უამრავი ცოდვილი, რაც გაუსაძლისად ამძიმებს ჩვენს ისედაც მძიმე ყოფას. ჩვენ ხომ იმ თაობას ვეკუთვით, რომელთათვისაც მაღალი ზნეობა საწუკარი მცენება გახლდათ, რომელთათვისაც ქალი – ქალი იყო და კაცი – კაცი, დედა კი ამ არცერთ ამ კატეგორიას არ ეკუთვნოდა, იგი, უბრალოდ, იყო – დედა!

ჩვენი სიმაწვილისა ვერსად გაიგონებდი ბელწად წამოროშილ **“ჩემი დედა...”**-ს, რადგან ჩვენთვის დედა ღვთაება გახლდათ, განსაკუთრებით იმათთვის, ვისაც მამები დიდ სამამულო ომში დაგვეღუპა და ყოველწინად დედებზე ვიყავით მიხრილი.

მე და დედას მამის დაღუპვის ფურცელი არ მოგვეგვლია – **“უგზო-უკვლოდ დაიკარგაო”**, იუწყებოდა სამხედრო კომისარიატის მიერ გამოგზავნილი ბარათი. იმ დროს ყველამ კარგად იცოდა, თუ რა მოხდა ქერში, სადაც საბჭოთა სარდლობის დანაშაულებრივი ქმედებისა თუ უმეცრების მიზეზით რამდენიმე დღეში 170.000 ქართველი მეომარი მტრის ჭურვებისაგან დაიღუპა, ან ზღვაში ჩაიხრჩო. ისიც იცოდნენ, თუ რას ნიშნავდა ქერის ფორნტზე ჯარისკაცის **“უგზო-უკვლოდ”** დაკარგვა, მაგრამ მაინც არსებობდა ერთი მინაწერი, მაგრამ მაინც იმედი – იქნებ მართლა დაიკარგა და ოდესმე გამოჩნდება?

სწორედ ეს იმედი ასულდგმულბდათ სამამულო ომში წასულთა მომლოდინეებს. იქ კი, სადაც არის იმედი, ყოველთვის არის მორალური, სულიერი და ზნეობრივი სიმტკიცე, შეურყეველი მორალი, მომავალი თაობისადმი სიყვარული და რწმენა...

დედა მამანემს ელოდა არა როგორც ოდაბედან შორს გადახვეწილ და მოუსაყლოთში ჩაჩეხილ ადამიანს, არამედ როგორც ოჯახის უფროსს, რომელიც დღითი სამსახურში გავიდა ოჯახიდან და საღამოს უჭკველად უნდა დაბრუნდეს სახლში. ამიტომ, ერთხელ, თბილისში, ვერის უბანში გაზრდილ 12 წლის ბიჭს გამოვიცხადა: **“ჩემი სიტყვილი იქნება, მამაშენი რომ დაბრუნდება და შეიტყობს – მეგრული არ იცია, ამიტომ, ყველა საზაფხულო არდადეგებს სამეგრელოში გაატარებო”**.

ასე ვისწავლე მეგრული! შეიძლება ციდან ვარსკვლავებს არ ვწყვეტ და ენათმეცნიერებაზე პრეტენზიას ვერ განვახდებ, მაგრამ, იმდენი მეგრული მაინც ვიცი, რომ სხვების საუბრის არსი გავიგო, რაც თბილისში დაბადებული და გაზრდილი ადამიანისათვის მთლად ურიგო საქმე არ უნდა იყოს! სწორედ ეს გახლავდა, ჩემი მხრიდან, მშობლების ხსოვნისადმი ღრმა პატივისცემა!

აი, ასეთ ატმოსფეროში ვიზრდებოდი ჩვენ, ხოლო გვზრდიდნენ არა გაქსუბულ მშობელთა მიერ დაქირავებული უცხო გადიები, არამედ საკუთარი დედები, რომლებიც დედულად თავაუღებლად შრომობდნენ, რათა ჩვენთვის არაფერი მოეკლათ და მამით უგებლობა არ გვერწმობინებინათ.

ამიტომაც გამოირჩევა ჩემი თაობის წარმომადგენელთა აბსოლუტური უმეტესობა

ზნეობრივი და მორალური მდგრადობით, წინაპართა წარუშლელი ხსოვნისადმი ღრმა პატივისცემით, ქართული ეროვნული ტრადიციებისადმი ღრმად ფანტიკური ერთგულებით...

უფრო ღამაში და სანუკარი არაფერი მეგულვდა დედაშიწის ზურგზე!

სწორედ ეს უკარგავს მოსვენებას ქართველთადაა მტერს, სწორედ ამიტომ მოგვაკეთვან არაქართველმა ხელისუფალმა **“ნასარგებო”** კატეგორიას...

ახლანდელმა ხელისუფლებამ კი უპირველესად მომავლის იმედი მოუსპო საზოგადოებას, რათა იგი ჯერ გაეთითოკაცებინა, შემდეგ კი ზაფხულის მზის გულზე დაგდებულვი პლასტკლინიით მოქნილი და იოლად დასამორჩილებელი გაეხადა. ვისი გახრწნაც მოაწრეს, ისინიც საკმარისი არიან საიმისოდ, რომ ქვეყანას სამუდამოდ მოუსპონ მომავალი. ჩვენნაირი ხალხი ამ ხელისუფლებას არ სჭირდება, მათ მხოლოდ საკუთარი დედის მაგინებელი და კახად ამდიარებელი დეისაძეები სჭირდებათ, მაგრამ ისიც ფაქტია, რომ ამგვარი არაკაცების დედაშიწის ზურგზე მოვლინება იმ დედების ბრალია, რომელთაც საკუთარი პირმშოს ერთ მიფერებას გარეგარე წაწვადი და ღამის კლუბებში გავის ქვევა ურჩევნიათ.

ყველა ნორმალური შვილი იმაზე ნანობს, რომ თუნდაც ასი წლის ასაკს მიღწეული დედა სიკვდილისაგან ვერ იხსნა, რათა კიდევ რამდენიმე დღით მაინც ჰყოლოდა გვერდით. ეს უჯიშობი კი საკუთარ დედას დღეში რამდენჯერმე ჰქალავდა. სიკვდილზე მტერი საჯაროდ არ არის დედისთვის, შვილი რომ საჯაროდ კახად და მეძავედ გამოაცხადებს! როგორც ამბობენ: ვაშლი ვაშლის ხიდან შორს არ ეცემა! ავადსახსენებელი ერეკლე დეისაძე (არა და, როგორი კაცის სახელს არცხევენ ეს მართლა გადაგვარებული), რომელსაც აღვირახსნილ პროპაგანდას უწევდნენ ტელეარხები **“რუსთავი-2”**, **“იმედი”** და სინიშორების მსახური სხვა საშუალებები, ზუსტად იმ ხის ქვეშ ჩამოვარდა, რასაც მისი მშობლები, ნათესაობა და სამეზობლო ჰქვია და, დათა თუთაშხიასი არ იყოს, მათზე უკეთესი რატომ უნდა გამოსულიყო ნეტა?!

რას ვერნით იმ დეისაძეს, რომელმაც თავის უბადრუკ ნაწარმოებში მისხვე უბადრუკი მშობლებისა და ნათესაების ორგიული **“წადსვლები”** აღწერა? ასე ეძმის კაცს სამეაროს გადმოახილი და მართლა შუა საუკუნეებში ხომ არ ვცხოვრობდა, ანაირ უბადრუკ დეისაძეებს თავიანთი ნაჯღაბები შემოეუღლათ ვარშემო, ცეცხლი წაუკუთხდით და **“აუტოდაფე”** მოუწყვით?

მას საკუთარი ბაღდაში და არაკაცობა მოუღებეს ბოლოს, თუ მანამდე სხვა ნორმალური ადამიანები არ გაიხარჯნენ! მე და ჩემს თანატოლებს კი ის გვადარდებს, რომ, რაც უფრო მეტ სინიშორებსა და არაკაცობას ვაწვდებით, მით უფრო გვერცხველი საკუთარი დედების ხსოვნისა და მძიმე დანაშაულს ვგრძობთ მის წინაშე, რომ ადრევე არ გავუჭკელიტეთ თავი იმ გარეწარს, რომელიც თავისი ბინიური კალმით, ფაქტურად, ყველა დედას აყენებს დიდ შეუცნობურებას.

მაგრამ, ალბათ მალე ყველა პატიოსანი ქართველი ადამიანი აისრულებს გულსწავილს და სათანადო პასუხს გასცემს ქართული სულიერების შემბდალავ არაკაცებს... ახლა ნუგეზად ისღა დამჩნა, რომ დედის საფლავზე მოხალეულ ბაღასს ვებრძოლო და ძირიანად ამოვთხარო ხოლმე. მაგრამ, მაინც ამოდის!

ამოდის ბაღასი და თითქოს მეუბნება: რას მერნი შე დალოცვილო, მე ხომ იმ მკერდის ანაორთქლით ვარ ნასაზრდოები, შენ რომ თითობისას გაკვებავდაო.

ალბათ მართალიცაა, მაგრამ მაინც ვებრძვი იმ ბაღასს, რომლის ფეხებზეც არარაობად უნდა აქციონ ჩემთვის უსაყვარლესი ადამიანის სხეული.

სული კი მუდამ ჩვენთან დარჩება, რადგან სწორედ მშობელი დედის მიერ შობიერილი სული გახლავთ ჩვენი მორალისა და ზნეობის ქვეკუთხედი.

მართლაც რომ საცოდავია ის, ვინც ეს არ იცის!

ბოლოსიტყვაობა – 1941 წელს, თბილისში, ვერაზე, პეტრიაშვილის ქუჩაზე დავიბადე და გავიზარდე. მამანემმა – **შაპვა ჯალაღონიანი** 1939 წელს დაამთავრა თბილისის სახელმწიფო უნივერსიტეტის ისტორიის ფაკულტეტი, 1941 წელს დაიცვა საკანდიდატო დისერტაცია, მაგრამ ვიდრე მოსკოვში საკაშიორ საატესტაციო კომისია მეცნიერებათა კანდიდატის წოდებას დაუმტკიცებდა (რაც, როგორც მეცნიერ, მას ავტომატურად აძლევდა ჯავშანს), დიდი სამამულო ომი

დაიწყო. მამა წავიდა ომში და... უგზო-უკვლოდ დაიკარგა.

უფროსების გადმოცემით ვიცი – ისეთი მეღვარი ადამიანი იყო, ჯავშანი რომ ჰქონოდა, მაინც მოხალისედ წავიდოდა ფრონტზე!

14 ოჯახი ეცხოვრობოდა პეტრიაშვილის ოცდაცამეტ ნომერში მეღვარე ეზოში. ეს იყო თითხმეტი მეგობარი ოჯახი, რადგან უერთმანეთოდ ისედაც გაგვიჭირდებოდა თავის გატანა როგორც ომის, ასე ომისშემდეგ იმ მძიმე წლებში. ერთ ოჯახს ქვასანაყო ჰქონდა, მეორეს – ნაოქურა, მესამეს – დიდი ქვაბი და ა.შ. ერთი ოჯახი რომ წასულიყო სადმე სტუმრად და კარი დაეკეტა, ნახევარზე მეტი ხალხი უსადილოდ დარჩებოდა, ამიტომ, არცერთი მეზობლის სახლის კარი, არასოდეს, გასაღებით არ იკეტებოდა...

სადილობის შემდეგ მთელი სამეზობლო ეზოს მიეფინებოდა ხოლმე – თამაშობდნენ ნარდს, შაშს, ჭადრაკს, დომინოს, **“დურაკას”**...

უბანს ეთნიკური აზერბაიჯანელი ფოსტალიონი სულიყო ემსახურებოდა, ინვალიდი, მარჯვენა ხელი მაჯაში ჰქონდა წაკეული. მისი ოჯახი ყარაიხში ცხოვრობდა, ახლა რომ გარდაბნად იწოდება. თურმე ბავშუობაში ჩიტის ბუდეს წაქონა კვერცხების ამოსაღებად, რომელშიც შხამიანი გველი ყოფილა მოკალათებული და თითზე უკბინა. იმ დროს რაიონებში სასწრაფო სამედიცინო დახმარება არ მოქმედებდა და ვიდრე გიურხასაგან დაგესლილ ბავშვს ქალაქში ჩამოიყვანდნენ, ალბათ დაიღუპებოდა. მამამისმა სხვა გამოსავალი რომ ვერ ნახა, წამიერად მაჯასთან მოკვეთა ხელი ნაჯახით და ბავშვის სიცოცხლე გადაარჩინა. ამის შემდეგ სულიყო ფოსტალიონი იყო ჩვენი უბნის გამხარებელიცა და დამამწუხრებელიც. ხან მოლოცვის ბარათს მოგვიტანდა, ხან კი...

– ომის დროს კინაღად თავი დავანებე სამსახურს, – მითხრა ერთხელ სულიკომ, – ვინმეს დაღუპვის ცნობას რომ ოჯახში მივიტანდი, ისე შემომატრებდნენ, თითქოს ბრალი მიმიძლოდა აღმასივით ბიჭების დაღუპვაში. ახლა კი, შედარებით მშვიდად ვმუშაობ.

სულიკო ისეთი რულენებით ინახავდა ხოლმე სიკვდილის ბარათების საიდუმლოს, როგორც მღვდელი ინახავს აღსარების საიდუმლოს.

– მეც სწორად შემეგვია სიკვდილის მაწუქებელი ბარათები ცეცხლში! ელოდოს ჭირისუფალი სიკვდილამდე თავისი საყვარელი ადამიანის ომდენ დაბრუნებას, რომელიც უგზო-უკვლოდ დაკარგულად მიჩნია. ძე-სორციელი ხომ იმდელი სულდამულობისა...

ჩვენს მეზობლად მექვაბიშვილების ოჯახი ცხოვრობდა. ოჯახის უფროსი იყო მცოფანი დედა – მუდამ თაღლით მოხილი ფედოსი მექვაბიშვილი, რომელსაც ქალ-ვაჟი ჰყავდა. მესამე შვილიც ჰყოლია – ალი მექვაბიშვილი, მაგრამ დიდ სამამულო ომში დაკარგულა უგზო-უკვლოდ. ახლა ეს მიხუცი ქალი ომში წასული შვილის მოლოდინით სულდამულობდა, თვალი მუდამ კარისაკენ ვტირა.

– შავები ქმრის დაღუპვის შემდეგ აღარ გამოხდია, თორემ სხვა მხრივ რა მაქვს თაღლითი სასიარულო, ჩემი ალი მალე დამიბრუნდება და მაშინვე გავიხიდი თაღსს, ბავშვს ასე შავებით მოხილი ხომ არ შეეგებებო! – გვიხიდა ბავშვებს და ყველანი ვგრძობდით, რომ ამ სიტყვებით საკუთარ თავს უფრო აზხვევებდა.

წლები წლებს მისდევდა, მაგრამ ომში უგზო-უკვლოდ დაკარგული შაღვა ჯალაღონია და ალი მექვაბიშვილი არსად ჩანდნენ. დაბერდა ფედოსი მექვაბიშვილი, ძველებური სიმარდით ვეღარ ადიოდა კბეებზე, მალე საერთოდ ჩავარდა ლოკინად და ერთ დღეს იმდენად ცუდად შეიქმნა, რომ სასწრაფო დახმარების ექიმებმა ხელი ჩაიქნიეს – ორიოდ საათი თუ იცოცხლებს, დამდნარია ასაკმოძალეული ქალი.

რა იცოდნენ იმ ექიმებმა, რომ ამ კაფანდარა ქალს ასაკზე მეტად ის დარდი ჰქონდა მოძალეული, რომელსაც საკუთარ თავსაც კი არ უმხვდლა.

დიდი ამაგი ჰქონდა სულგანათლებულ ფედოსის ჩვენს მამადაკარგულ ოჯახზე და თავი მოვაკუნე ნათვალე, რომ სიკვდილის სარეცელთან დაგმდგარიყავი. ერთიანად მიფერფლიდი იყო, თვალზე ცრემლი უბრწყინავდა, ოდნავ შესამჩნევად სუნთქავდა, თვალს გაახიდა, ოთახს მხერა მოავლო და ჩანაეღული ხმით თქვა:

– ყველანი გარეთ გადიო, როლანდისთან დამტოვეთ მარტო.

როცა ორნი დავრჩით, ხმის კანკალით მითხრა:

– ბალიშის ქვეშ ბარათი დევს, შიგ მამაშენის დაღუპვის ცნობაა, არ მიწოდდა დედაშენისთვის გული მომეკლა და სულიყო ფოსტალიონის საიდუმლოდ გამოგართვი. მას მერე ვინახავდი. ახლა, არ მიწადა ეს დარდი საფლავში წავიღო... – ამოიკვნესა და თავისთვის ჩაილაპარაკა: – ნეტავი ჩემი ალი

მანახა ერთი წუთით...

ღრმა სიბერემდე იცოცხლა დედანემმა, მაგრამ არასოდეს მიგრძობინებია, რომ მე უკვე აღარ ველოდებოდი მამანემს. დედა 2001-ში გარდაიცვალა და საფლავში ჩავატანე მამანემის დაღუპვის ცნობა. ისეთი განცდა დამეუფლა, თითქოს ორივე მშობელს ერთდროულად ვასაფლავებდი...

რამდენიმე დღის შემდეგ დედას ძველ პორტფელში შენახული ქაღალდების გადათვალეერება მომინდა, რომელსაც იგი რულენებით უკვლიდა. მამანემის წერილები იყო, ახლობელთა ბარათები, ძველი ყავლეგასული ობლიგაციები და რაღაც რუსულენოვანი ტექსტები შევსებული ბარათი. მეცნო ეს ბარათი – ზუსტად ისეთი იყო, ფედოსი დედამ რომ მომცა, მამანემის დაღუპვის უწყება.

“საბჭოთა არმიის სერჟანტი ალექსანდრე მექვაბიშვილი 1942 წელს გმირულად დაიღუპა სევესტოპოლის მისადგომებთან”, იუწყებოდა სამხედრო კომისარიატი. ახლა მივხვდი, რატომ გვიმალავდა დედანემი საგულდაგულოდ ამ პორტფელს ფედოსის გარდაცვალების შემდეგაც კი. დედანემამაც ააცილა ფედოსი მექვაბიშვილს უმრწემესი შვილის ტრაგიკული დაღუპვით გამოწვეული სიმწარე და პირმშოს მომლოდინე იმედიან ადამიანად გაისტუმრა ამ წუთისოფლიდან.

ორივენი გულწრფელი და უადრესად წესიერი ადამიანები იყვნენ, სიცოცხლეში არასდროს უთქვამთ სიცრუე. მხოლოდ ერთხელ იკადრეს, რომ ჭეშმარიტება დამალათ ერთმანეთისათვის, მაგრამ რამხელა ჰუმანურობით იყო გამსჭვალული მათი ეს სიცრუე!

მეორე დღეს ბარათი ავიღე, ფედოსი დედას საფლავთან მივედი, თავითი სანთელი დაუწითე, შეწუხებისათვის ბოდიში მოვუხადე, თითებში მიწა ამოვინჩქნე და შვილის დაღუპვის ცნობა მეგრძე დავაპარხე.

ნეტავი თუ იგრძნობდა რამეს?

ალბათ იგრძნობდა, რადგან იმ ბარათის სახით მას ხომ დიდი ხნის ნანინანატრი შვილი დაუბრუნდა!

ამიტომ, გაუფრთხილდით დედებს, ვიდრე ჯერ კიდევ თუნდაც მათი სუნთქვა გათბობთ!

როლანდ ჯალაღონია, “ფაზისის” აკადემიის წევრი

P.S. ჯერ კიდევ სკოლის მოსწავლე ვიყავი, როცა ტრაგედიის მოწმე გაეხდი. გმირთა მოედანზე შუახნის ქალს სატიერთო მანქანა საშინელი სისწრაფით დაეჭკა და შორს მოიხროლა. შოკში ჩავარდნილი წაქცეული ქალი გონს რამდენიმე წამით მოვიდა და, ვიდრე სიკვდილისწინა ავონია გათანგავდა, პირველი, რაც მოიმოქმედა, ის იყო, რომ კაბა გაისწორა, უხერხულად ხომ არ გამოვიყურებო. რამდენიმე წამში გული გაუჩერდა...

ასეთი დედები გვყავდა!

ჩემი ნახე

დედაშენი რვა ნომერ კენტს აბოლებს, ჩემი ნენე ჭადზე ასვამს ჯვარებს...
დედაშენი შარვლით ტაძარს ამღორებს, ჩემი ნენე ჩადრში მალავს ხატებს...
დედაშენი „მერსედესით“ დადის და, ჩემი ნენე მიუძღვება გუთანს...
დედაშენს „ჟადორეს“ სუნი ასდის და ჩემი ნენე ბაღასის სუნს სუნთქავს...
თქვენთან როცა რიყრაჟია, მამინ ჩვენთან უკვე სულის ორთქლი დგანა, ბილბორდები გიშრიალებთ ქარში, ჩვენს სოფელში იბურბლებს ყანა...
დედაშენის ვარცხნილობა „კარგა“, ჩემი ნენე წელზე იშლის დალაღს...
ლენაქიდან მხოლოდ თვალებს აჩენს, დედაშენი მხოლოდ თვალებს მალავს...
ჩემი ნენე წარსულიდან ხეწემის, დედაშენი ვეროჰულად ოხრავს...
თქვენთან ახლა მოღაშია სექსი, ჩვენთან ბავშვი კვლავ წეროებს მოწყავთ...
დედაშენი ეშმაკის გზას იბედებს, ჩემი ნენე სამოთხის გზას გაშლის...
დედაშენი თორმეტ აბორტს იკეთებს, ჩვენ კი უკვე თორმეტნი ვართ სახლში...
ვიფიქრობ ასე, ვსლუკუნებ და მტკიავ, სურვილები განცდებს ვეღარ მართავს...
დედაშენი – ქართველ ქალის სახეა, ჩემ ნენეს კი ეძახიან თათარს (?)...
რომე აბუსედიმ, აჭარა

“ვალდოსფილი აღმსარებელი ამბროსი”



(იბეჭედა „ილოხის“ 133 ნომრიდან)

საპატრიარქოს კათოლიკოს-პატრიარქის, უფიქსისა და უნიტარქის ამბროსის ცხოვრება და მოღვაწეობა.

პუბლიკაცია ხორციელდება საქართველოს საპატრიარქოს ჭყონდიდის ეპარქიის მთავარეპისკოპოსის მეფუფე პეტრეს თანადგომით. მიძღვნილი პატრიარქ ამბროსის დაბადების 150 წლისთავისადმი.

„1995 წლის 18-19 სექტემბერს სვეტიცხოვლის საპატრიარქოს ტაძარში შედგა საქართველოს მართლმადიდებელი ეკლესიის გაფართოებული საეკლესიო კრება, რომელიც გახსნა უფინდესმა და უნეტარესმა ილია II-მ. პატრიარქმა კრების მონაწილეებს ამცნო საქართველოს მართლმადიდებელი ეკლესიის წმინდა სინოდის ისტორიული გადაწყვეტილება ერისა და ეკლესიის წინაშე დამსახურებისათვის უწყვიდესი და უნეტარესი ამბროსი შერაცხილ იქნა წმინდანთა დასში „ამბროსი ალმსარებელი“ სახელით და მისი ხსენების დღედ დაწესდა 16 (29) მარტი“.

აკადემიის რექტორი მუდამ ცდილობდა პროფესორ-მასწავლებლებთან და სტუდენტებთან ახლო ურთიერთობას. თავს არიდებდა კონფლიქტებს. დასჯის სანაცვლოდ მიმართავდა შერიგებას, რითაც აღწევდა მიზანს. ყველა ამწვევდა მის გამორჩეულ ხრუნვას წესრიგისათვის. როცა ვინმეს სურდა განსხვავებული აზრის გამოთქმა, არ ზღუდავდა და თავადვე დებულობდა მასში მონაწილეობას...

1897 წლის ნოემბერი იყო, გვამცნობს მწერალ ი. ვართაგავა, რომ სასწავლებელში ჟანდარმერიის შეფი ხვისტოვი და მისი თანამხლები პირები მოვიდნენ. მათ აკადემიის რექტორს განუცხადეს, რომ სასწავლოდ უნდა მოეწყოთ თქვენი დაწესებულების ჩხრეკა. ცნობა მაქვს აკადემიის სტუდენტები აკრძალულ ლიტერატურას აგროვებენ და ინახავენ. რექტორმა მოახერხა რომ ჩხრეკას მასიური ხასიათი არ მიეღო. როცა ჟანდარმერია წავიდა, მერე დაიბარა თანაშემწე და მისი მეშვეობით შეხვდა იმ სტუდენტს ჯგუფს, რომლებიც მალავენ „ბიბლიოთეკას“ და მათ დაავალა წიგნები მის ბინაში გადაეტანათ. ხოლო ადგილზე დაეტოვებინათ ის გახეთქილი და წიგნები, რომელთა კითხვა დიდ საშიშროებას არ წარმოადგენდა.

ამის გამო სტუდენტებში ამბობდნენ, გაუგებარია პროფესორი ასე რად იქცევაო. მან საჯაროდ გახსნა კითხვას პასუხი:

„მე ვხელმძღვანელობ უბრალო მოსახრებით, დარწმუნებული ვარ, რომ მხოლოდ არალეგალურ ლიტერატურას არ შეუძლია გახადოს ადამიანი რევოლუციონერი, მეფისა და ეკლესიის მტერი და მოძულე. ამისთვის საჭიროა მთელი კომპლექსი სხვა ფაქტორებისა: წრე, ეკონომიკური მდგომარეობა, ფსიქიური, ავადმყოფური აგზნება და აფექტი... მე ვიცი, რომ არალეგალური ლიტერატურით სარგებლობდნენ სასწავლებელში. აკადემია ხომ უმაღლესი სასწავლებელია, სტუდენტები ფართო საზოგადოებრივი და პედაგოგიური მოღვაწეობისთვის ემზადებიან. რა აზრი აქვს უკვე მოწიფული ადამიანს აუკრძალო ნებადართული წიგნის კითხვა, სულ სხვა აზრი საშუალო სასწავლებელი, მართლაც ყოველად დაუშვებელია არალეგალური ბიბლიოთეკის არსებობა. მე რექტორი სასულიერო სემინარიისა, არავითარ შემთხვევაში არ მოვიქცეოდი ისე, როგორც ვიქცევი აქ, აკადემიაში“.

ამით სარგებლობდნენ სტუდენტები. მათ შორის ქართველები. ბესარიონი მომხრე იყო „დემოკრატიული“ უფლებების, ეცნობოდა რუსულ და ქართულ პრესას. ცხადია, დიდ და მრავალწლოვან რუსეთში ერთგვაროვანი არ იყო პოლიტიკური შეხედულებები. სამღვდლოების ნაწილი აქტიურად თუ არა, უნებლიედ მონაწილეობდა მონარქიის მიერ გამოწვეულ ქაოსში.

ბესარიონის ოთახში ხშირად იკრიბებოდნენ ქართველი და არაქართველი სტუდენტები. მისი ცხოვრებისეული გამოცდილება, სასულიერო მოღვაწეობა და ნიჭიერება შერწყმული სიღარიბაისლესთან, უქმნიდა გარკვეულ ავტორიტეტს.

1989 წლის იანვრის დასაწყისში, ნინოების ბრწყინვალე დღის მოახლოებასთან დაკავშირებით ბესარიონმა, სთხოვა მესამე კურსის სტუდენტს ექვთიმე კაჭახიძეს, რომ სასულიერო აკადემიის ეკლესიაში ქართულად გადაეხადათ ნინოების წიგნი.

ექვთიმეს ბევრი არ უფიქრია. რადგან ეს იყო პირველი და სასიამოვნო შემთხვევა, როცა ურალში ქართველები ჩაატარებდნენ ნინოების წიგნს.

რუსი და ქართველი სტუდენტების ჯგუფმა მოამზადეს საგალობლები.

14 იანვარი კახანში დიდოთვლობით აღინიშნა.

თორავდ გადაკენტილი ხეები, სახლები, ბუჩქები კოპიაობდნენ.

ჯერ მკაცრი ყინვები არ დაეჭირა, თუმცა სიცივე თხუთმეტ გრადუსს მიუახლოვდა, რის გამოც კავკასიელები ფრთხილობდნენ.

რუსული ზამთარი, თეთრი ფარჩით მორთულ უმშვენიერეს ფერადოვნებას ქმნის. ცოცხრობა, გუნდობა, სიბრძნე, ცხენშემოქმედება „სანაკები“ – ალაღებს სულსა და ამაღლებს განწყობილებას.

დილით, სტუდენტები და პროფესორ-მასწავლებლები, აკადემიის ეკლესიაში მოვიდნენ.

ქართველ სტუდენტებს შინაგანი დეღვა არ ეტყობოდათ, თუმცა განცდის გარეშე შეუძლებელი იყო წივივს დაწყება... იქნებ ბესარიონის სიმშვიდე გადავადოთ.

ნინოს ხატი დაასვენეს ანალოდიაზე. დიაკვანმა ექვთიმე მიმართა მღვდელს – **გვაკურთხენ მეუფო!**

მღვდელი – **კურთხეულ არს მეუფება, მამისა, და ძისა და წმიდისა სულისა, აწ და მარადის უკუნითი უკუნისამდე ამინ!** გუნდმა დაიგუგუნა – **ამინ!**

დიაკვანი – **მშვიდობით, სულისა მიმართ ვილოცო!**

გუნდი – **უფალო შეგვიწყალებ!**

დიაკვანი – **ზეგარდმო, მშვიდობისა და ცხოვრებისათვის, სულთა ჩვენისა, უფლისა მიმართ ვილოცო!**

გუნდი – **უფალო შეგვიწყალებ!**

პირველი კვერქის წაკითხვის შემდეგ გუნდმა პირველი ანტიფონი შეასრულა და ასე გაგრძელდა სამჯერ.

ცხრა ნეტარება შეასრულა გუნდმა. სასუფეველსა შენისა მომიხსენენ ჩვენ უფალო, ოდეს მოხვიდე სუფევეთა შენითა, ნეტარ იყვენ გლახაკნი სულითა და რამეთუ მათი არს სასუფეველი ცათა...

მღვდელი და დიაკვანი გავიდნენ ჩრდილოეთის კარიდან და აღსავლის კარიბჭესთან შეჩერდნენ.

მღვდელი აღმოსავლეთისაკენ პირით დადგა და გამოსახა ჯვარი.

გუნდმა თქვა: **ალილუია, ალილუია, ალილუია.**

შემდეგ მდგაითნემ წაიკითხა წმინდა ნინოს ტროპარ-კონდაკი.

ასამაღლებელი თქვა მღვდელმა.

გუნდმა იგალობა: **წმინდაო დემეტრო.** მდგაითნემ წაიკითხა სამოციქულო.

დიაკვანმა სახარება...

მამა ბესარიონის ინიციატივით მოხდა სასიამოვნო მოვლენა.

ამ ფაქტის გამო ცნობები გამოქვეყნდა რუსულ და ქართულ პრესაში. აი, რას ამცნობდა საზოგადოებას გაზეთი „ივერია“:

„1898 წლის 14 იანვარს, ნინოების დღეს, ყაზანის სასულიერო აკადემიის ეკლესიაში ქართულად გადახდილი იქნა წიგნი. წიგნი I კურსის სტუდენტმა ბესარიონ ხელაიამ,

III კურსის მთავარდიაკვანმა (ეროზაში ექვთიმე კაჭახიძე) თანამსახურებით.

“წიგნაზე გალობდნენ ტფილისი სემინარიის მოსწავლეებლად ნამყოფი ქართველი და რუსი სტუდენტები და რამოდენიმე საგალობელი ქართულის კილოთი იგალობეს. ამ ამბის გამო რუსული გაზეთი აღნიშნავს, განსხვავებასა და ღირსებას ქართულად წაკითხული სახარებისა, სამოციქულოსა და ნათქვამ ასამაღლებლებისა და კვერქებისა. წიგნს დაესწრნენ პროფესორები, აუარბელი სტუდენტობა და მათი ყოველად უმაღლესობა, აკადემიის რექტორი.“

გაზეთი „იმპრია“ 1898 წელი.

როცა საქართველოში მეტნაკლებად იზღუდებოდა ქართულ ენაზე წიგნალოცვა, რუსეთში მისი შესრულება სითამამეზე მეტი იყო.

ამიტომაც სიხარულს ვერ ფარავდნენ ქართველი სტუდენტები რუსეთში: **„... ვინც ბესარიონს ახლოს იცნობდა, – წერს ი. ვართაგავა, – დარწმუნდებოდა, რომ ის უსათუოდ ნიჭიერი, განათლებული, უადრესად პატიოსანი, კეთილი, სათნო უერთგულესი ამხანაგი და ადამიანი იყო... აღმოჩნდა, რომ არამც თუ ჩვენზე ნაკლებ უმეტესად ყოფილა ეროვნული და საზოგადოებრივი საკითხებით დაინტერესებული, ისიც გაფაცოცებით თვალყურს ადევნებდა სამშობლოში წარმოშობად პოლიტიკურ ლიტერატურულ-კულტურულ ბრძოლის მსვლელობას. ჩვენი ისტორიის პირველი წყაროებზე მუშაობდა და დაემაზადებინა რამოდენიმე ისტორიული თუ სხვა სასიათის ნარკვევი. რუსი სტუდენტებიც მალე დარწმუნდნენ, რომ ბესარიონი იყო დიდად მომზადებული და განათლებული პიროვნება; ორ სასულიერო თხზულებაში მან მკაცრ პროფესორთა უადრესად საპატიო შეფასება მიიღო“.**

ზემით უკვე ვწერდი, რომ ჯერ კიდევ, როცა ბესარიონი სოხუმში მღვდელმსახურებას ეწეოდა, ქართულ გაზეთებში გამოჩნდა დაპირისპირება თერგდალეულთა და მომდევნო თაობას შორის, ილია, აკაკი, ნიკო ნიკოლაძე, რომლებიც გაზეთ „ივერიაში“ ირგვლივ შეიკრიბნენ და ერის გამოღვიძების, ახალი ქართული ენის დამკვიდრებისა და სხვა უამრავი სასიკეთო საქმიანობის თაოსნები იყვნენ დაუპირისპირდა გაზეთ „იველი“ ნოე ჟორდანიას მეთაურობით. „იველი“ ილიას ბრად სდებდა ბოლო ჟამს მოღუწებას, დაძაბუნებას და ბევრ ქების გამო დაბნევას.

„მაგრამ რა ვქნათ შენც კაცი ხარ, სიჭაბუკის ცეცხლი ქრება, ამ ბოლო დროს დაგვიბერდი, ხორცი ხარობს, სული დნება.“

ამგვარი სიტყვებით მიმართავდნენ აკაკის, ნიკოს, იაკობს, თუმცა განსაკუთრებული სიმწვავეთ ნაკვერჩხლებს აყრიდნენ ილიას შემოქმედებას. განიხილავდნენ მის ყველა ნაწარმოებებს და უბრალო შეცდომებსა და მხატვრულ სისუსტეებს უსვამდნენ ხაზს.

შენიშნები ბევრი იწერებოდა, რომლებსაც „ივერიაში“ მესვეურები პასუხობდნენ, მაგრამ საზოგადოება მუდამ „ახალს ელის, არსებულზე განსხვავებულს. მას მუდამ უნდებოდა სიახლისადმი მიდრეკილება და აი, შესანიშნავი მწერლის ეგნატე ნინოშვილის გურიაში დასაფლავების დღეს, მის კუბოს შემოეკრიბნენ მესამე დასელები“, ის თაობა, რომელიც ის, ის იყო ასპარეზზე გამოდიოდა. მათ გვერდით დადგნენ გიორგი წერეთელი, ნოე ჟორდანი და სხვები.

ბესარიონი სამოციანელთა მომხრე იყო და მათი დეაწლის შეუფასებლობას სიბეცედ თვლიდა.

როცა ყაზანში სასწავლებლად ჩამოვიდა თაობათა დაპირისპირების თემა სტუდენტების ერთ ნაწილში აქტიური იყო, ერთ-მანეთს ეპატივებოდა იპოლიტე ვართაგავა, როგორც „ივერიაში“ მომხრე და სერგო გორგაძე, მესამე დასელები თავეამოდებული მოტრფიალე.

რადგან სტუდენტები ბესარიონის ოთახებში ხშირად იკრიბებოდნენ, მათი

კამათი და აზრთა ჭიდილი იქ ხდებოდა.

– მე არ ვამტკიცებ, რომ ილიას შეცდომა არ აქვს – ამბობდა ვართაგავა – რომ იგი რომის პაპად მიმანია, მაგრამ მისი დეაწლი დიდია და მას ახლად გამოღვიძებული ახალგაზრდები ჯეროვნად ვერ აფასებენ. სახეატრელებში სერგო გორგაძე გაზეთ „იველი“ მარჯვენა ხელში აფრიალებდა და იძახდა:

– იყო ილია, მე გეუბნებით, რომ იყო. უკვე ამოწურა შესაძლებლობები და ახლა გაკოტრებული ინტელიგენცია.

– ცდები. რა აუგს ილაზე და თერგდალეულებზე ამბობდნენ ცილისწამება. ეტყობა „იველი“ მოღვაწეთ, წინასწარ განძრახვით სურთ ტალახი ესროლონ ღირსეულთ. რადგან საქათველოში ასე იყო და არის... კორტინან, ჯიჯგინან ნიჭიერთ – საკუთარ მოსაზრებას იცავდა ვართაგავა

– ვერ ვამჩნევ, რომ „ივერიაში“ მოღვაწეობამ შედეგი მოიტანოს, მათს დროშაზე ერთი და იგივე დევიზია წარწეილი, პატრიარქალური კარნაკეცილობა, ახალი ფორმის ბატონ-ყმობის აღდგენება, მისი დამკვიდრება. მათ მიმართულებას ლიტერატურაში უნდა ეწოდოს „რეაქცია“... გნებავთ დომხალი. ისინი ტახტზე წამოწოლილი ლუარსაბს ჰგვანან, რომლის გარშემო დარეჯანგბია შემოკრებილი.

მთელი მონდომებით და ხელების ქნევით ამბობდა გორგაძე.

იპოლიტე ვართაგავა სკამიდან წამოფრინდებოდა, ვეღარ მოითმენდა და პირდაპირ ამბობდა:

– ნოე ჟორდანიასა და გიორგი წერეთლის აზრები გარედან ანათებენ უცხო სიტყვებ-ტერმინებით, მაგრამ არ ათბობს, ბრწყინავს, მაგრამ არა ოქროს ბრწყინვალეებით.

ასეთ დროს ბესარიონი მუდამ დინჯი და აუნქარბელი ხმით ჩაერეოდა თურმე.

– მიანია, რომ წარსულის უარყოფა და მოღვაწეობის დაუფასებლობა მართალი არ არის. ჯერ ჩვენ არ ვიცით, რასა იქმს ახლად გამორჩეული ახალი დასი. დემეტროს, ვითხოვ ერის სასარგებლოდ ეღვაწოს. თუმცა „ივერია“ რეალურ ნიადაგზე დგას. სრულიად გასაგებ აზრებს გვაწვდის და ილუზიებს არ აყვება...

...სტუდენტთა პაექრობას თითქმის ერთიდაიგივე აზრები ახლდა მუდამ.

1899 წლის 24 იანვარს გაზეთ „ივერიაში“ გამოქვეყნდა იპოლიტე ვართაგავას წერილი სათაურით „ბაზრობა“ კვალისტიკის რისიანობა – ამპარტყანობა – ფანატიკურობა“ სადაც ავტორი წერდა „ენის დაცვა, თავისუბური კულტურა და ლიტერატურაა „იმისთვის“, ანუ ცარიელი სიტყვებია. ჩვენი ენა ეს არის, რომელიც ბაზარში მეფობს? ამბობენ ისინი. მე მეთხველო აქ კარიკატურას არ გწერ. ეს სიტყვები თვითონ მისიანია თქვენმა უმორჩილესმა მონამ ერთ-ერთი ვაჟბატონისაგან“.

ვართაგავა „ერთ-ერთ ვაჟბატონში“ სერგო გორგაძეს გულსხმობდა. ამ გამოქვეყნებულმა წერილმა კიდევ უფრო დაძაბა ურთიერთობა სერგოსა და იპოლიტეს შორის.

ბესარიონი შეეცადა მათ შერიგებას, რომ ადამიანური ატმოსფერო შეენარჩუნებინათ. აზრთა სხვადასხვაობის გამო მტრად კი არ მოკიდებოდნენ ერთმანეთს, არამედ ჯანსაღი ურთიერთდამოკიდებული არ დაერღვიათ.

ახალგაზრდები ერთმანეთს დაემდურნენ, რასაც მოჰყვა იპოლიტე ვართაგავას უფრო ვრცელი წერილის გამოქვეყნება „ივერიაში“.

თურმე ბესარიონმა წერილის შინაარსი მოუწონა, თუმცა მკაცრი ტონის შესუსტება ურჩია მომავლისათვის, რომ „მეორე მხარის“ გაღიზიანება კი არ გამოეწვია, არამედ ჩაფიქრება მოვლენებისადმი.

ამრიგად, დამრიგებლური ქცევით, უფროსი მეგობრის პოზიციებიდან რჩევებს ამბროსი სხვებისთვის არ იშურებდა. თავად კი წერდა მწვავე წერილებს და ნარკვევებს.

ბორის ღვთისაია
(გაგრძელება შემდეგ ნომერში)

რას ახყვით თქვენ არს და მომავალ თაობას

(გაგრძელება მე-2 გვერდიდან)
 დღევანდელ საქართველოში გამეფებულმა მძიმე პოლიტიკურმა, სოციალურმა და ეკონომიკურმა პირობებმა განსაზღვრა ის, რომ ასევე ათასობით ადამიანი ლუკმაპურის საძებრად გადახვეწილია საკუთარი სამშობლოდან. ასეთი უბედურება ქართველ არასოდეს დასტვდომია თავს ჩვენი სახელმწიფოებრიობის მრავალსაუკუნოვანი ისტორიის მანძილზე.
 დღეს ეროვნულობის ცნებამ დაკარგა თავისი მნიშვნელობა. მავანთათვის იგი საქილიკო გახდა და ძველმოდური აზროვნების ნიშნად ითვლება. ახლა, ვიღას ახსოვს მშობლიური? ბავშვებს ლამის ინგლისურად ავადგმევიანოთ ენა!
 განათლება და სულიერი აღორძინება უნდა დაიწყოს დღე-ღამით, მშობლიური კულტურით, ქართული სულიერებით, ჩვენი მართლმადიდებლობით; ამ გზით უნდა განათდეს ქართველის გონება და კვლავ გამოჩნდეს გზა, რომელსაც ქრისტეს გზა ეწოდება.
 საქართველოდან შორს, საბერძნეთში, ათონის წმინდა მთაზე, ივერთა მონასტრის ბერები ძველად წირვისას იმეორებდნენ იმ საგალობელს, რომელსაც ჩვილ იესოს ყოვლადწმინდა ღვთისმშობელი უგალობდა.

ბერძენი მაგალობელი ურთავდა მისამღერს ყველა სათვის გაუგებარი სიტყვებით, რომელთა შორის უმთავრესი იყო **“ნენანა”**. მათი სწავლებით **“ნენანა”** იგალობება მოსახსენებლად ღვთისმშობლისა, რომელიც ამ **“ნენანას”** უგალობდა აკვანთარ თავის ღვთაებრივ ყრმას. ამ, ჩვენთვის ზეაღმატებულად სასიხარულო ამბავს აღწერს არქიმანდრიტი პორფილი, მოგზაურობისას ათონის მთაზე **“პირველი მოგზაურობა ათონის მონასტრებსა და სიკტებში”**, ნაწილი პირველი, გვ.71). **“ნენანას”** მხოლოდ ქართულ სამყაროში უმღერის დედა თავის ჩვილს, ამიტომაც, ეს სიტყვები უცნაურია სხვათა სმენისათვის, მაგრამ უცხოელ ბერებს ის დაუცავთ, რაც თავისთავად მიუთითებს ისრაელისა მის ჩრდილოეთით მცხოვრებ ხალხებს შორის მჭიდრო კულტურული კავშირების შესახებ. ისრაელის ჩრდილოეთით მოქცეული ქვეყნები – კაპადოკია, პონტო, კოლხეთი და ივერთა – ქართულ სამყაროს წარმოადგენდა, დასახლებული იყო ქართულად მოსაუბრე ტომებით (მთავარეპისკოპოსი ანანია ჯაფარიძე, **“შობა, ჯვარცმა, აღდგომა და ამბღლება უფლისა და მაცხოვრისა ჩვენისა იესო ქრისტესი”**, 1995 წელი, გვ. 3).
 დღეს ჩვენი დედა-სამშობლო მასონებმა

აქციეს ლაბორატორიად, ყველაფრის ცდა მიმდინარეობს ჩვენში, ასე გააფთრებულად გვებრძვიან იმიტომ, რომ კოლხეთი – საქართველო არის კაცობრიობის ცივილიზაციის აკვანი, მისი სათავე, ღვთისმშობლის წილხვედრი ქვეყანა...
 დადგა დრო, როცა ყოველმა ქართველმა უნდა აღიაროს და სიტყვით და საქმით დაამტკიცოს, რომ საქართველოში ამჟამად გაბატონებული რეჟიმი არის არაკანონიერი და ანტიქრისტიანულ-ანტიეროვნული. რომ მისი საქმიანობა ძირეულად ეწინააღმდეგება ქართველი ერის სასიცოცხლო ინტერესებს და დიდ საფრთხეს უქმნის საქართველოს მომავალს.
 ოფიციალური მონაცემებით, ჩვენი საუკუნის დასაწყისში ყოველ 1.000 ქართველზე 40 ახალშობილი მოდიოდა. დღეს ეს რიცხვი 10-11-ია. სიცოცხლის ხანგრძლივობამაც იკლო. გარდა ამისა, აფხაზეთში, სამეგრელოში, სამხაბლოში, ოფიციალური მონაცემებით, ათი ათასობით ადამიანი დაღუპული.
 ერის წინაშე პასუხი უნდა ავოს ეღუარდ შევარდნაძემ და მისმა მემკვიდრემ მიხეილ სააკაშვილმა, რომლებმაც სეპარატისტებთან ერთად სისხლის წვიმების ტორად და დაუმარხავე ცხედრების საწყობად აქცია

ცხუმ-აფხაზეთი, სამეგრელო და სამხაბლო, რომლებმაც საომარ ავანტიურაში ჩათრულ ადგილობრივ მოსახლეობას, თვალში ნაცარშეყრილ და შეგინებულ **“საკუთარ ხალხს”** გაუსხვისა ისტორიული სამშობლო – მთელი ჩრდილო-დასავლეთ საქართველო და სამხაბლო, რომლებმაც ქვეყნის გაუპატიურება **“სახელმწიფო პოლიტიკად”** აქციეს, რომლებმაც გადაგვარების გზას გაუყენეს მთელი ქართველი ერი.
 მართლაც, ვაი, თქვენ, ქართველო მეცნიერებო, ქართველო ინტელიგენციო, პარტიებო, საზოგადოებო! – ასე რამ დაგაჩანაკათ, გადაგავართ, რომ ქვეყანა თვალწინ უღმობლად იძირება, შევლას ითხოვს და თქვენ კი ასე გულდამშვიდებით უყურებთ მას?! მჯერა, რომ არ არის შორს ის დრო, როცა ყველას და ყველაფერს თავისი სახელი დაერქმევა. მჯერა, რომ როცა გამოიდარებს, შავი დრუბელიც გადაიწმინდება, ისევე აკიაფდება ცის კაბადონზე ელვარე ვარსკვლავები და მაშინ რას ეტყვი თქვენს ერს და მომავალ თაობას?..
ზურაბ ბობოხია-შელია,
 ხელოვნებათმცოდნე,
 დევნილი აფხაზეთიდან

ბათუმისათვის

რა შურთ ჩვენი? რომ სამშობლოს სხვას არავის ვედავებით, რომ სხვა ერთა აზარტ ჩონგურს ერთ ტკბილ სიმაღ ჩვენც ავებით, რომ ვუსინჯავთ ყველა ერსა ხმას, სახის ფერს, კბილს თუ კილოს...
 და ამიტომ საქართველო განა უნდა გაიკილოს? დღეს ჩვენს ირგვლივ ბნელმა ძალამ დარაზმა და დაამზადა –
 ყველა ჯურის მოღალატე, ვერაგი და არამზადა. ყველა-მეთქი! ვისაც გულში არ უღვივის წმინდა გრძნობა, ვინც საკუთარ ტვინის ბოგირს ვერასოდეს დაეყრდნობა –
 და უნდათ, რომ საქართველო – ეს პატარა ნატვრის თვალი –
 კვლავ გახადონ სხვისი მონა მორჩილი და შენამკრთალი.
 არასოდეს! ვიდრე ზეცა არ შეწყვეტავს მზის ჩანჩქერებს, ვიდრე მტკვარი თავის ბუტბუტს არ მოსაობს და შეაჩერებს,
 ვიდრე ერთი ქართველიც კი სამშობლოსთვის ასე ზრუნავს,
 არ მოკვდება საქართველო, მაინც ბრუნავს... მაინც ბრუნავს...
 საქართველო კეთილია, უწყინარი, ჩუმი, წრფელი, – მაგრამ თუ მის აზიზ სულში აფათურეს ბილწი ხელი... საქართველოს ყველა უყვარს, იგი ყველას შეიხიზნებს, – მაგრამ თუკი გველაძუებს ჩვენ შევატყობთ გველურ მიზნებს:
 ავზავთდებით ისე რისხვით, ისე მწვავედ, ღრმად, საგრძნობლად,
 რომ მტერს ერთ კაცს არ დაუჯერებთ მათი ამბის მოსათხრობლად,
 არ იცით, რომ იალბუზი შემოსილი ყინვის ღოდით, საიდანაც ცეცხლის ხორბლებს ჩვენ არასდროს მოველოდით,
 დღეს აზვავდა, დღეს ცეცხლს ისერის, დღეს ყინული დნება... ქრება...
 და ყველაფერს, რაც ხელს უშლის, გადალექავს, ემუქრება! ჩვენც აგრე ვართ! ჩვენს ზღვა გულში ჩუმი ცეცხლი ბუდობს ჯერე,
 მაგრამ თუ კი გაგვახელეს? მაშინ მტერო, დაგვიჯერეთ, რომ დავანთებთ ცეცხლის კოცონს, გაგაჩაღებთ ცეცხლის რკალებს
 და შიგ ჩავწვავთ ყველა ერის პოლიტიკურ მაჭანკალებს. დე, იცოდნენ სხვის სამშობლოს ჩვენ არასდროს შეეხებოდა და ჩვენსასაც არ დაგუთმობთ, რომ გაპქელონ ტლანქ ფეხებით!

იოსებ ბრიშაშვილი,
1919 წელი.

ლექსი მოგვაწოდა ბატონმა ზურაბ ძობალიამ

„საქართველოში პროფკავშირები სერიოზული პრესინგის ქვეშაა!“

პოლონური „სოლიდარნოსტის“ დელეგაცია, რომელიც საქართველოს გაერთიანებული პროფკავშირების მხარდასაჭერად ჩამოვიდა, ქუთაისის მეტალურგიულ ქარხანა „ჭერკულესს“ ეწვია და მომხდარს დეტალურად გაეცნო. დელეგაცია ხელისუფლების მიერ პროფკავშირის წევრების დაპატიმრებას და ქვეყნის შრომით კოდექსს უარყოფითად აფასებს.
 ამასთან დაკავშირებით პოლონური „სოლიდარნოსტის“ ხელმძღვანელმა პიოტრ დუდამ გაერთიანებული პროფკავშირების თავმჯდომარე ირაკლი პეტრიაშვილთან ერთად პროფკავშირების ოფისში ერთობლივი პრესკონფერენცია გამართა.
 კონფერენციის ფარგლებში პიოტრ დუდამ ქუთაისში ვიზიტის შედეგები შეაფასა და დამსწრე საზოგადოებას სამომავლო გეგმები გააცნო, რასაც პოლონეთი საქართველოში დემოკრატიის განვითარებისა და პროფკავშირების გაძლიერებისთვის გეგმავს.
 „ყველაზე ცუდი, რაც აღმოვაჩინეთ შრომის კოდექსში, ეს არის ლიბერალური კანონი, რომელიც სუსტია და ის, პირველ რიგში, დასაქმებულ ადამიანებს შეეხება. სამწუხაროდ, ამ კანონის თანახმად, საქართველოში დამსაქმებელს მეტი უფლება აქვს, ვიდრე დასაქმებულს, მათი უფლებები არ არის თანასწორი და ეს არის ყველაზე დიდი პრობლემა თქვენს შრომის კოდექსში. ქუთაისში მოხდა იმ ადამიანების დაკავება, რომლებიც იყვნენ პროფესიული გაერთიანების წევრები. ყველაზე მნიშვნელოვანი ის არის, რომ ამ გაერთიანების წევრებს პრობლემები არ უნდა ექმნებოდეთ. ჩვენი შეფასებით, საქართველოში პროფკავშირები სერიოზული წნეხის ქვეშ მუშაობენ. ჩვენ დავინახეთ, რომ საქართველოში პროფკავშირებს არ აღიქვამენ პარტნიორებად, პირიქით, ისინი ხელისუფლების მიერ მტრებად მიიჩნევიან. სინამდვილეში, პროფკავშირები მუშაობენ ხალხის კეთილდღეობისთვის და მათი კარგი მუშაობა სახელმწიფოს ინტერესებში უნდა შედიოდეს“, – განაცხადა პიოტრ დუდამ.
 „სოლიდარნოსტის“ ხელმძღვანელმა გაერთიანებულ პროფკავშირებს სოლიდარობის ნიშნად უმაღლესი ჯილდო – ვერცხლის მედალი გადასცა, რომელიც თავისუფლების სიმბოლოს განსახიხერებს.
 „სოლიდარნოსტი“ არის მკაცრი სტანდარტების მქონე ორგანიზაცია და მის მიერ გაერთიანებული პროფკავშირებისთვის გადმოცემული უმაღლესი ჯილდო იმაზე მეტყველებს, თუ როგორ არის აღქმული და შეფასებული საქართველოს პროფკავშირები პოლონური მხრიდან.
 „მნიშვნელოვანია, რომ პოლონეთი ევროკავშირის თავმჯდომარე ქვეყანაა. საქართველოსა და პოლონურ „სოლიდარნოსტს“ შორის კი ურთიერთთანამშრომლობის მემორანდუმი არსებობს, რაც იმის შესაძლებლობას გვაძლევს, რომ კიდევ უფრო განვითარდეთ“, – განაცხადა ირაკლი პეტრიაშვილმა.
 როგორც პიოტრ დუდამ აღნიშნა, არ შეიძლება ქვეყანამ ილაპარაკოს დემოკრატიასა და განვითარებაზე მაშინ, როცა პროფკავშირები ზეწოლას განიცდის. მსგავსი გზა წლების წინათ პოლონეთშიც გაიარა და ახლა დროა, იგივე გზა თანადგომით საქართველომაც გაიაროს.
 პიოტრ დუდა საქართველოს ხელისუფლების წარმომადგენლებს შეხვდა და საკუთარი შეფასებები და რეკომენდაციები გააცნო. პოლონური მხარე ხელისუფლებას საზოგადოებასთან ურთიერთობისა და დიპლომატიის მოწოდებას.
 მკითხველს შევახსენებთ, რომ „სოლიდარნოსტი“ პოლონური პროფკავშირების გაერთიანებაა, რომელიც ლეგ ვალენსამ დააარსა და რომლის აქტიური წევრი და თავმჯდომარის მოადგილე პოლონეთის ყოფილი პრეზიდენტი ლეხ კაჩინსკი იყო. ორგანიზაცია 31 წელია, წარმატებით მუშაობს საზოგადოების ინტერესების დასაცავად და დღეისთვის 100-მდე ორგანიზაციას აერთიანებს.

„საქინფორმი“

ილია ილიაძე: დიდგორის ომი ჯერ არ დამთავრებულა



სრულიად საქართველოს კათოლიკოს-პატრიარქმა, მცხეთა-თბილისის მთავარეპისკოპოსმა, ბიჭვინთისა და ცხუმ-აფხაზეთის მიტროპოლიტმა, უწმიდესმა და უნეტარესმა ილია მეორემ წმიდა სამების სახელობის საკათედრო ტაძარში წირვის ადგილის შემდეგ მრევლს მიმართა. საკვირაო ქადაგებისას უწმიდესმა აღნიშნა, რომ „დიდგორის ომი ჯერ არ დამთავრებულა და არც დამთავრდება, სანამ დედამიწა და საქართველო იარსებებს“.
 „ჩვენ იმით ვამაყობთ, რომ დიდგორი მოვიგეთ. მინდა, გთხროთ, რომ ეს ომი დამთავრებული არ არის. ყოველდღე ომია მსოფლიოში. დიდგორის ომი ჯერ არ დამთავრებულა და არც დამთავრდება, სანამ დედამიწა და საქართველო იარსებებს, ამიტომ ჩვენ მხოლოდ დღევანდელ დღეზე არ უნდა ვიფიქროთ. მთავარი არაა, რა ვჭამოთ, რა ვსვავთ, როგორ გავერთოთ, ამიტომ ასეთ თემას გაძლევთ: მინდა, რომ თქვენ ძალიან ღრმად გააანალიზოთ, როგორ წარმოგიდგენიათ საქართველო ხვალ, ემუქრება თუ არა საშიშროება, თუ მშვიდობიანი ცხოვრება იქნება“, – ბრძანა ილია მეორემ.
 პატრიარქის თქმით, „დრო სამი კომპონენტისგან შედგება. წარსული უკვე წაივია, გერაფერს შეცვლით. აწმყო კი ისეთი სწრაფია, რომ ნათქვამი სიტყვაც უკვე წარსულია. მთავარი მომავალია. ერთი წინადადებაა, რომელზეც ყველა ქართველი ფიქრობს, ეს არის საქართველო ხვალ, ანუ როგორ წარმოგიდგენია ხვალ საქართველო“.
 „ჩვენზე დიდი ერები იყვნენ და პირისაგან მიწისა აღივანენ. ჩვენ წარსული უნდა გაგაანალიზოთ. სასწავლებლებში აუცილებლად ანალიტიკური აზროვნება უნდა შემოვიდეს, თორემ მრავალ შეცდომას დაგუშვებთ“, – ბრძანა პატრიარქმა და მრევლს „შეგვი დაშვებული შეცდომების განალიზებისკენ“ მოუწოდა.

საქინფორმი

ინგლისურის მასწავლებლების მსგავსად, სურვილს მასწავლებლებს ჩაეპოვიანოთ?!



„ადამიანს, რომელსაც ამქვეყნად არაერთი ათეული წელიწადი უცხოურია, ადრე თუ გვიან, გაუნდობა სურვილი, გადახედოს განვლილ გზას... მესხიერება ყოველთვის წარმოაჩენს გამორჩეულ სახელებს, ვისთანაც აკავშირდება მეგობრობა, გარკვეული მოვლენები ან საერთო საქმენი. ჩემთვის ასეთი ადამიანი ვოცა გოიაშვილია, ჩემი მეგობარი, რომელსაც ნახევარ საუკუნეზე მეტია, ვიცნობ.“

ეს არის ციტატა ნიკოლოზ შაშინის – ცნობილი იურისტის, ყოფილი წყალბურთელის წერილიდან, რომელიც შეტანილია ვლადიმერ გოიაშვილის წიგნში „უკუბრუნდები“ „ლაგუნა ვერემდე“. ჯერ კიდევ საღებავმწებრობის წიგნი ეს-ესაა გამოვიდა შპს „ფავორიტ პრინტის“ სტამბიდან.

ვლადიმერ გოიაშვილი თბილისის საცურაო სპორტულ კომპლექსს „ლაგუნა ვერეს“ ოცდაათ წელიწადზე მეტია, უდგას სათავეში და, ცხადია, ბევრიც აქვს სათქმელი საქართველოში საწყლოსნო სპორტის ისტორიაზე თუ დღევანდელ პრობლემებზე.

„ყველა სტადია გავიარე, ყველაფერი გამოცდაზე და, მგონი, ჩემი მოკრძალებული წვლილიც შევიტანე საწყლოსნო სპორტის განვითარებასა და წინსვლაში, ყოველ შემთხვევაში, ჩამორჩეულნი გადავარჩინე“, – განაცხადა საქინფორმთან საუბარში ბატონმა ვლადიმერ გოიაშვილმა.

მაგრამ თვითმკაფიოფილებს არ მისცემია და დღესაც თავგამოდებით ცდილობს სპორტის ამ სახეობებში არსებული პრობლემების გადაწყვეტას.

„მთავარი მანც ცურვაა, – ამბობს იგი, – რომელიც მძლეოსნობასა და ტანვარჯიშთან ერთად ოლიმპიური თამაშების ფუნდამენტური სახეობაა.“

– საქართველოში 20 ათასზე მეტი მდინარე, ტბა, ბუნებრივი და ხელოვნური წყალსატევია. შეიძლება ითქვას, რომ საქართველო წყალზე დღას. ბუნება გვიკარნახებს, რომ ჩვენს ქვეყანაში ცურვას ყველა უნდა დაეუფლოს. ეს არა მარტო სპორტის პრობლემაა, არამედ მოქალაქეთა, უწინარეს ყოვლისა, ახალგაზრდობის ყოფითი აუცილებლობაა. ახალს არაფერს ვამბობ, როცა დაჟინებით ვიმეორებ, რომ ცურვის ცოდნა ადამიანს დაეხმარება ურთულეს მომენტებში, რაც წყლის სტიქიამ შეიძლება შექმნას, თვითონაც გადარჩება და სხვასაც გადაარჩენს. ჩემს წიგნში, რომელიც ახლახან გამოიცა, ვისხვებ, რომ 12 წლის განმავლობაში „ლაგუნა ვერეზე“ მეტ-ნაკლები სისტემატურებით ოჯახთან ერთად დადიოდა საქართველოს დღევანდელი პრეზიდენტი. ესე იგი, მას კარგად ესმის, რომ ცურვა ნორმალური ცხოვრების აუცილებელი შემადგენელია. მაგრამ ჩემთვის გაუგებარია, რომ მისი მმართველობის პერიოდში ცურვის პოპულარიზაციას ჯეროვანი ყურადღება არ ექცევა.

ორი-სამი აუზის საჩვენებელი გახსნა საერთო სურათს არ ცვლის.

– არის კი საქართველოში მწვრთნელების ის რაოდენობა, რომელიც უზრუნველყოფს ცურვის მასობრივად შესწავლას?

– ვინ ასწავლის ცურვას, ეს ცალკე პრობლემაა.

დაახლოებით 3 წლის წინათ შემოდის ჩემთან ახალგაზრდა კაცი, კოსტუმში

ლამაზად გამოწყობილი, პალტოებით, ერთი სიტყვით, კარგად აღვიწესე მომუშავე მეწვერი. მეუბნება – ამა და ამ სასტუმროდან ვარო და მიხსნის, რომ სასტუმროში აქვთ პატარა აუზი და მოხოვს, მიეცე რჩევა მისი ექსპლუატაციის უკეთ გასაწვეად.

ვეკითხები:
– ცურვა იცი?
– ცოტა ვიცი.

– თქვენი აუზი მარტო სტუმრებისთვის იქნება განკუთვნილი, თუ ქუჩიდანაც შეიძლება შემოვიდეს კაცი?

– ეს ჯერ არ გადაწყვეტილია ხელმძღვანელობას, მაგრამ უკვე ჩავატარეთ კონკურსი და სამი ლამაზი გოგო, რომლებმაც იციან ინგლისური, შევარჩიეთ და დავასაქმებთ ამ აუზზე.

– ბოდიში, იმ გოგოებმა იციან ცურვა?
– არ ვიცი.

ესე იგი, თურმე ინგლისურის ცოდნა საქმარის ყოფილა აუზზე მუშაობისთვის. ცურვა იცი თუ არა, არავის აინტერესებს.

– შეილო, – ვუბნები, – წადი აქედან. წიკპზე ხარ უბედურებასთან! რის ლამაზი გოგოები, რის ინგლისურის ცოდნა! იციან, როგორ უნდა მიხედონ ადამიანს, წყალში თუ ცუდად გახდა, რით უშველონ? ფაქტებით არის დადასტურებული, ადამიანი მუხლამდე წყალშიც რომ დამხრჩვალა.

გაცივინა.
ძალიან ამეშალა ნერვები, მაგრამ თავი შევიკავე და წყნარად გაუშვი.

ინგლისურის მასწავლებლების მსგავსად, ცურვის მასწავლებლებიც ჩამოვიყვანოთ?! სპორტის აკადემია აღარ არსებობს. ტექნიკური იყო, სადაც საშუალო დონის სპეციალისტებს ამზადებდნენ, ისიც აღარ არის. მწვრთნელების სკოლა ეკვონდა, სადაც მწვრთნელ-პედაგოგებს ამზადებდნენ კონკრეტული მიმართულებით. ისიც მოშალეს.

ყოფი დრო, როცა მშობლები დიდის 6 საათზე მოდიოდნენ, რათა 9 საათზე, სალაროების გახსნისთვის, როგორც პირველი ყოფილიყვნენ და შეიღებისთვის ეყიდათ აბონემენტები.

პაატა ბურჭულაძე, ჩვენი სახელოვანი მომღერალი, მაშამ მოიყვანა. მისი მწვრთნელი იყო ჯონდო მაჭარაშვილი. ჩვენი ბრწყინვალე მუსიკოსი, პიანისტი ლექსო თორაძე დედამ მოიყვანა, ქალბატონმა ლიანა ასათიანმა.

ბურთით მრგვალი ბაგაშები იყვნენ და, ხომ ხედავთ, მსოფლიო მნიშვნელობის რა დიდ ადამიანებად, უბადლო ხელოვნებად ჩამოყალიბდნენ.

აი, ესაა „ლაგუნა ვერე“!
– ახლა არ მოჰყავთ ბაგაშები?

– მოჰყავთ, როგორ არა, მაგრამ აშკარაა, რომ ეკონომიკური პრობლემები მასობრიობაზე მნიშვნელოვნად მოქმედებს.

– საქართველო, ბატონო ვლადიმერ, ყოველთვის აღიარებული იყო წყალბურთის ქვეყნად...

– იყო. ეს ტრადიცია, სამწუხაროდ, დაკარგეთ. წყალბურთი „ლაგუნამდე“ საკმაოდ სახელმწიფოეტი იყო. სხვა თუ არაფერი, საბჭოთა კავშირის ხალხთა ოთხ სპარტაკიადაზე ჩვენი ნაკრები მესამე საპრიზო ადგილს არ ჩამოსცილებია. ამაში განსაკუთრებული წვლილი სახელოვან მწვრთნელ როსტომ ჩანავას მიუძღოდა. არ უნდა დავივიწყოთ მოსკოველი მწვრთნელის – აბრამ გილდის, დიდი ღვაწლიც. ბაგაშებთან მუშაობდა შესანიშნავი მწვრთნელი ვლადიმერ ბარნაბიშვილი.

დღეს რა ხდება? ჩამოჰყავთ წყალბურთის ოსტატები უცხო ქვეყნებიდან, უხდიან დიდ თანხას, რათა დაიცვან ქართული სპორტის ღირსება. ჩემთვის ეს აბსოლუტურად მიუღებელია!

წყალბურთელთა ყველა თაობა პატრიოტიზმით იყო გამსჭვალული, თავი პქონდათ გადადებულნი. წყალბურთი ჭეშმარიტად ქართული იყო და წარმატებებიც საქართველოსთვის მოჰქონდა. ახლა ვიდაც გადავითქვამთ უნდა იბრძოლოს საქართველოს სახელისთვის?! ვერავინ დამარწმუნებს, რომ ლეგიონერები ისეთივე შემართებით გამოვლენ საასპარეზოდ, რო-

გორც ჩვენი გუნდები გამოდიოდნენ. ფულით ნაყიდი წარმატება ისეთივე ფუჭი და უგემურია, როგორც ჭიანი ვაშლი, რომელიც ღებება და სხვა ჯანსაღ ნაყოფსაც გადასდებს თავის სიღამკლეს.

არადა, საქართველოში იყო და არის მიღრეკილება წყალბურთისადმი. იმ კატაკლიზმებმა, რომლებმაც ბოლო პერიოდში სერიოზული გავლენა იქონია ადამიანების შეხედულებებსა და ღირებულებებზე, ეს მიღრეკილება ვერ დააქინა. პირიქით. რამდენი შემთხვევა მქონია, როცა ჩემთან მოსულან მშობლები და განუცხადებიათ: შემჭამა ჩემმა ბიჭმა (შვილმა, შვილიშვილმა), წყალბურთზე მატარეო! ვუბნები, რომ ბაგაშმა ჯერ უნდა ისწავლოს კარგი ცურვა. საქმეში ხარ? წყალბურთი უნდა, მორნა და გათავდა!

საქართველოს წყალბურთის ისტორიაში იყო ერთი წელიწადი, როცა საკავშირო პირველობის უმაღლეს ლიგაში საქართველოს ორიგუნდი თამაშობდა – „დინამო“ და „ქარიშხალი“. ამ საქმეში მნიშვნელოვანი იყო ვლადიმერ გოიაშვილის წვლილი. სამწუხაროდ, ისწავლიდა გამოწვლინად დარჩა. რატომ ვერ შეეძლოთ ამის შენარჩუნება? ამ შეკითხვას ვლადიმერ გოიაშვილი ასე უპასუხებს:

– პირობების შექმნა და კადრები – მწვრთნელებისა და სპორტსმენების დაოსტატება. ეს არის, ჩემის აზრით, ის უმთავრესი ორი კომპონენტი, რაც წყალბურთში წარმატების მიღწევისთვისაა აუცილებელი. ვგულისხმობ, უწინარეს ყოვლისა, ეროვნულ კადრებს, ხოლო საწვრთნელი პირობები პროფესიონალებთან კონსულტაციით უნდა შეიქმნას და არავითარ შემთხვევაში – დილექტანტების კარნახითა და მითითებით.

საქართველო წყალბურთში მოდის დამდები იყო მთელ კავშირში. ვლადიმერ გოიაშვილი ასეთ ამბავს ჰყვება:

– თბილისელი კაცი მოსკოვში მოსკოვისა და თბილისის „დინამოს“ შეხვედრას ესწრება. მაინცდამაინც ვერ არის წყალბურთში გარკვეული. იწყება თამაში, გააქვთ ბურთი. ადგილობრივი დიქტორი აცხადებს: ბურთი გაიტანა მშვენიერად! ეს კაცი გახარებულია. კვლავ გამოცხადება: ბურთი გაიტანა გვახარია! ეს კაცი მეცხრე ცაზეა. შემდეგ: ბურთი გაიტანა ჩანავამ! საზღვარი არ აქვს ამ მაყურებლის ბედნიერებას – ქართველებს ზედიზედ გააქვთ ბურთები! და არ იცოდა ამ უბირმა, რომ ეს ქართველები მოსკოვის „დინამოს“ ღირსებას იცავდნენ!

დღეს ჩვენი პირველი გუნდისთვის ვერ შევიკრივეთ ოსტატები.

წლები დაიკარგა. ათენის ოლიმპიადის წინ ოთხი წლით საწყლოსნო სპორტის ოთხი სახეობა – ცურვა, წყალბურთი, წყალში ხტომა, სინქრონული ცურვა (არაფერს ვამბობ ქალთა წყალბურთზე, რომელიც ჩაკვდა), სახელმწიფოს მიერ დაფინანსდა 74 ათასი ლარით, მაშინ, როცა ჩვენს წყალბურთელებს – ჭაბუკთა ნაკრებს, რომლებსაც წვრთნის ბრწყინვალე წყალბურთელი რეზო ჩომახიძე, მაიაში წყალბურთელთა ტურნირში მხოლოდ ერთ ღონისძიებაში მონაწილეობა 60 ათასი დოლარი დაუჯდა.

სამაგიეროდ, წყლის თხილამურები, რაც ოლიმპიური სახეობა არ არის, იმავე ოლიმპიურ ციკლში ორჯერ უფრო მეტი თანხით – 150 ათასი ლარით დაფინანსდა. აშკარაა, რომ ეს ფული სახელმწიფო ბიუჯეტიდან ვიდაც დიდჩინოსნის სასიამოვნოდ – წყალზე სასრილოდ გამოიყო.

არადა, საქართველოს ჭაბუკთა ნაკრებმა ორჯერ გაიმარჯვა რუსეთის პირველობაზე, ჯერ კონკურსგარეშე ვმონაწილეობდით, შემდეგ – როგორც სრულუფლებიანი წევრები.

ამ შეჯიბრებებზე ჩვენი გუნდი ნამათხორავალი, ნახესხები ფულით დადიოდა... აი, ასეთი პარადოქსია.

პროფესიონალები ვახსენე ზემოთ. ვინემე მიმართა მათ საკონსულტაციოდ, ახალ აუზებს რომ აშენებდნენ მაშინ? არა. არა

და ააშენეს ღრმა აუზები ქუთაისში, საჩხერეში, სხვაგანაც, ბაგაშთა საჭყუმალოების გარეშე. სად უნდა ისწავლონ პატარებმა ცურვა? სად უნდა აღიზარდოს მომავალ სპორტსმენთა თაობა, საიდანაც საუკეთესოთა შორის საუკეთესონი დააკომპლექტებენ ქვეყნის უპირველეს გუნდს?

– კეთდება ამ საქმის მოსაგვარებლად რამე?

– რა გიპასუხოთ, როცა პროფესიონალებს ახლოს არ გვიკარებენ?!

პარლამენტის ერთ-ერთი კომიტეტის სხდომაზე დაუყენებიათ საკითხი – ბაგაშებმა ცურვა უნდა შეისწავლონ. თურმე უნდა შეისწავლონ! დაუკავშირდი „ლელოს“ მთავარ რედაქტორ თენგიზ გაჩეჩილაძეს – გამიგე-მეთქი, ვთხოვე. „ჩარეცხილებში“ შევდივარ თუ არა? ნუთუ ჩემი გამოცდილება არაფრად ღირს, საკონსულტაციოდ რომ არ მიწვევენ? იქნებ, რაღაც ჭკვიანური ვუთხრა...

ერთხელ სამხედრო აკადემიის კურსანტები მოვიდნენ ჩემთან. აპრილია.

– ძია ვოვა, – მეუბნებიან, – ჩვენ გვითხრეს, რომ თბილისელი კაცი ხართ და გაგვიგებს. სამ თვეში აკადემია უნდა დავათავართო, სამხედრო ნაწილებში გავანაწილებენ. ერთმა პრობლემამ შეგვაწუხა: ბევრმა მომავალმა ოფიცერმა ცურვა არ იცის. დაგვეხმარეთ.

კურსანტებმა გამოიჩინეს ინიციატივა.

დახმარება, რა თქმა უნდა, აღვუთქვი. რამდენიმე დღეში ოფიციალური წერილით მოვიდნენ.

მოიყვანეს კურსანტები, შევამოწმეთ, და აღმოჩნდა, რომ მათმა ნახევარმა ცურვა მართლაც არ იცოდა.

შევირბე ჩემი მწვრთნელები, ვთხოვე, ვინაიდან დრო შეზღუდული იყო, დავეწვევინათ კლასიკური მეთოდითა და ესწავლებინათ ამ ბიჭებისთვის 25 მეტრის გაცურვა მაინც – გინდა ბაგაშურით, გინდა ქუთაისური, გინდა მტკვრის ფაილით, ვისაც რა გამოუვიდოდა, ისე.

შევიკმენით კურსანტების ორი ჯგუფი, ვასწავლეთ მათ, ვინც არ იცოდა და, ბოლოს და ბოლოს, გაგაცურვინეთ ის დათქმული 25 მეტრი.

დავანებოთ სპორტს თავი. ცურვა ხომ ჯანმრთელი თაობის აღზრდის უპირველესი საშუალებაა, თუნდაც, სკოლიოზის (რომლითაც ბაგაშების, სულ მცირე, 60 პროცენტია დაავადებული) სამკურნალოდ, პროფილაქტიკისთვის... ამ დაავადების თავიდან აცილების უებარი წამალია.



P.S. წიგნში, რომელიც ამ ინტერვიუს ჩამორთმევის საბაბი გახდა, ვლადიმერ გოიაშვილი განსაკუთრებული მადლიერებით მოიხსენიებს ცნობილ ბიზნესმენ ბიძინა ივანიშვილს, რომელმაც კრიტიკულ მომენტში, როცა შემთხვევით ადამიანებს შეეძლოთ „ლაგუნა ვერეს“ ხელში ჩაგდება, შეისყიდა სპორტკომპლექსი და კვლავ თბილისელთა სამსახურში ჩააყენა.

ესაუბრა ლევან სულაშვილი
საინფორმაციო-ანალიტიკური
სააგენტო „საძინწორმი“

მსოფლიოს დიდი ფეხბურთელები

მსოფლიოს დიდი ფეხბურთელები

მას შემდეგ, რაც მე-19 საუკუნეში ინგლისელებმა აღადგინეს სპორტის უძველესი სახეობა, მსოფლიოს ყველა ქვეყანაში იბადებოდნენ დიდი ფეხბურთელები, რომლებიც კმინდნენ მთელ ეპოქას და მათი მიღწევები ოქროს ასობით იწვევებოდა პლანეტის სპორტულ ისტორიაში. ისინი გვიხსენებენ თავიანთი საფეხბურთო საშემსრულებლო ოსტატობით. ეს ხდებოდა მაშინ, როცა ფეხბურთი ის-ის იყო იდგამდა ფეხს მსოფლიოში და ჯერ კიდევ არსად არ იყო აშენებული, არამც თუ გიგანტური, არამედ ათასმეტრებზე მაღალი სტადიონებიც კი. მაგრამ სწორედ მათმა ოსტატობამ დაუდო სათავე სპორტის ამ უღამაზეს სახეობას, რომელსაც დღეს ლამის მთელი მსოფლიო ეთაყვანება. მას შემდეგ უამრავი დიდი ფეხბურთელი მოეწვინა სამყაროს, მაგრამ ჩვენი რუბრიკა მანაც წინ აყენებს იმ დიდი სპორტსმენების ხსენებას, რომელთაც მსოფლიოს განახლებული სახით უძღვნეს ჯერ კიდევ ჩვენს წელთაღრიცხვამდე დიდი ხნით ადრე ჩინეთში შობილი სანახაობრივი სპორტი – ფეხბურთი! მალე დაინტერესებულ პირთა ვიწრო წრეში აღიარებული ეს სანახაობა მასიურ დონისძიებად იქცა, რამაც წარმოქმნა შესაბამისი სპორტული ბაზების აშენების აუცილებლობა. სწორედ წარსულის დიდი ფეხბურთელების დამახასიათებელია, რომ გააქვს შესანიშნავი სპორტული კომპლექსები “მარაკანა”, “ატეტა”, “ნოუ კამპი”, “სანტიაგო პერნახუ”, “ლუნიკები”, “ოლიმპიაშტადიონი”, “ჰემდენ პარკი” და სხვა და სხვა. სწორედ ამ სპორტულ “მონსტრებს” ავსებენ პირთაშორე დღევანდელი ფეხბურთის “გრანდები”, რომლებიც მონდომებითა და წარმატებით აგრძელებენ თავიანთი დიდი წინაპრების საქმეებს.

ჯანი რივერა
დაიბადა 1943 წლის 18 აგვისტოს, იტალიაში.
თამაშობდა საფეხბურთო კლუბებში “ალესანდრია”, “მილანი” იტალიაში.
1960-იანი წლების დასაწყისში ჯანი რივერას “ოქროს ბიჭუნას” (banbino d'oro) უწოდებდნენ. იგი ყველა იმ თვისებებით იყო უხვად დაჯილდოებული, რომელიც ძლიერი ნახევარმცველისათვის იყო აუცილებელი: სისწრაფით, ტექნიკით, ამოუწურავი ენერჯითა და ფანტაზიით, ზუსტი დარტყმით, უზუსტესი პასით... ჯანი რივერა სულ 15 წლის ემაწვილი იყო, როცა “მილანმა” იგი საფეხბურთო კლუბ “ალესანდრისაგან” 65.000 ფუნტ სტერლინგად შეიძინა, რაც იმ დროისათვის საკმაოდ სოლიდური თანხა გახლდათ. თუმცა, ხელშეკრულების თანახმად რივერას ძალიან ხშირად გამოეყენებინათ უფლებას ორივე გუნდი იტოვებდა. ეს გახლდათ უფრო “სესხება”, ვიდრე გაყიდვა. 1960 წელს კი მილანმა საბოლოოდ “გამოსყიდა” რივერა. მან 16 სეზონი გაატარა “მილანში”, რა პერიოდის განმავლობაში ორჯერ დაეუფლა საკონტინენტთაშორისო თასს და ევროპის ჩემპიონთა თასს, ორჯერ გახდა იტალიის ჩემპიონი, 1969 წელს კი იგი ევროპის საუკეთესო ფეხბურთელად დაასახელეს. მაგრამ, სამწუხაროდ, მისი კარიერა ევოლუციის ვერ ჩერდებოდა ზენიტის პიკზე, განსაკუთრებით მაშინ, როცა ერთმანეთს შეეძველეთ იტალიის ეროვნული საფეხბურთო ნაკრების მწვრთნელები ჯიუტად, მაგრამ ხშირად, არც თუ დიდი წარმატებით, ცდილობდნენ გუნდის მთელი თამაში აეწყოთ რივერას შესაძლებლობებზე. ხოლო, 1970 წლის მსოფლიო ჩემპიონატის ფინალში რივერა მოედანზე გამოიყვანეს მატჩის დამთავრებამდე 6 წუთით ადრე, რამაც მას არ მისცა შესაძლებლობების სრულად გამოვლენის საშუალება. რივერამ 60 მატჩი ჩაატარა ნაკრებში და 14 გოლი გაიტანა. სპორტული კარიერის დამთავრების შემდეგ ჯანი რივერა დიდ პოლიტიკაში წავიდა და იტალიის პარლამენტის წევრი გახდა.

ბრაიან როსონი
დაიბადა 1957 წლის 11 იანვარს, ინგლისში.
თამაშობდა საფეხბურთო კლუბებში “ვესტ ბრომვიჩი”, “მანჩესტერ იუნაიტედი”, “მიდლსმორი”, ინგლისში.
1980 წლების მატჩები უიღბლო იყო ინგლისელი ფეხბურთელებისათვის, რადგან ამ პერიოდში უამრავმა შესანიშნავმა ინგლისელმა ფეხბურთელმა მიიღო მძიმე ტრავმა. ამ ტრავმების მეტი წილი, სამწუხაროდ, ბრაიან როსონის ანგარიშზე მოდიოდა. მიუხედავად ამ ტრავმების მიხედვით გაცილებით ტურნირების დიდი რაოდენობისა, ბრაიან როსონმა მაინც დიდ წარმატებებს მიაღწია როგორც ბრიტანეთის, ასევე მსოფლიო ფეხბურთში. მან 90 მატჩი ჩაატარა ინგლისის ეროვნული საფეხბურთო ნაკრების შემადგენლობაში და ძალიან ხშირად კაპიტნის სამკლავურით გამოდიოდა მოედანზე. საკუთარი გუნდების შემადგენლობაში კი იგი სამჯერ დაეუფლა ინგლისის საფეხბურთო თასს, 1991 წელს გუნდთან ერთად გაიმარჯვა ევროპის თასის მფლობელთა თასის ტურნირში, 1991-1992 წლების პრემიერ-ლიგის პირველ ტურნირში კი გახდა ინგლისის ჩემპიონი. ბრაიან როსონის საკუთარი სათამაშო სტრატეგია გაანდო: “გაიტანე ბურთი მოწინააღმდეგე კარში რაც შეიძლება სწრაფად”. მართლაც, მის მიერ რეალიზებულ მრავალ გოლთან რამდენიმე ბურთი უკვე მატჩის პირველსავე წუთზე იქნა გატანილი. ჯერ კიდევ მაშინ, როცა ბრაიან როსონი ახალბედა ფეხბურთელი გახლდათ და “ვესტ ბრომვიჩ ალბიონს” შემადგენლობაში თამაშობდა, ორჯერ მოიტეხა ფეხი. ეს მისი “ბრალი” გახლდათ, რადგან მოწინააღმდეგე გუნდის მცველები ბრაიანს მხოლოდ სპორტის წესების დარღვევით თუ გააჩერებდნენ ხოლმე. მაგრამ ხშირი ტრავმები ხელს ვერ უშლიდა შემდგომ დაოსტატებაში. “მანჩესტერ იუნაიტედი” მასში იმ დროისათვის სარეკორდო თანხა – 1.500.000 ფუნტი სტერლინგი გადაიხადა. 1994 წელს ბრაიან როსონმა მწვრთნელობას მოჰკიდა ხელი და იმავე წელს “მიდლსმორი” ინგლისის პრემიერ-ლიგაში გადაიყვანა.

პედრო როჩა
დაიბადა 1942 წლის 3 დეკემბერს, ურუგვაიში.
თამაშობდა საფეხბურთო კლუბებში “პენაროლი”, ურუგვაი, “სან-პაულუ”, ბრაზილია.
სიმართლე რომ ითქვას, პედრო როჩას ვერც გარეგნობითა და ვერც თამაშის სტილით ვერ ამსგავსებდნენ ზომაზე მეტად ტემპერამენტულ, ცხელსისხლიან და სკანდალისმოყვარულ ურუგვაელ ფეხბურთელებს. იგი მაღალი და ათლექტური ფეხბურთის იყო, გამორჩეულია სიმწიფით, განსაკვირვებელი სისწრაფით და შესანიშნავი ტექნიკით, რომელსაც აკვირვებებდა ტიტანური ფიზიკური შესაძლებლობები. იგი მარცხენა ფლანგზე მოთამაშე ნახევარმცველი გახლდათ და აღიარება მაშინვე მოიპოვა, როგორც კი ურუგვაის უძლიერესმა საფეხბურთო კლუბმა “პენაროლმა” ჩარიცხა ძირითად შემადგენლობაში. მომდევნო ცხრა საფეხბურთო სეზონის განმავლობაში როჩა თავის კლუბთან ერთად შეიღწერა გახდა ურუგვაის ჩემპიონი. სწორედ როჩას შემართების შედეგი გახლდათ ის, რომ “პენაროლმა” საშინაო და გასვლითი მატჩები მოუგო მადრიდის “რეალს” 1966 წლის საკონტინენტთაშორისო მატჩის გათამაშებაში. 1970 წლის მსოფლიო ჩემპიონატზე როჩა მონაწილეობდა როგორც ურუგვაის ეროვნული ნაკრების კაპიტანი, მაგრამ პირველივე მატჩში მიიღო ტრავმა და, სამწუხაროდ, ჩემპიონატს გამოეთიშა. გამოჯანმრთელების შემდეგ პედრო როჩა ბრაზილიაში გადავიდა სათამაშოდ და უკვე პირველივე სეზონში გაამარჯვებინა “სან-პაულუს” ქვეყნის შტატის (ბრაზილიაში) შტატების პირველობები ტარდება ჩემპიონატში. სულ ურუგვაის ეროვნული საფეხბურთო ნაკრების შემადგენლობაში პედრო როჩამ 62 მატჩი ჩაატარა და ოცამდე გოლი გაიტანა, ხოლო აქტიური ფეხბურთიდან წასვლის შემდეგ ჯერ მწვრთნელი მუშაობდა, შემდეგ კი ბიზნესში გადავიდა.

გიორგი ჯალაღანი

იუმორი

მიმედ ავადმყოფი ქმარი ლოკინში წვეს, ცოლი კი გვერდით უხის და წერილს სწერს:
– მაქრო, რომელია სწორი, “დაკარგულა” თუ “დასაფლავება”?
– ეპ, ფულში და სიმდიდრეში არ არის ბედნიერება... ხომ გინახავს – “მიდიდრებიც ტირიან”?
– მართალია, მაგრამ თუ მაინცა და მაინც სატირალია, მეტროში ტირილს “მერსედესში” ტირილი სჯობია.
ლოთი მამა მეხუთე ბოთლს ცლის:
– მამი, შეიძლება, ბოთლები ჩაგაბარო და პური ვიყიდო?
– ეკითხება შეილი.
– მიდი, შეილო, მიდი, მე რომ არ გყავდეთ, რა გეშეველ ბოლდა?
კაცი სახლში ბრუნდება ღამით. გზად სასაფლაოზე მოუწია გაეღამა. მიდის და შიშით გული უსკდება. ხედავს, ვიღაც მოხუცი კაცი საფლავის ქვეს ამაბრუნებს.
– უპ, როგორ შემაშინეთ! მანდ რას აკეთებთ?
– ჩემს შვილს წლები არასწორად დაუწერია და ვასწორებ...
– ჩვენთან მხოლოდ პატრიოსან ხალხს ვიღებთ სამსახურში: პატრიოსნები ცოტას იპარავენ.
ქმარი ოთახში შევარდა და ცოლს მთელი ხმით დაუყვირა:
– მე ყველაფერი ვიცი! ცოლი არ დაიბნა:
– ყველაფერი?! აბა, მითხარი, როდის მოხდა ტრაფაღვარის ბროლია?

სამარბალო

მიყორს ჩქიმი სამარბალო თიშ გოლა დო, თიში რხენი. დღასუ გლახა ვამათქუე თუდო დანხირ ქათომრხენი. შონემ გოლაშე ინგირი მოსოფუნს და მოხირჩანსუ, მარბალ კოჩი ხვამელ ორე ღვინი გარკუ დღას ჭირქასუ. სუმარც შეხვად გოძიცილო თიშ ჭირც დიხას ვაყადანცუ, ქახტოლუ, გოქუნუნცუ თუდო რდას დო ლაკადუსუ. ეხო-კარი მოკვანწილცუ ჯოლორ ინოყვანყვალანცუ, თაქიანი გორდი ხოლო ბირებული ყაყაღანცუ. ცა ირო რე მოსარკილი რწკინუნცუ დო ვარკალანცუ, ქაცარ დო ოჩი ოყვილარო ირო მუჭომ ჯღვარკალანსუ. წყარიშ წიაქვილ სქიმუს ურთანც, ლატის ქუნცუ დო ღარღალანც, აქვამი ცირა ჯარღალუს დიცას დურუ ტკვარჩალანცუ. კუნთხუ უჯგუშ ვამწონებუ შხეფი ტყურათ ვვარყვალანცუ ათეჯგუა სქურში წყარი სოთინ ვამოხვარჩალანცუ. უნაშეფიშ პატიცემა უჩქუ კაბეტ ბადანასუ, ძღაბეფ ირო დოგორუნა, მუშ ოსქეაფურ – მახანასუ. რ(ო)ზმერ ბ(ო)ბენი, ზუგდიდი

„ვენახი რომ გაყიდო, იმის ფულიც კი არ გეყოფა დასახსნელად“



ამას წინათ სიღნაღის რაიონის სოფელ ძველ ანაგაში გამართული საპროტესტო აქციის მონაწილე გლეხებს, რომლებმაც რთველთან დაკავშირებით უკმაყოფილება გამოხატეს და კახეთის საინფორმაციო ცენტრს ინტერვიუ მისცეს, პოლიციის თანამშრომლები დაემუქრნენ.
როგორც აქციის მონაწილეები აცხადებენ, პოლიციის თანამშრომლებმა მათ შინ გუშინ გვიან დამით მიაკითხეს და გააფრთხილეს, რომ თუ ხმას არ ჩაიწყვეტენ, პრობლემები შეექმნებოდათ.
„მოვიდნენ და მითხრეს – რას ბუნტობ, რომ ბუნტობ, გონია, შურნალისტები გიშეგლიან? ისეთ დღეში ჩაგადებთ, წლებანდელი მოსავალი კი არა, ვენახი რომ გაყიდო, იმის ფულიც კი არ გეყოფა დასახსნელად... არაფერი მითქვამს, ერთ-ერთი მთავანი ნახვამი იყო და შარს ექება“, – აღნიშნა აქციის ერთ-ერთმა მონაწილემ.
შეგახსენებთ, რომ უკმაყოფილო გლეხებს სიღნაღის მუნიციპალიტეტის გამგებლის მოადგილე თამაზ ნასყიდაშვილი და გამგეობის თანამშრომლები შურნალისტებთან საუბარს გუშინვე აქციის მიმდინარეობის დროს უშლიდნენ.

საქართველოს ევროკავშირში გაწევრების წინაპირობა არ არის

„საქართველოსა და მოლდოვას ამ სამიტისგან უფრო დიდი მოლოდინები ჰქონდათ ევროკავშირში ინტეგრაციის მიმართულებით, ვიდრე ჩვენ შევთავაზეთ“, – ამის შესახებ ვარშავაში აღმოსავლეთის პარტნიორობის სამიტის დასრულების შემდეგ პოლონეთის პრემიერ-მინისტრმა დონალდ ტუსკმა განაცხადა.
ვარშავაში ჩატარებულ ერთობლივ ბრიფინგს ესწრებოდნენ ტუსკი, უნგრეთის პრემიერი ორბანი და ევროკომისიის პრეზიდენტი ჟოზე მანუელ ბაროზო.
ტუსკის განცხადებით, დღეს არ არსებობს წინაპირობა, რომ საქართველოსა და მოლდოვას ევროკავშირში გაწევრებაზე დაიწყოს საუბარი.
„მო უნდა შეასრულონ ვალდებულებები, თუმცა უკვე გადაწყვეტილია – 2012 წელი იქნება მოლდოვასა და საქართველოსთან მოლაპარაკების დაწყების წელი სავაჭრო შეთანხმებაზე“, – აღნიშნა პოლონეთის პრემიერმა.
ვარშავაში 29-30 სექტემბერს ევროკავშირის აღმოსავლეთის პარტნიორობის სამიტში საქართველოს პრეზიდენტიც მონაწილეობდა.
სამიტზე მიიღეს დეკლარაცია, სადაც აღნიშნულია, რომ ევროკავშირთან თავისუფალი ვაჭრობის შესახებ შეთანხმებაზე საქართველოსა და მოლდოვასთან მოლაპარაკებები წლის ბოლოს დაიწყება. დოკუმენტის ქვეთავში, რომელიც პოლიტიკურ ჩართულობასა და სოციალურ ეკონომიკურ ინტეგრაციას ეხება, ნათქვამია, რომ აღმოსავლეთის პარტნიორობის პროგრამის ფარგლებში ამ მიმართულებით პროგრესი მიღწეულია.
საქინფორმი

ISSN 1987-8966 ილორი
კვლევითი ინსტიტუტი: თბილისი, ბაქრაძის ქუჩა №6 მე-4 სართული სარეგ. №01018002930 234-32-95
მთავარი რედაქტორი: როლანდ ჯალაღანი
სარედაქციო საბჭო: ზაურ ბახარია, თამარ ქორიძე, თანგიზ კუბლაშვილი, კლინაფი შალია, გივი სოფიანი, ანსორ შონია, გიორგი სიჭინავა, ნუგზარ სალაყაია (ბალი)
ტექნიკური რედაქტორი: მიხეილ როდრიგოვილი
გაზეთის მენეჯერი: ზურაბ ქობალია 599-34-37-27
გაზეთ “ილორის” გაცნობა შეგიძლიათ “საქინფორმის” ვებგვერდზე WWW.saqinform.ge